



BIBLIOTECA NAZ.
Vittorio Emanuele III

XX

B

3

NAPOLI



17

B R E V I S H I S T O R I A

JURIS ROMANO-NEAPOLITANI

A U D I T O R U M

USUI ACCOMODATA.

C Û I

Adnec̃tentur Ejusdem Juris

I N S T I T V T I O N E S .



N E A P O L I
ANNO AERAE CHRIST. MDCCLX.

TYPIS VALENTINI AZZOLINI.

AUCTORITATE PUBLICA.



VIRO AMPLISSIMO
CAROLO DE MARCO
FERDINANDI IV.

NEAPOLIS, AC SICILIÆ REGIS

A SECRETIS.

AUCTOR.



ON MIHI DIU DELIBE-
RANDUM FUIT, ECCUI
QUALECUMQUE OPU-
SCULUM HOC, QUOD
BREVEM HISTORIAM
JURIS ROMANO-NEA-
POLITANI COMPLECTITUR, DICAN-
DUM A ME ESSET. UNUS MIHI EX
OMNIBUS OB OCULOS OBVERSATUS ES,
CUM TANTA SINT DECORA, ATQUE
ORNAMENTA TUA, UT NIHIL SUPRA.
AC SANE SI UMQUAM CERTUS ESSEM,
A TE ALIQUAM GRATIAM INITURUM,
SI SINGULATIM PENE INNUMERA

MERITA TUA MEA ORATIONE LICET
IMPOLITA , ATQUE TALI ARGUMEN-
TO MINUS APTA PERSEQUERER , MI-
HI CREDE , SATIS DECERNERE NON
VALEREM, UNDE INCIPERE, AUT QUO
DESINERE OPUS FORET . NÆ TUE
GENTIS CLARITUDO , ANIMIQUE TUI
VIRTUTES , QUAS MIRUM IN MODUM
VEL AB INEUNTE ÆTATE EXCOLUI-
STI , MATERIEM DICENDI TALEM
SUPPEDITARENT , UT DIFFICILE AD-
MODUM ESSET AUT INITIUM DICENDI
INVENIRE , AUT FINEM PRO JURE
ADSEQUI . QUID PORRO MIHI EVENI-
RET , NESCIO , SI UMQUAM EAS LAU-
DES ATTINGERE VELLEM, QUAS PRO-
MERITUS ES , UBI DIFFICILE CAMPAN-
IÆ NOSTRÆ REGIMEN TIBI A SA-
PIENTISSIMO REGE CATHOLICO CA-
ROLO III. COMMENDATUM, EO PRÆ-
SERTIM TEMPORE , QUO IMPROBO-
RUM HOMINUM VITIO PUBLICA TRAN-
QUILLITAS, AC PRIVATA NONNULLO-
RUM SUBDITORUM QUIES CAMPANIAM
INCOLENTIUM VEXABATUR . CERTE
QUAM OPINIONEM DE TE INVICTIS-
SIMUS REX PRÆCONCEPIT , NON A-
DÆQUAVIT SOLUM , VERUM ETIAM
SUPERAVIT EVENTUS . ECQUID PLANE

POTUIT IN TE DESIDERARI IN TAM
NEGOTIOSO MUNERE PROSEQUENDO?
JUSTITIA NE , VIGILANTIA , PROVI-
DENTIA , IN REGEM OPTIMUM CARI-
TAS , ATQUE FIDES ? NIHIL HORUM TI-
BI DEFUIT. NAM SEMPER A TE SACRI-
LEGUM HABITUM EST , A JUSTITIÆ
ORBITIS VEL LATUM UNGUEM DEFLE-
CTERE ; NULLOQUE POTENTIORUM
RESPECTU , AC PARTIUM STUDIO ID
SEMPER JUSSISTI , QUOD RATIO , AC
LEGUM SCITA IMPERARENT. VERUM
MEMET AB HIS FUSE ENARRANDIS
VEL INVITUS ABSTINEO , QUOD VE-
REOR , NE DUM BENEVOLENTIAM
TUAM COLLIGERE SATAGO , TIBI DIS-
PLICEAM , CUM PRO TUA VERECUN-
DIA , MORUMQUE HONESTATE , QUAE
PRÆCELLIS , MINIME PATIARIS , HÆC
CORAM EFFARI. ATQUI SINAS SALTEM
OBSECRE , MIHI ENIM TEMPERARE
NEQUEO , UT VEL HOC UNUM MEMO-
REM POSTERORUM MEMORIA PROFE-
CTO DIGNISSIMUM , TE MAXIMARUM
LAUDUM PENORE CONDECORATUM A-
DEO PLAGUISSE EIDEM CAROLO REGI
ACERRIMO INGENIORUM ÆSTIMATORI,
UT HUIC REGNO DATURUS VIRUM , QUI
UNIVERSÆ JURISDICTIONI CUM CIVI,

LI, TUM ECCLESIASTICÆ PRÆESSET
IN TE POTISSIMUM CONJECERIT OCU-
LOS, CUJUS SC. SINGULAREM FIDEM,
SCIENTIAM, CONSTANTIAM PERSPE-
CTAM HABEBAT; QUAMVIS TOT TAN-
TISQUE VIRIS URBS NOSTRA ABUN-
DET, QUI PRO VIRIBUS QUOQUE JU-
STITIÆ PARTES SERVARE DECERTENT.
NEC PRINCIPEM SAPIENTISSIMUM OPI-
NIO SUA FEFELLIT; NAM PLACES A-
DEO, UT FELICITATEM PUBLICAM TE
ATTULISSE NEMO NON DICAT. ATQUE
HÆC HABUI, QUÆ TIBI DICEREM,
UT CAUSSAM HABERES, QUÆ UNICE
MOTUS TIBI OPUSCULUM MEUM DI-
CARE STATUI. NIMIRUM MIHI PER-
SUASI, LABORES MEOS BENE, FELICI-
TERQUE MIHI CESSUROS, SI TIBI UNI
OBSEQUENTIS ANIMI MEI SIGNIFICA-
TIONEM EDEREM TANTULA OPUSCULI
MEI DEDICATIONE. TE IGITUR ROGO,
BENIGNE EXCIPIAS, AC SI QUID AB
REP. OTII ERIT, AD MANUS SUMAS.
ID SI PRO TUA HUMANITATE FECE-
RIS, ME BEATISSIMUM PRÆDICAVERO.
VALE.

ADO-

ADOLESCENTI JURIS ROMANO-NEAPOLITANI STUDIOSO.

Auctor S.



*U*ltimos est eorum , qui
in publicum sua Opera
emittunt , benevolos Le-
ctores præmonere de caus-
sis , quæ Operibus suis
edendis originem dede-
runt , cum nunc sequar
equidem necesse est. Plura enim dicenda
a me sunt , quæ te reddant instituti mei
compotem , tuamque erga me benevolen-
tiam , quod caput est , concilient. Qua-
re quæ omnia ad meam hanc causam per-
tinent , tibi mox proponam in hunc mo-
dum. I. tibi dabo ea , quæ rationes mei
instituti complectuntur . II. quædam ha-
bebo , quibus tuæ humanitatis erga me
potiora argumenta exhibebo . Atque ab
his omnibus paucis me expediam ; nec e-
nim pluribus te tenebo.

Et quod ad primum spectat , teneas rogo , me jamdiu dolere capisse , nostrum neminem ad hunc diem studuisse , breves Institutiones edere , quæ cum Civilium , tum Neapolitanarum legum specimen quoddam præberent , quæque captui Tironum , qui utrumque Jus discere vellent , essent accomodatæ , ut sc. communes , ac municipales leges , prout apud nos in usu sunt , discriminatim , ac præclare noscerent . Neque ex hoc tantum contristabar ; Nam angebar etiam ex eo , quod jam apud exterarum gentes idem opus viri plane doctissimi susceperant . Eccui ignotum , id omnino perfecisse optimo Germanorum , Gallorum , atque Anglorum Adolescentium Juris Romani , ac Patrii studiosorum Heineccium , Covringium , Thomassium , Schilterum ? Quibus heic equidem accenserem alios gloriæ , atque utilitatis suorum amantissimos , si id nunc agerem . Verum dum hæc omnia animo obversabantur , mihi numquam tribui , tale opus aggredi , tum quia iis tantum capiebar , quæ mei muneris essent , contentus tantum mecum ipse meditari , atque exscribere , quæ in doctiorum virorum illustrioribus Operibus , quæ diu noctuque , pro eo ac possem , perlegere studui , ad-

notatu

notatu digna occurrere solent, tum quia
me imparem tam gravi negotio profe-
quendo satis noveram. Accedebat his fe-
rox quorundam inimicorum meorum in-
vidia, quibus, uti christianum hominem
deceat, bona omnia adprecior, quorum non
tam acre, quam impium iudicium non
mibi tantum, qui parum valeo, sed cui-
vis vel doctissimo viro pertimescendum.
His de causis factum quoque, ut quæ
de Jure Canonico, Feudali, ac Crimi-
nali collecta in Forulis habeo, numquam
passus sim typis evulgari posthabito quo-
libet amicissimorum virorum hortatu,
nec porro meo nomine, siquidem D. O.
M. annuat, edi sinam. Verum me e-
jusmodi difficultatibus implicatum tan-
dem tribus abhinc mensibus excussit Vir
quidam doctissimus, mibique amicissimus,
qui primum me commendavit, quod do-
lerem, neminem hactenus commoda no-
strorum Adolescentum fecisse utriusque juris
studiosorum, tum vero acerbe me carpere
cepit, quod rem non aggrederer utilitati
profecto futuram, tantumque deferrem
inimicorum quorundam invidia, quorum
injurias, ac scommata effugere difficile
semper fuit iis, qui in publicum prodire
debuerunt, ut vel publico, vel privato
com-

commodo consulerent. His equidem rationibus motus capi, festinanter rei operam dare. Tenes igitur causam, eccur mihi met imperaverim, ut aliquid novi ederem.

Nunc accipe pauca, quibus mens mihi est, aperire, quid factu opus esse putarim, ut rem tantam exequerer. Ac primum hæsit animus, ut statuerem, quisnam interpres Institutionum Civilium esset a me exscribendus, ut præcepta Juris Civilis tibi traderem; Nam e'penu mea depromere novos ad Justiniani Institutiones commentarios; supervacaneum mihi vel sub initium visum fuit, cum satis celeberrimos Viros is labor exercuerit. Quare ne te mover (multus equidem essem, si de civilium Institutionum Interpretibus, vel saltem iis, qui ad manus esse solent, Judicium nunc ferre vellem) demum decrevisse tene, Heineccii Elementis Juris Civilis uti, ut prima Juris Romani præcepta nosceres. Sane Cl. Heineccium qua ordine, quo Justinianas Institutiones mire explicavit; qua rerum delectu, ac nitore, quo undique rebus obscurioribus lucem affundere curavit, ceteris omnibus præferendum arbitratus. Neque his tantum motus fui rationibus; sed

sed vel hac etiam, quod sc. anni spatio posset Tiro, me prælegente, pedetentim intelligere, quæ is idem in suis Institutionibus habet. Quod autem ad Juris Municipialis notitiam pertinet, tibi continuo, quicquid eo rediret, tradi rite posse sensi, si quid nostro a Jure Romano variatum, peculiaribus ad ipsum Heineccium notulis tibi exhiberem. Igitur ab Heineccio haberi puta, quicquid Jure Romano cautum, a meis notulis variantes a civilibus leges Neap. Verum cum in Elementis Heineccianis Juris Romani historia desit, quandoquidem vix tantum Cl. Vir doceat ea, quæ ad Proœmium Justiniani erant dicenda (tamen si integram Juris Romani Historiam alio opere perbelle persecutus sit) necesse mihi visum primum omnium brevem Juris Romani historiam componere. Cui proprium quoque erat adnectere brevem alteram Juris Neapolitani, cum necessarium omnino sit studioso legum Romano-Neapolitanarum utriusque Juris Origines, ac fata scire. Hinc curare primum capi describere, quæ ad brevem historiam Juris Romano-Neapolitani spectarent hoc animo, ut eandem præmitterem Elementis Juris Heineccii, quibus subjiciendæ erant meæ notulæ. At
quo-

quoniam calamum subivere nonnulla, quæ
effecerunt præter opinionem meam talem
Historiam longiorem, idcirco eam Heineccio
adnectere opportunum mihi nequaquam vi-
sum, sed peculiari volumine edi oportere
statui, ne sc. prior Heineccii pars (in
animo enim mihi est, Heineccii Institu-
tiones in duas partes tribuere, quarum
altera primum & secundum, altera tertium
& quartum Librum complecteretur; qua de
re, ubi opus erit, te monebo) nimio pagi-
narum numero Tironibus negotium faceſſe-
ret. Ex his igitur puto, temet colligere,
quid umquam brevi hac historia, quam tibi
nunc offero, contendam. Equidem reor, te
tenere, brevi hac historia momentosiora quæ-
que proponere velle, quæ ad fata Juris
Romani, & Neapolitani spectant. Habe-
bis porro Heineccium, quo duce Juris Ro-
mani præcepta discas, ac demum meas ad
eundem notulas, quibus variantium le-
gum Neapolitanarum capita recensebo,
prout sc. vel derogatum, vel a legibus
nostris Jus Romanum abrogatum. En In-
stituti mei rationes.

Nunc venio ad ea, quæ ad alteram
Epistolæ hujus caput pertinent, quæque
propius meam causam attingunt. Ac ne
te diutius morer, quæ a te majorem in

modum pro tua humanitate peto, mox con-
feram. I. Historiam hanc, qualiscumque est,
ad manus minime sumas rogo iniquo a-
nimo, quemadmodum hodie fieri solet.
Quæ tibi videntur dissona, absurda, ac
si quæ alia tibi occurrunt, quibus erit,
cur pro iure culper, continuo paratum
habebis ad menda quævis expungenda,
ubi pro eo ac decet, me monueris, tibi-
que quammaximas gratias agam, ac si
non uti res feret, saltem pro meis viri-
bus huiusmodi erga me beneficiis tibi satis-
facere studebo. Habeo equidem, fortasse
fore, qui verba, sententias, ac quævis
alia, quæ in hoc Libello comprehendun-
tur, uti & ea, quæ deinceps aliis com-
plectar, carpere, ac ferme sauciare sata-
gent. At me minime isthac turbabunt,
cum id passos satis sciam Viros doctissi-
mos, qui longissime ingenio, doctrina,
ac meritis me præstiterunt, mihi tamen
reliquum erit vel præ pudore silere, ac
me facti pænitere, vel potius letari, me,
licet immerito, eo facto abreptum, quod
Viri doctissimi subiverunt. Itaque fa-
ctum, ut primum te rogare statuerim, ut
benevelo, equoque animo ad mea isthac
legenda accederes. II. velim obsecro at-
tendas, me primum omnium pro Tiro-
num

num commodo id onus iniuisse. Quare
eo stilo res omnes in hac Historia de-
scribere studui, quo oportebat, ne eorum
ingenia vocabulorum, ac sententiarum ob-
scuritate gravarer. Neque minus studui,
ea referre, quæ ad propositum facerent;
Luculentiora enim, ni fallor, quæ tan-
tum materiam, de qua dissertare opus
erat, illustrarent, referre mihi maxime
placuit. Hinc notulas ullas adserere no-
lui, quamvis altera editione, si umquam
D. O. M. faxit, subnectam, quas prima
hac vice missas facere haud abs re fuit.
Hæc duo ubi humaniter prosequeris, fu-
turum auguror, ut & meæ famæ consula-
tur, & tuæ erga me humanitatis fructus
longe uberrimos experiar. Atque hæc de
Instituto meo, argumentisque, quibus
tuam erga me benevolentiam colligere
sategi. Vale.

ADPROBATIONES UTRIVSQUE
CENSORIS.

Magnificus U. J. D. D. Nicolaus Alphanus in hac Studiorum Universitate Professor revideat, & in scriptis referat. Datum Neap. Die quarta M. Martii 1760.

NICOLAUS DE ROSA EP. PUT. CAPP. MAJ.

S. R. M.

Summa animi voluptate, M. V. jubente, recensui, uti par est, opus, cui Titulus *Historia Juris Romano-Neapolitani*, nec quidquam in eo recolere mihi datum est, quod vel a Regiis Juribus, vel a bonis moribus absonum videatur; Quinimmo Regiam Potestatem, & Sacra Principatus Jura in legibus condendis sive Romanis, sive Municipalibus, sive Feudalibus pro Majestate commendat, vetustam æque, ac recentiorum redoleret eruditionem, Artisquæ Criticæ nobiliori lumine repletur. Cum ergo juris amatoribus valde prodesse ad chronologicam legum repetitionem enodandam possit, dignum proinde, ut M. V. jussu accedente prælo detur, censeo. Dabam Neap. Idib. Mart. Æræ Dionys. Anno MDCCLX.

Devotissimus Cliens

Nicolaus Alphanus R. Professor.

Die 26. mensis Martii 1760. Neapoli.

Viso Rescripto Summæ Regalis Majestatis sub die 23. currentis mensis, & anni, ac relatione U. J. D. D. Nicolai Alphani de Commissione Rev. Regii Cappellani Majoris ordine præfatæ Regalis Majestatis = Regalis Camera S. Claræ providet, decernit, atque mandat, quod imprimatur cum inserta forma præsentis supplicis libelli, ac adprobationis dicti Revisoris. Verum in publicatione servetur Regia Pragmatica. Hoc suum &c.

Castagnola. Fraggianni. Gaeta. Romano.

Ill. Marchio Danza P. temp. subscript. imp.

Reg. fol. 86.

Athanasius.

Carulli.

V. C. P. D. Chilianus Caracciolus Lector
Theologiæ Congregationis Olivetanæ revideat, &
in Scriptis referat. Dat. Neap. Non. Decembr. 1759.
Josephus Sparanus Can. Depuratus.

EMINENTISSIME PRINCEPS.


Opus, cui Titulus *Brevis Historia Juris Romano-Neapolitani*, jussu E. tuæ attente perlegi, & quidem maxima animi voluptate. In eo siquidem omnia ita concinne, eruditeque exposita sunt, ut nihil ultra reliquerit doctissimus Auctor, ac Regius in nostra Neap. Academia J. C. Professor hac in re desiderandum, Cum vero nihil in eo deprehenderim, quod Orthodoxæ Fidei, bonisque moribus adversetur, communi Reip. literariæ bono publica luce frui debere censeo. D. Neap. Kal. Mart. Anno MDCCLX.

Humil. Add. Cliens
D. Chilianus Caraccioli.

Attenta relatione Domini Revisoris imprimatur.


I. Sanfuerinus Ep. Filadelf. Vic. Gen.
Josephus Sparanus Can. Dep.

BREVIS HISTORIA
JURIS ROMANO-NEAPOLITANI.

§. I.  UOD Deus bene, feliciterque vertat, brevem Historiam, quæ Juris Romano-Neapolitani facta, originesque exponat, jam dare in animo mihi est. Quod equidem ut rite persequar, duabus partibus, quidquid eo redit, complectar, quarum prior erit de Ortû, & Progressu Juris Romani, altera Originem, ac Fata Juris Neapolitani proponet.

P A R S P R I O R.

De Ortû, & Progressu Juris Romani.

§. II.  UI de Juris Romani fati agunt, tricas bene multas heic ferunt, ut pro suo quique ingenio ejusdem Juris ætates enumerent. Mihi tamen adprime placet pro triplici Pop. Rom. fortuna tres Juris Civilis ætates modo recensere, quod equidem a nonnullis probatum video. Itaque tres ætates Juris Romani jam
A tene,

tene, quarum primam Regiam appellato, secundam Liberam, tertiam vero Imperialem: quandoquidem Romani primum Regum Dominatum passi, tum Consulum regimini subesse, ac demum Imperatorum potentiam, juraque ferre debuērunt. Atque hæc omnia tribus capitibus mox excipe.

C A P V T I.

De Prima Juris Romani Ætate sub Regibus.

§. III. **Q**Uæ fuit urbis Romæ sub septem Regibus partitio, quæve fuit Regum Romanorum in rebus gerendis Politia, superfluum est enarrare, cum id instituti mei ratio non postulet. Opportunum tantum hic esse puto, ea tantum docere, quæ ad Legum Romanarum Originem, ac progressum spectant.

§. IV. Et quidem Legum Romanarum origo a Romulo Urbis Romæ conditore repetenda est. Is plane urbem suo Imperio regere, ac pro arbitrio legi-

legibus firmare cæpit. Ad rem Tacitus *Annal.* III. 26. ait, *Romulum, ut libitum, imperitasse*. Verum obstare vi detur nonnullis interpretibus Juris Civilis Pomponius Ictus, qui l.2. §.1. de Origine Juris hæc habet: *Initio Civitatis nostræ Populus sine lege certa, sine Jure certo primum agere instituit, omniaque manu Regis gubernabantur*. Quem profecto variare ex eo vides a Cornelio Tacito, quod Tacitus pro arbitrio Romuli leges conditas sub initium Romæ docet, contra vero Pomponius aperte Pop. Rom. *sine lege certa, sine Jure certo primum egisse* affirmat. Sed meo quidem judicio quam mire ambo inter sese consentiant, nunc vide. Habes apud Tacitum, *Romulum ut libitum imperitasse*. Id si recte interpreteris, firmum habebis, *Romulum manu, sive arbitrio suo primum* rebus Rom. præfuisse. Quamobrem nemo non videt, nihil hac in re Pomponium a Tacito dissonare. Quod vero ea ætate, qua omnia manu Regis gubernabantur, Romæ certum Jus defuisse Ictus velit, id te non moretur, non quod velim opineris, sub Romulo

certum jus fuisse, nullum, cum Romulum, leges quasdam curiatus ad Populum tulisse memoriæ proditum sit, sed potius tene, arbitrium illud incertum jus fecisse non dum constituta Reip. Rom. forma. Quod porro certum esse cæpit Populo in triginta curias descripto. Itaque factum, ut ante Curias Romuli potestate, & Imperio res Romana steterit, atque is idem pro lubitu imperitarit; Quare cum pro rerum eventibus Rex ipse arbitraretur, certi Juris creandi ratio sub initium defuit. At Populo in xxx. Curias descripto, sicque recte constituta Civitate Romana, Pop. Rom. tum primum certo jure regi cæpisse tene. Id luculenter demonstrat frequens illa mentio Legum Romuli, quæ quoniam post Pop. Romani partitionem certæ esse cæperunt, fere semper curiatæ nuncupantur. Atque in hunc modum ea duo loca componi recte posse mihi videntur, quæ, nescio qua causa, bilem nonnullis civerunt.

§. V. Ecquænam vero fuerint, quotque leges, quas sub Romulo post curias Populus Romanus jussit rogante Rege ea formula *Velitis Jubeatis*, af-

fir

firmari tuto nequit , quandoquidem Tabulæ omnes , quibus olim Romuli leges descriptæ , temporum injuria ad manus nostras non venerunt . At ne omnia , quæ huc fortasse spectare quidam ajunt , omnino desiderentur , conferam tantum eas Romuli leges , quas exhibet Dionys. Halicarnass. lib. i. *Antiquit. Rom.* his verbis : *Mulier , quæ secundum sacras leges convenit in manum , particeps bonorum , sacrorumque Mariti esto : Patri in liberos jus vitæ & necis ; illosque ter venundandi jus esto ; tertium venundati , & manumissi à Patria potestate exeunto : Sordidas , sellulariasque artes cives ne faciunt , sed studiis militaribus , rei que rusticæ vacanto : Temetum mulier ne Bibito . Mitto pœnam Patronis addictam , si fraudi clientibus essent , Patrum jus monstrosos partus exponendi , ceterasque ejusdem Romuli leges , ne moræ sim . Verum si tantu hæc habes , vide Cl. Paulum Merulam , qui in *de Legibus Romanis* plerasque leges Romuli pereleganter recenset .*

§. VI. Suas quoque leges rogarunt ,
A 3 qui

6. . . . BREVIS HISTORIA

qui Romulum secuti sunt Reges, quas heic enumerare inutilis labor est. Certe Numam nonnulla statuiffe de cæde, sepultura, & contractibus bonæ fidei, quæ sunt juris gentium præter facrorum ritus: Servium Tullium eam juris, & quidem civilis partem composuisse, quæ est de contractibus, delictis, fænore, atque ære alieno quinquaginta latis legibus auctor est idem Dionysius *Antiquit. Rom. lib. iv. & v.* Idem labor exercuit quoque ceteros Reges, qui novas leges condere, dum regnarunt, nequaquam desierunt. Atque hinc factum, ut leges Regiæ usque ad Servium curiatæ, tum centuriatæ dictæ, quod sc. eas Populus Rom. a Romulo in curias, a Servio in centurias porro descriptus jusserit. Quod vero ferme omnes leges Regiæ publicum regimen potius, quam privatum spectarunt, id ne mireris. Nam ita factum oportuit, ut sc. nova urbs Imperio, & Religionè primum firmaretur, quæ duo societatem omnem instituunt, servantque. Quamobrem si quid Juris deesset privatorum hominum controversiis transi-

gen

gendis, opportune admodum arbitrio Regis, uti sese daret occasio, constitutum legimus. Igitur haud abs re commendandum omnino est antiquissimum illud Romanorum institutum, cujus auctor Romulus, quo tributum Patriciis (quibus vitio datum, Jus civitatis ignorare) sententiam legum omnium civilium custodire, atque plebeis explicare. Quo non tantum mutuis officiis, animisque Patricii cum Plebeis tamquam Clientibus devincti, verum factum, ut vel levi incommodo quivis Patrias leges pernosceret, quæ capto perdifficiles erant, quod maximam partem imperii jura complectebantur.

§. VII. Verum cum Romani superbum, impotentemque Tarquinii Dominatum indignati, eundemque duce Junio Bruto cum regio nomine, imperioque ex urbe pepulerint, impositus demum regis legibus condendis finis. Earum certe aliquot, quæ Religionem, ac privatorum jura constituebant, nec regium nomen, imperiumque præseferabant, in leges XII. Tabb. per Decem viros collatas vult Cujacius *observat*.

III. 40. Atqui Cujacius non est ita heic intelligendus, ut ceteræ leges, quæ in XII. Tabulis non comprehensæ, omnino ex hominum memoria exciderint. Sane vel ipsis Tarquinii temporibus floruit Papirius Romanus homo, qui non multo post expulsos Reges leges omnes Regias in unum contulit. Atqui quot libris Regias leges Papirius ediderit, non omnino certum: Equidem video, unum Pomponii locum eruditos interpretes transversos hac in re agere. Sic plane vulgata lectio Pomponii verba exhibet l. 2. §. 2. de Orig. Juris: *Tulerunt (leges) & sequentes Reges, quæ omnes conscriptæ exstant in libro Sexti Papirii*. Profecto si in hunc modum legere tibi arridet, duo habebis, & Papirium sextum, appellatum, & in unum librum leges omnes Regum Romanorum redeigisse. Sin autem variantes lectiones Jacobi Cujacii, & Caroli Conradi tibi cõrdi sunt, quorum alter ad tit. de Orig. juris multorum MSS. codicum auctoritate motus non sextum legit, sed notam numeralem VI. alter in Præfat. ad Tom. I. Opusc. Byn-

Bynkersh. numeralem notam VI. interpretatur sex, & pro *libro* legit *libros*, vel oportebit affirmare cum Cujacio, Papirium sexto libro leges regias comprehendisse, qui secutus quinque alios, quibus fortasse patrias antiquitates descripsit, vel cum Carolo Conradi sex libris leges omnes regias Papirium collegisse. Vtraque conjectura probari vel facile potest. At me potius trahit vulgata lectio. An tibi inverisimile fit, Sextum Papirium quemdam in librum unum regias omnes leges contulisse, quemadmodum ex vulgata Pomponii lectione excipitur? Igitur præclare vides uno libro leges omnes Regias Papirium descripsisse, siquidem communem, vel Cujacianam Lectionem sequaris, sex vero libris, si illam Conradi probes. Rem hanc pro tuo arbitrio expendito.

§. VIII. Nunc reliquum est, ut de fato Papirianæ istius collectionis agatur. Equidem teneo, omne Papirii opus temporum injuria periisse. Non desunt tamen, qui ejusdem operis fragmenta duo exstare ajunt, unum de *Prægnante mortua* apud Marcellum in l. 2. ff. de *Mort.*

Mort. Inf. quod peculiari Dissertatione illustravit Zaccharias Huberus, alterum apud Macrobiū III. *sat.* II. Sed merchule falluntur. Ea duo fragmenta potius ex Granii Flacci in jus Papirianum commentario sunt repetenda, qui plane Julio Cæsari Συμπόσιος fuit, commentariumque in Jus Papirianum edidit. Et quamvis Flacci commentarius jampridem periit, tamen ambigere non est, ea ætate, qua Marcellus, & Macrobius floruerunt, Granii librum ad manus Ictorum, atque doctorum virorum fuisse, ac nonnulla data occasione exscripsisse, quæ legum regiarum specimen quoddam potius exhiberent. Legatur Petrus Wesselingius *Obs.* I. 4. Quinimmo sapienter hac in re sentire puto Jo. Nic. Funccium *de Pueritia Lat. Ling. cap.* III. §. v. quippe qui docet, fragmenta alia legum regiarum, quæ contulere Servius, & Festus antiquissimi, ac peritissimi rerum latinarum scriptores ἀπὸς Granii Flacci commentario deprompta, cum ætatis illius stitum minime redoleant, qua Romæ regnatum est. Atque hæc omnia Papiria-

num

num Jus omnino defecisse perbelle demonstrant. Verum velim hic teneas, non defuisse postmodum doctos viros, qui ipsarum legum regiarum fragmenta colligere, atque ex scriptoribus latinis hinc & inde corradere fategerunt. Qua in re profecto præstiterunt Antonius Augustinus, Contius, Balduinus, Prateius, Vrsinus, Manutius, Merula, Lipsius, aliique. Sed horum labori, industriæque tantum debemus notitiam Regii Juris, non vero genuina legum Regiarum verba. Nam hi plerumque pro ingenio latini sermonis Regias leges confixerunt, quas sparsim veteres scriptores prodiderunt, qui potius sententias legum regiarum non vero ipsamet verba passim retulerunt.

C A P V T II.

De Secunda Juris Romani Ætate sub Consulibus.

§. IX. **H**Actenus de Ætate Juris Romani sub Regibus. Hanc excipit ætas illa, qua a consulibus Resp. Romana administrari capit. Ac sane expulso

pulso Regno dominatu Consules duo centuriatis comitiis creati res Romanas gerere cæperunt. Quodnam vero jus tum primum sub consulibus obtinuit, tradit Pomponius §.3. his verbis: *Exactis deinde Regibus lege Tribunicia omnes leges hæ (Regiæ) exoleverunt, iterumque caput Pop. Rom. incerto magis jure, & consuetudine alij, quam per latam legem, idque prope viginti annis passus est.* Sed non omnis fides est hisce Pomponii verbis præstare. Ait, exactis regibus lege tribunicia omnes leges Regias exolevisse. Verum hac in re nullam fidem meretur, quod nullam legem historici rerum Romanarum prodiderunt, qua constet, leges omnes Regias peculiari lege abrogatas. Quinimmo perstitisse leges Regias satis duo demonstrant, cum sc. collectio Papiriana, quæ post expulsos Reges prodit, tum usus nonnullarum legum Regiarum, puta Romuli de summo Parentum Imperio in Liberos, Servii de censu, ac de contractibus, aliarumque a Regibus rogatarum. Vide-
 fis Dionys. Halicarnas. *Antiquit. Rom.*
 V. Atque heic digitum etiam intende
 ad

ad *Tō exolevisse*; nam cum velit eo vocabulo Pomponius significare, leges Regias abrogatas fuisse, in errorem omnino incidit, cum latine abrogari, non exolefcere leges dicatur, cum contraria lege abrogentur. Qua de re, ne tibi moræ fim, pluribus disputare nolo. Verum me adhuc moratur heic lex illa Tribunicia, qua leges R. exolevisse Ictus scribit, de qua variant eruditi Interpretes. Qui sibi persuadent, leges omnes Regias Tribunicia lege abrogatas, non idem sentiunt de Auctore legis Tribuniciaë. Sunt, qui malunt cum Goveano *Var. 1.22.* Tribuniciam legem fuisse legem Terentillam a C. Terentillo Arsa Tribuno Pleb. latam. Sed non desunt alii, qui putant, Tribuniciam hanc legem Tribunum quemdam Pleb. tulisse, ad quem referunt causam, cur Tribunicia dicta sit. At quantum hi omnes a vero distent, modo excipe ab ætate legis Terentillæ, ac Tribuniciaë ipsius dignitatis. Et quidem quod Lex Terentilla anno CCCXCIII. lata est, nempe post annos a proscriptis Regibus XLIX. non potest eadem cum Lege Tri-

Tribunicia Pomponii convenire , quandoquidem is continuo post ejectos Reges Leges Regias *exolevisse* ait . Immo veri speciem habere minime potest , Regias leges stetisse XLIX. annorum spatio , post id vero temporis spatium abrogatas . Idem porro probat , legem illam nequidem a Tribuno aliquo ferri potuisse ; nam anno a pulsis Regibus decimo septimo Plebeius ille Magistratus Romæ institutus fuit . Quamvis equidem a Tribunis ejus legis originem abdicarem , etiamsi continuo post ejectos Reges creati fuissent , cum non fuisset a sola Plebe de exigendis Regibus cavendum . Quæ cum ita sint , hac in re vel Schubartum audiendum esse puto , modo istiusmodi lex sit admit-tenda , vel Heineccium : quorum primus in *De Fatis Jurisprudentiæ Romanæ Exercitat. II.* Legem Tribuniciam a Tribubus dictam opinatur , alter in *Historia Juris Romani cap. 2.* a Junio Bruto Tribuno Celerum . Itaque constare illud jam videtur lege Tribunicia , si-ve eam dicas a Tribubus latam , si-ve a Tribuno Celerum , leges Regias *exolevis-*

leviffe. At rectissime heic obiicies, ecur *exoleverunt*, vel potius abrogatæ sunt, cum eas exactis Regibus stetisse paulo supra a me dictum sit?

§. X. Ut rem hanc plenissime noscas, advertas quæso verba illa ejusdem Pomponii, quæ *Tò exoleverunt* sequuntur: *Iterumque capit*, inquit Ictus, *Pop. Rom. incerto magis Jure, & consuetudine ali, quam per latam legem*. Cave Pomponium ita scribentem intelligas ita, ut nullo Jure usum Populum Romanum sentias post deturbatos Reges; quis enim unquam vidit Populum exlegem? Tu igitur habe, Pomponium significasse, Pop. Rom. odio Regum legibus Regiis usum non tamquam Jure scripto, sed tamquam veteri majorum more. Quoniam vero leges, quibus deinceps Resp. Rom. gubernari capit, certo nomine carebant, morumque majorum nomen tantum præseferebant, eæ merito incerto Juri, atque incertæ consuetudini a Pomponio adscribuntur. Ad rem Halicarnass. *Antiquit Rom. Lib. V. Leges Tullii*, inquit, *de contractibus humanas admodum, & populares, quas in uni-*
ver.

versum Tarquinius sustulerat, revocarunt in usum, scil. ii, qui Reipubl. Roman. præfuerunt ejectis Regibus; & paulo post: ceteraque omnia secundum prisca consuetudines facere permiserunt. Atque hinc pleno veluti alveo fluunt, quæ ad sententiam Pomponii rite explicandam omnino faciunt. Nimirum Leges Regum Romanorum Lege Tribunicia tamquam Leges Regias nomine tenus abrogatas primum habes. Quo plane spectant illa verba Pomponii: *exactis Regibus Lege Tribunicia leges omnes hæ (Regiæ) exoleverunt.* Sed quia de medio sublatis auctorum nominibus eadem leges Regiæ perstitērunt, id est, quod idem Pomponius dat verbis hisce *iterumque capit Pop. Roman. &c.* Nam quidquid jus facit nulla promulgatione vel intrusum, vel probatum, id consuetudo dicitur, quidquid autem antiqui juris a probatione vel populi, vel Senatus pendet, id jus incertum. Quamobrem tantum abesse vides, ut leges ipsæ olim à Regibus latæ vel Pop. Rom. scito fuerint abrogatæ, vel non usu exoleverint, ut permultas a primis
 Con-

Consulibus confirmatas fuisse, imo et non paucas in XII. Tabb. postea descriptas satis constet.

§. XI. Restat tamen adhuc scrupulus evellendus. An scil. audiendus sit Pomponius, qui incertum id jus Pop. Rom. XX. annis passum scribit? Profecto si temporum recta ratio ineatur, in errorem quoque hac in re Pomponium incidisse sanæ mentis nemo umquam negaverit. Etenim compertum est, inter Leges Regias sublatas, & Leges Decemvirales, a quibus jus scriptum Romanum Rep. stante originem traxit, prope sexaginta annos intercessisse. Me tamen non fugit, nonnullos Juris Civilis Interpretes culpare Librarios. Sic Charondas in Vet. Cod. MS. quem ad manus habuit, legit LX. Contra vero Cornelius Van-Bynkerhoek in *Prætermiſſis ad L. 2. De O. I.* & Heinneccius opinantur, Librarium pro *Viginta* viginti descripsisse nota numerica VI. pro duabus Litteris accepta. Certe si tu mavis, omnem erroris notam a Pomponio avertere, Amanuensium ignaviz eam addicito, vel quod XX. pro LX. acce-

perunt, uti visum Charondæ, aliisque, vel quod notam numeralem VI. duas litteras complecti falso crediderunt. Quod plane non est, cur mireris, cum certum exploratumque sit, mendis plurimis veterum Scriptorum loca Librariorum ignavia etiamnum scatere.

§. XII. Per id vero tempus, quo incertum fuit Jus post Reges pulsos, Resp. Rom. nonnullis seditionibus conflictata. Quamvis enim sub Libertatis initium Jura, omniaque insignia consules tenuerunt, tamen cum sua auctoritate abuti cæperint, Plebs primum in eos, tum in Patres quoque incensa, secessione tandem in Sacrum Montem facta, obtinuit, ut sibi sui Magistratus essent Sacrosancti, qui Tribuni Plebis appellati Anno V. C. CCLX. Id quod revera non tantum extinguendis odiis, quam acerbius ciendis, fovendisque valuit. Eccui ignotum, post infestas de Lege Agraria concertationes Anno V. C. CCXC. Terentium Arsam Tribunum Plebis eo venisse, ut rogationem tulerit de minuenda Consulum potestate, & Quinqueviris creandis, qui Le-
ges

ges de consulari Potestate describerent. Ut quod Populus in se jus decrevisset, eo consules uterentur. Verum res hæc Patribus invisa per decennium distracta; Donec A. V. C. CCC Scitum factum, Auctore Tito Romilio Viro Consulari, quod Plebiscito confirmatum, rogante Sicinio Trib. Plebis, ut peregrinæ Leges Romam inferrentur, Ut scilicet animi Plebeiorum, & Patriciorum componerentur, quod illi Leges a Patribus, hi a Tribunis latas pati nollent. Atque huc confer Livium, qui *Lib. III. cap. 13.* in hunc modum rem paucis enarrat: *Anno V. C. CCC missi Legati Athenas Sp. Posthumius Albus, A. Manlius, Servius Sulpitius Camerinus, iussique inclytas Solonis leges describere, & aliarum Græciæ Civitatum Instituta, mores, Juraque noscere.* Habes jam tres legatos in Græciam missos, ut Græcorum leges describerentur. An vero recte scripserit Pomponius, qui non tres, sed decem legatos in Græciam missos ait, non est cur quæras. Sane in errorem lapsus est Ictus, quandoquidem tres legatos in Græciam ivisse Historici omnes ærum Rom. affirmant.

§. XIII. Anno V. C. CCCII. redire Romam legati cum Peregrinis Legibus Solonis potissimum, & Lycurgi Athenis, & Lacedemone petitis. Atqui ut ad ingenia, ac mores Romanorum componerentur, Anno CCCIII. creati Decemviri Legibus scribendis, quorum numero fuere tres, qui Athenas jerant, operam suam accomodante Hermodoro Ephesio Exfule Græci Juris scientissimo, quem Pomponius l. 2. §. 4. *auctorem fuisse Decemviris ferendarum legum* scribit. Horum opera primum decem Tabulæ prodierunt, quæ centuriatis comitiis perlatæ, tum vero aliæ duæ additæ, cum nonnullas leges in illis decem deesse visum fuerit, quas necesse erat omnino statuere. Atque hæ sunt XII. Tabulæ, quæ omnis publici, privati-que Juris fons habentur, & a Tullio *l. de Orat. omnibus Philosophorum Bibliothecis* anteponuntur. Ne tamen in tua commoda heic peccem, accipe jam discriminatim, quæ in unaquaque Tabula fuerunt a Decemviris comprehensa pro eo scil. ordine, in quem Tabulas Decemvirales redegit V. Cl. Jacobus Gothofredus.

§. XIV.

§. XIV. I. Tabula Judiciorum habendorum ordinem constituebat. II. de Judiciis prorogandis, Furibusque puniendis agebat. III. de Re usuraria, & rei Judicæ executione. IV. dabat Jura Patriæ Potestatis. V. Jura Tutelarum, Testamentorum, Successionum ab intestato, & Hereditatis divisionem VI. Venditiones, Usucapiones, Juraque repudiorum VII. damna illata, injuriasque, nec non delicta alia, falsos testes, homicidas, Tutorumque fraudes coercebat. VIII. Jura prædiorum Urbanorum, rusticorumque definiebat. IX. totum fere jus Publicum complectebatur; Nam de seditiosorum poenis, judicumque pecunia corruptorum tota erat, atque Civis Romani Judicium nonnisi comitiis centuriatis expediri cavebat. X. Jura Sacrorum jurisquejurandi proponebat. XI. Jura connubiorum, vimque postremarum legum. XII. De calumnioso, falsoque Judicio, deque servo noxæ dedendo agebat. En quæ in corpore LL. XII. Tabb. Decemviri complexi fuere.

§. XV. Sed quoniam Leges Decemvires *eleganti, atque absoluta verba-*

rum brevitate scripta, uti Cæcilius Ictus loquitur apud Gellium *Noctium Atticarum Lib. XX. cap. 1.* Jurisprudentes viti eas interpretari cæperunt. Quo nomine venire heic puta Patricios, qui jam inde a Romulo Leges interpretandi munus sibi addixerunt. Hinc cum lites suas agentibus, tum Judicibus sive forum obambulantes, sive domi confidentes voce scriptove de Jure respondebant. Si quid autem difficillimum explicatu, vel perobscurum occurrebat, ita ut dissentirent, vel in ipso foro, vel uti scholiastes Juvenalis *ad Satyr. III. v. 128.* juxta Apollinis templum conveniebant de recte interpretando Jure disceptaturi. Hujusmodi forensium Disputationum exempla exstant Crassi, & Galbæ apud Ciceronem *de Orat. 1. 56.* nec non Scævola, Manilii, & Bruti apud eundem *De Finibus 1. 4.* Quod singuli proponebant, Responsum, quod conventus, Decretum dictum. Sed Responsum æque ac Decretorum haud magna fuit auctoritas Rep. libera stante, siquidem sæpissime ab oratoribus evertabantur. Si quid vero post magnas varietates

rates obtinuerunt l. ult. ff. pro Legato l. 52. ff. de O. & A. l. 55. §. 1. de Legat. 2. id juris scripti, vel receptæ sententiæ nomine veniebat. Et hoc quidem sensu tum Icti a Pomponio vocantur Juris auctores, tum ipsas Prudentum interpretationes post disputationes usu fori probatas leges non scriptas, mores, consuetudines scriptores Romani nominantur. Sic Cicero de Invent. II. 54. istiusmodi jus appellat ius consuetudinis, quod voluntate omnium sine lege vetustas comprobavit. Atque his lux affulget Pomponii verbis §. 5. & 6. ubi ait, Legibus XII. Tabb. latis capisse fori disputationem..... eodem pene tempore, quo leges ipsæ, natum civile Jus ex interpretatione Prudentum. Nimirum tanti haberi cæperunt Prudentum Interpretationes consensu receptæ, postquam LL. Decemvirales prodierunt, ut Juris Civilis nomen obtinuerint. Quod quidem diu retinuisse ne ignores. Apposite Cicero pro Cæcinnâ Cap. XXVI. Jus Civile, puta quod ex Prudentum consensu enatum, legibus opponit. At ne singulorum scriptorum nomina recitem,

mihi duco, Theophilum præ ceteris heic laudare, qui §. 2. *Institut. De officio Jud.* Jus Civile fuisse τὸν τῶν σοφῶν νόμον εἶναι præclare fatetur.

§. XVI. Id autem omne factum a Prudentibus, ut verba legum Decemviralium pro arbitrio suo, prout occasio daret, ad non expressas species producerent. Sed post Leges XII. Tab. latas præter hæc Juris interpretationes in lucem prodire Legis Actiones, quibus est, cur omnino detegas Patriciorum in Plebeios dominandi ferocem libidinem. Ac sane Patricii ipsi, qui uti perbelle Heinneccius *Lib. I. Historiæ Juris Romani cap. III. sibi Jurisprudentiam obtentu Juris Patronatus tamquam gentilem possessionem vindicabant*, imo et Pontifices, qui tum e Patriciis fuere; actiones legis protulerunt, hoc est certas, & solemnes formulas, quibus inter se homines disceptarent. Atque has Patres in latenti retinere studebant. Quamobrem (ad rem Cicero pro *Muræna cap. XI.*) erant in magna potentia, qui consulebantur, a quibus etiam Dies tamquam a Chaldaïs, periebantur; Neque

que hanc artem ; ut idem scribit (*De Orat.* I. 41.) pervulgari voluerunt *obtinenda* , atque *augenda Potentia sua causa* . Sed Livius , qui fuse narrat , qua arte Patricii , id omne per aliquod tempus servare studuerunt , quæque Plebs Patriciorum fraude concitata objecerit , diserte ait (*Lib. 9. cap. 46.*) *Jus Civile in Pontificum penetralibus repositum fastosque , ex quibus quando lege agi posset , sciretur , plebi ante Cn. Flavium ignotos fuisse* . Etenim compertum est , Cn. Flavium Anno ab V.C.CCCCXLIX. primum formulas hæc cum Fastis ab Appio Claudio Cæco in Codicem collectas publici Juris fecisse . Quo munere tantam iniisse a Populo Romano gratiam fertur , ut Ædilis creatus fuerit . Et non immerito quidem . Næ is non tantum edidit formulas illas , quarum notitia per fraudem Plebeii a Patriciis abstinebantur ; verum etiam id non sine labore improbo præstare debuit ; Nam operam suam locare ei necesse fuit Appio Claudio in describendis Fastis Pontificiis , ut in eum modum subripere tantum opus optimo Gentis Romanæ

manæ sibi daretur¹. Adifis Sibr. Siccamam apud Grav. *Thesaur. Antiquit. Rom. Tom. VIII.* qui pereleganter hujusmodi fastos edidit, illustravitque.

§. XVII. Verum Flavianus is Codex Patriciorum animos ita turbavit, ut mox nova edere cogitarint, quæ Plebeis difficilior captu Jus Decemvirale redderent. Tales fuere novæ aliæ obscuriores formulæ, quas notis consignarunt, seu certis signis, quibus unum, plurave vocabula involverent, ne vel facile in vulgus deinceps manarent. Harum notarum si vis exempla, adi præter Joh. Nicolai in *De Siclis Veterum*, Cujacium *Observat. XII. 40.* Grævium ad Ciceronem pro *Muræna cap. XI.* & Dionysium Gothofredum in *Austar. Ling. Latine*. Atqui non diu quid Juris ejusmodi formulæ præstarent, ignotum Pop. Romano fuit. Nam circa annum ab V.C.DLIH. Sex. Ælius Catus peculiari Codice easdem publici Juris fecit, ne amplius rixis rumoribusque publica tranquillitas vexaretur, quibus plus nimio Patricii diu ansam dederunt.

§. XVIII. En igitur aperte vides, quid hisce

hisce formulis (potius ad vim Populo Romano inferendam comparatis, quam ad interpretationem Juris Decemvralis) Patricii effecerunt, quidque profecerunt. Sane melius duxissent, si leges ipsas Decemvrales tot nodis minime implicassent; ita enim commodo, ac tranquillitati Reip. consulissent. Est tamen, cur heic doleas, quod Codices Flavianum, & Ælianum longa ætas nobis invidit: maximum enim Jurisprudentiæ specimen ad antiquas leges Romanas pernoscendas aptissimum duo illi Codices nobis offerrent. Atqui maxime dolendum illud quoque nobis est, quod integrum Corpus Juris Decemvralis omnino desit, quemadmodum Decemviri prodiderunt. Et quamvis diu Leges Decemvrales Populus Romanus usu probavit, tamen exterarum gentium impetu in Romanum Imperium facto adeo defecerunt, ut earum exemplaria auro contra nec argento permutanda omnino perierint. Id quod ut equidem confirmem, ducor ex hoc, quod Sex. Ælius, L. Acilius, L. Ælius, alique veteres Isti fuisse commentarios ad Leges XII. Tab.

con-

conſcripſerunt non ſine maxima utilitate eorum , quorum erat Juris , ac Judiciorum partes ſcire. Adi, ſi lubet, Schubarthum *De Fatſis Jurisprud. Rom. Exercit. II.* Ev. Ottonem *Praſat. Tom. III. Theſaur. Jur. & De Servio Sulpicio Cap. VII.* Neque contrarium ſuadet Lex *Æbutia* ; de qua Gellius *Noctium Atticar. Lib. XVI. Cap. X.* ex qua male deducunt quidam leges Decemvires abrogatas , cum potius dicendum ſit quædam tantummodo earundem capita abrogata , uti ſapienter Paulus Manutius in *De Legibus Cap. XVI.* quod ex iis quædam recentioribus Pop. Rom. moribus convenire nequaquam videntur. Legatur Abr. Wielingius *De Furto per Lanc. & Lic. concepto* , qui rem hanc doctiſſime tractat. Hinc maximam laudem merentur , qui cum in ceteris rebus litterariis illuſtrandis , tum vel maxime in colligendis Legibus Decemviralibus , atque interpretandis barbarie deleta operam omnem ſuam contulerunt , Horum in numero habet Juſtum Lipſium , Franciſcum Pithæum , Franc. Balduinum , Franc. Hotomanum , Jac. Ræuardum ,

Ant.

Ant. Augustinum, Theodorum Marcium, Paulum Merulam, Pard. Prateium, Contium, Charondam, Rittherfufium, Aymarum Rivallium, Sylvium, Ric. Vitum, nostrum Vincentium Gravinam aliosque. Sed doctiorum quidem judicio omnem industriam, operamque vicit Cl. Jacobus Gothofredus, qui non solum colligere studuit Legum Decemviralium fragmenta, verum etiam leges ipsas mira arte primus omnium in XII. Tabb. digessit, ut ferme Integritati suæ integrum Jus XII. Tabb. restituisse videatur.

§. XIX. Ex his quæ hætenus dicta sunt, clare noscitur, post Leges XII. Tabb. latas Civile Jus magnum incrementum accepisse Disputationibus Iſtorum, Legisque actionibus, quibus contenderunt Patricii tum nonnullis legibus Decemviralibus (quod fortasse difficiles captu essent) lucem affundere, tum, quod caput est, *in magna potentia esse*, uti scribit Cicero. Sed præter hæc causas, quatuor alias modo excipe, quibus per hæc tempora Jus Romanum mirum in modum crevit. Prima fuere leges singulares

lares pro variis Reip. temporibus a Populo jussæ . Secunda Plebiscita . Tertia Prætorum edicta . Quarta Isti ipsi . Atque his causis si addas duas alias , puta Disputationem Fori , & Legis actiones , de quibus sermonem paulo supra habui , habebis sex causas illas , quibus Republica florente Civile Jus maximum incrementum accepisse docuit Jac. Gothofredus *Hist. Jur. c. 2.* Sed quæ ad quatuor illas causas pertinent , modo conferam .

§. XX. Et quod quidem ad leges attinget , nolim nescias , leges vel ab ipsis Urbis primordiis fuisse , quibus , præter magistratuum creationem , legum jussa , & belli pacisque arbitrium cuncta Senatui permissa auctor est Dionys-Halicarnas. *Lib. VI.* At creatis Tribunis Plebis non parum imminuta Patrum potestas Tribunorum Jure intercedendi . Nam Tribuni id Juris concessum , ut Scta sua intercessione infirmarent per verbum *Veto.* Quare ad Senatum tantum pertinere cæpit , auctoritatem interponere , cujus ea vis fuit , Livio teste *Hist. Rom. Lib. I. c. 17.* ut nihil nisi consulto Senatu ad

Po-

Populum ferretur. Itaque Tribunis dabatur Senatorum placitis intercedere, antequam lex Pop. suffragiis juberetur. Me tamen non latet, intercedendi facultatem istam Syllam Dictatorem Anno V. C. DCLXXIII. Tribunis ademisse. Sed eandem porro Tribunis restituit Anno V. C. DCLXXXIII. Pompeius. Ubi tamen ad Cæsares Imperium transit, ad Senatum cuncta rejecta fuere, quæ juberi antea a Populo consueverant. Idque sub Tiberio primum factum narrat Tacitus *Annal. lib. 1.* ubi ait, *tum primum e campo comitia ad Patres translata.* Sed cave credas Pomponio *l. 2. de O. I.* cui adhæret quoque assentator Tribonianus, qui id ob auctam Pop. multitudinem, quæ in unum locum convenire non posset, factum vult. Nam ipsi Cæsares callide id instituerunt, qui ad Senatum, quem sibi habebant obnoxium, omnia collata voluerunt. Hinc leges a Senatu creari cæperunt, non quod leges a Senatu Jure suo fieri possent (ea enim potestas jam erat ad Principem delata) sed quia Imperatores Regiam Potestatem dissimulantes Jus, quod sibi pla-

placeret, a Senatu condi permiserunt. Atque hoc sensu Ulp. l. 9. *de Legib.* ait: *non ambigitur Senatum Jus facere posse.* Quomodo autem apud Romanos olim stante Rep. leges ferebantur, agere nunc piget, cum properandum mihi sit ad utiliora. Vide, si cupido est, Samuellem Pitiscum in *Lex. Antiquit. Roman.* & Heinneccium in *Antiquitat. ad Titulum De Jure Nat. Gent. & Civil.* Sat mihi modo est, quod ad rem facit, attingisse.

§. XXI. Plebiscita autem quæ Tributis comitiis sola plebs plebeio Magistratu rogante constituebat, primum quidem solam Plebem obligarunt, deinde Plebeiis ægre ferentibus, quod leges centuriatis comitiis latæ, in quibus Patricii prævalerent, universos cives attingerent, cum contra plebiscita solam Plebem tenerent, lege Horatia A.V.C. CCCVI. a L. Valerio, & M. Horatio Coss. lata legibus exæquata sunt Plebiscita, ut quod plebs jussisset, omnis Pop. servaret. Huic accesserunt postmodum Lex Publicia, & Lex Hortensia, quarum auctores fuerunt Q. Publi-

blilius Philo Annò CCCCIV. et Q. Hortensius Dictatores, quibus cautum quoque fuit, ut quod plebs tributim scisceret, Patricios, et Senatores teneret. Est tamen, cur heic reprehendas Accursium, qui Hortensiam legem ab Hortensio Rege, nescio quo, latam ait: certe Livius *Epit.* II. aperte dat, Q. Hortensium Dictatorem ejus legis auctorem fuisse, rogatamque ab Hortensio, quum Plebs propter æs alienum post varias seditiones secessisset in Janiculum. Ceterum post Hortensiam demum factum, ut non solum plebiscita tamquam leges omnino haberi, verum etiam legum nomine laudari cœperint. Hujusmodi sunt præ ceteris Aquilia de *Damno Injuria dato*, Cincia de *Donis*, & *Muneribus*, quas docte illustrarunt Fr. Balduinus, Gerard. Noodt, & Frid. Brummerus, aliæque.

§. XXII. Nunc de Prætorum Edictis. Ac sane Prætores inito Magistratu in albo edicebant Jus, quod essent dicturi toto anno. Quod, ut rite facerent, sub auspicia Magistratus in concionem adscendere soliti, & pro rostris habitamore majorum oratione, quæ essent in

Jure dicundo observaturi edicebant. Nimirum per Præconem primum Edictum domi compositum recitari, tum vero in Albo publice proponi jubebant. Idque colligitur ex Cicerone *de Finib.* II. 22. & præclarius ex Plauto in *Prologo Pænuli*; Ibi enim Prologus Comediæ, qui se Magistratum, vel Imperatorem Histronicum fingit, primum Præconem ita exscitat: *Exsurge Præco, fac Populo audientiam: Jam dudum expecto, si tuum officium scias.* Deinde recitat ipsum edictum fictitium: *Bonum factum est, edicta ut servetis mea.* Eoque finito subijcit: *Hæc imperata quæ sunt, pro imperio histrico, Bonum vercle factum, pro se quisque ut meminerit.* Atque hæc Prætorum edicta, quæ singulis annis innovabantur, jus Prætorium constituebant, quod etiam dictum est Honorarium, eo quod Magistratus a Romanis *Honores* vocabantur; Nam alios præter Prætorem Magistratus edicta proposuisse omnino constat. De *Ædilibus* testatur Justinus, & Titulus ipse D. de *Ædilitio Edicto*: de *Censoribus* Gellius *lib. XV. cap. 11.* de *Tribunis* Tullius in *Verr. III. de Cen-*

Censoribus idem Cicero pluribus locis. Neque Urbani solum, sed & Provinciales Magistratus pro suo quisque Jure edixerunt. Adi Ciceronem 1. in *Verrem* 43. *Lib. VI. ad Attic. 1. lib. III. epist. Famil. 8.* quibus in locis Provincialia quædam edicta meminit. Quamquam non desunt, qui proprie a Prætoribus dictum existimant Jus honorarium, quia Prætor *Vir honoratus* appellabatur. Edicta autem sua Prætores pro arbitrio intra annum mutare ab initio potuerunt, donec primum Scto in Curia Hostilia facto Coss. L. Æmilio Paulo, & C. Licinio Crasso, tum Plebiscito rogante C. Cornelio Trib. Pleb. sancitum est, ut secundum edictum toto anni tempore Prætores jus dicerent, nec id mutare liceret. Velim tamen hic animadvertas, Prætorum edicta annua stante Republica perpetuitatem quamdam assumsisse, ubi scil. successores edicta Superiorum Magistratum sua auctoritate proponebant. Sed demum Adriani jussu Salvius Julianus peculiari Scto ex omnibus Prætorum edictis unum composuit Imperatoris auctoritate perpetuo duraturum, quod Edi-

Stum Perpetuum est appellatum, quodque in Codices Juris illatum est, & vim legis habet. Verum de re hac infra. Hæc omnia cum ita teneas, reliquum modo est, ut tibi nunc explicem, quid tot edictis præstare unquam Prætores voluerunt. Id, ut paucis fidem meam liberem, Papiniani verbis mox accipe: *jus Prætorium* (ait Ictus l. 7. §. 2. D. de *Justitia, & Jure*) *adjuvandi, vel supplendi, vel corrigendi juris civilis gratia propter utilitatem publicam introductum*. Sed nolim, ex his verbis deducas, Prætores pro sua auctoritate Jus civile corrigere, emendare potuisse; id enim negabatur omnino cuilibet Magistratui. Habe, Prætores id non sine arte effecisse. Nam novis vocabulis, exceptionibus, et fictionibus suis id potissimum studuerunt, ut legum civilium asperitas quandoque emolliretur, ac novæ etiam leges prodirent, ubi oporteret, si leges ipsæ deficerent. Quæ omnia ad Reipublicæ tranquillitatem servandam comparata vulgo ajunt. Quæ in re maxime præstitisse Prætores, docte demonstrat Vir Cl. Gottl. Korte in *Vindiciis Præ*

Prætoris, ac Juris Honorarii editis Lipsiæ. Ergo haud immerito edicta ipsa Leges appellatæ. Tametsi minime nescius sis velim, hoc unum discrimen interfuisse inter leges, atque Edicta, quod Edicta nullam verborum sollemnitatem, nec rigorem ullum præferrent, leges vero & sollemnitate verborum descriptæ, & rigoris multum habuerunt.

§. XXIII. Huc ad ultimum confer-
 Ictos. Et quidem Romæ ab antiquissi-
 mis usque temporibus tamquam ars præ-
 cipua maximi habita Jurisprudencia,
 quique eam profiterentur, vocati sunt
 Icti, eratque illis summis honoribus
 aditus, non secus ac Oratoribus, Duci-
 busque. Horum alii Jus publice profi-
 tebantur, alii Judicibus, aliisque de Ju-
 re consulentibus rescribebant. Sane mo-
 ris primum fuit, ut prudentes, jurisque
 periti viri de vi legum inter se disce-
 ptantes populo, quid a majore parte
 probatum esset, traderent. Quò Jure
 plane potissimum usus fori, & Jurispru-
 dentum auctoritas continebatur. Atque
 id primum quidem tacito consensu ob-
 tinuit, mox scriptis etiam eorum sen-

tentiæ præhabitis disputationibus firmatæ consignari cœperunt; Unde *Libri Disputationum* enati, quos memorant Vipianus, Venuleius, alique Icti. Sed non eadem fuit pro variis Reip. temporibus Jurisprudentiæ addiscendæ ratio, Ictorumque auctoritas, quippe quæ per diversos veluti gradus crevit. Quorum primus ab illatis Legibus XII. Tabb ferme usque ad ætatem M. Tullii processit: Secundus usque ad Augusti Imperium: Tertius usque ad Justinianum: Quartus a Justiniano cœpit, atque ad sequentia tempora productus est. Nunc vero de duplici fato Jurisprudentiæ Rom. tantum dicam, nam hæc duo fata proprie ad hanc ætatem Juris Romani, qua de agimus, spectant. Ut igitur a primo ordiar, teneas volo a bellorum Punicorum temporibus, quibus primum Romani elegantioribus litteris, optimarumque artium studiis expoliri cœperunt, adolescentes Juris studiosos, postquam rite Græcam linguam, Grammaticam, Rhetoricam, et Philosophiam potissimum Stoicam didicissent, assumpta virili toga à viro quodam Illustri in Fo-
rum

um deductos dicto die non sine sollemnitate magna eos comitante clientum turba. Vide Gronovium *Obs.* II. 21. Id facere sub initium unicuique permissum fuit; neque enim tum facultatem de Jure respondendi a Populo, vel Senatu impetrari opus erat. Si qui autem in re tanta omnem sibi laudem, existimationemque comparassent, nulla eis dici hora vacabat, quod sc. immensus ad eosdem Clientum numerus veniebat, ut quique de suis negotiis eosdem consulerent. Idque primum expeditisse domi, vivaque voce compertum est. Causæ autem, quibus Clientes adire Ictos legimus, tot fuerunt, quot novæ controversiæ, quæ inter homines agitari queunt, producere valebant. Hinc compertum habeo initio Jus Romanum nonnisi eos didicisse, qui Ictos consulerent, a quibus quid juris tantum pro rebus suis expediendis excipiebant. Ita rem tractasse legimus vetustissimos illos Ictos Papirium, Appium Claudium, Sempronium, qui ~~etiam~~ est appellatus, C. Scipionem Nasicam, & Q. Mucium. Sed rem omnem turbavit Tiberius Coruncanius Vir Con-

ularis, & primus e Plebe Pontifex Ma-
 ximus, qui primus omnium publice
 Jus professus est. Apposite Ictus l. 2. de
 O. I. *Ante hunc* (nempe Coruncanium)
in omnibus, qui scientiam nacti sunt, pu-
blice professum neminem traditur: ceteri
autem ad hunc in latenti Jus civile re-
tinere cogitabant, solumque consultatori-
bus potius, quam discere volentibus se
præstabant. Atque hanc ob causam va-
 riavit Jurisprudentiæ Romanæ fatum al-
 terum circa M. Tullii tempora. Nam
 Icti, qui Coruncanio successerunt, partim
 publice Jus professi sunt, veluti Sex. &
 P. Ælii Fratres, P. Atilius, Balbus Lu-
 cillius, Aquillius Gallus, Servius Sul-
 picius, partim Jus civile scriptis divul-
 garunt. Huc spectant Sex. Ælii *Tripar-*
tita, quæ veluti fuere *Juris civilis cu-*
nabula, P. Mucii Bruti, & Manlii *Jus*
civile, & Q. Mucii *Decem & octo Li-*
bri Juris Civilis, quibus regulas omnes
 Juris Romani in artem redegit. Exinde
 factum ne mireris, ut non nobilibus
 tantum, sed plebeis æque ac peregrinis
 Jus addiscere, immo etiam publice pro-
 fiteri proprium fuerit. Sic Juvenalis
 Sat. VIII.

*... tamen ima Plebe Quiritem
Facundum invenies, solet hic defendere causas.*

Nobilis indocti: veniet de Plebe rogata,

Qui Juris nodos, & Legum anigmata solvit.

Ceterum hæ prudentum sententiæ ad Cæsares usque erant privatæ hominum opiniones, contra quas sæpe fuit judicatum, nec proinde vim Juris habebant nisi utentium moribus probarentur. En igitur quid præstiterunt Icti ad Augustum usque, Equidem puto Juris consultorum sententias, et Responsa ad Cæsares usque æquitatem, & necessitatem tantum commendasse.

§. XXIV. Habes jam causas cur mirum in modum Jurisprudentia Romana creverit ad Cæsares usque. Sat enim incrementum longe maximum exhibent leges Regiæ, quæ post ejectos Reges in morem abierunt præter alias, quas ferri Reip. servandæ causa sub initium oportuit, Leges Decemvirales, Interpretationesque prudentum, Legis actiones, ex quibus prodierunt Codices Ælianus,

nus, & Flavianus. His adde sexcenta Magistratum edicta, Prudentum Responsa, Leges, Plebiscita, ac Seta, quæ quidem in immanem ferme numerum excreverunt. Hinc vel ipsis ruentis Libertatis temporibus non paucis opportunum videri cœpit, tot leges temporum, ac rerum varietate dispersas in unum corpus conferre. Aiunt vulgo tres viros hosce tanto operi mentem admovisse, Pompeium, Cæsarem, & Ciceronem. Sic Cl. Struvius in *Historia Juris Romani cap. 2.* testimonio Dionis Cassii *Lib. XL.* & Isidori *Etymol. v. 1.* probat; Pompeium leges omnes Romanas in Libros redigere primum omnium statuisse, *obrectatorumque metu* perficere rem non potuisse. Idem consilium C. Julium Cæsarem cœpisse aperte testatur Suetonius, *quem ius civile*, ait in *Cæsar. cap. XLIV.* *ad certum modum redigere, atque ex immensa, diffusaque legum copia optima quæque, ac necessaria in paucissimos conferre Libros voluisse.* At eiusdem Cæsaris inopinata morte neque initium neque finem tanto operi imponi potuisse tenent critici Interpretes. De Cicerone autem

ambigere non est, si consulantur duo loca nempe Quintiliani *Institut. Orat. XII. 3.* et Auli Gellii *Noct. Atticar. I. 22.* : *M. Tullius*, verba sunt Quintiliani, non modo inter agendum numquam est destitutus scientia Juris, sed etiam componere aliqua de eo cœperat. Contra Gellius præclarius rem explicat, quippe qui refert quædam verba ejusdem Tullii ex ejus Libro deprompta, cui titulus *De Jure Civili in artem redigendo*. Vt nam vero, quæ in mentem venerunt Pompeio et Cæsari lucem vidissent, vel saltem temporum iniuria non intercidisset Liber Tullii, si fidem præstes Quintiliano & Gellio. Certe Codices ejusmodi nobis nunc præberent, quidquid elegantius, concinnius, sanctiusq. creari potuit ab antiquis Legislatoribus Romanis ad Reip. Jura rite instituenda. Quinimmo non versaretur, uti docte animadvertit Struvius in *Historia Juris*, in ore doctorum virorum tristis querela fractum nobis, & lacerum, & enerve Juris corpus esse relictum.

*De Tertia Juris Romani Ætate sub
Imperatoribus .*

§. XXV. **J**AM ad ætatem Imperato-
riam venimus . Et qui-
dem sub Imperatoribus tot
leges novæ prodierunt , ut latissimum
incrementum Romanæ leges acceperint .
Sed ne sine methodo incrementi huius
causas exponam , quatuor eas fuisse
aio , duce Gothofredo, *Hist. Juris cap.*
3. nempe I. leges nonnullas sub ini-
tia Imperii ad Populum veteri more
latas . II. Jurisconsultos . III. Senatus-
consulta . IV. Edictum Perpetuum . De
his causis mox dicam , quippe quæ ter-
tiam Juris Romani ætatem complectun-
tur , de qua sermo jam habendus est .

§. XXVI. Ac primum postquam Po-
puli Romani potestas in Principem con-
fluxit , legum condendarum facultas præ-
cipue ad Imperatores transiit . Nam mul-
ta in Romano Jure mutata , correctæ ,
& amplificata fuere legibus per Impera-
tores subinde promulgatis . Nonnulli vo-
lunt

lunt facultatem hanc ad Imperatores ab initio pertinuisse Lege Regia, qua translatum fuisse ajunt a Populo Romano ad Principem Jus condendi leges, ita tamen ut apud Populum esse ullum defierit. Sed quantum id a vero abest, duo hæc, quæ sequuntur, luculentissime demonstrant. Et sane nullam Legem Regiam rogatam fuisse, est cur probes I. quod eam gravissimi Romanarum rerum Historici non memorent II. ex nomine, Quis enim nescit, Romanos jam inde ab exactis Regibus Regium Nomen adeo reformidasse, ut vere dixerit Scipio apud Livium *Lib. XXXVII. Regium nomen alibi magnum, Romæ intolerandum?* Hinc colligere est, non ob aliam causam disputasse de Legis Regiæ Ætate ad nauseam usque eruditos Juris interpretes, quod sc. ejus Auctor omnino ignoretur. Vulteiус eam repetit a Regio Jure Samuelis. Hotomanus & Balduinus Legem hanc regiam fuisse ajunt eandem, quam Romulus tulit sub initium Romæ. Alii alia opinati sunt. Quare opportunum visum Martino Schoockio *Diatriba De Lege Regia Triboniani*, & J. Vincentio Gravinæ

vinz. *De Rom. Imperio* affirmare, eam in Triboniani cerebro natam. Adi, si cupidus est, Huberum *Obs. Lib. I.* fuisse contra Shoockium disputantem, & Orationes, quæ de hac eadem Lege Regia exstant Scipionis Gentilis, Friderici Gronovii, & Gerardi Noodt. Igitur divinari potius videntur, qui facultatem Leges creandi ad Imperatores Lege Regia transisse scribunt. Verum nonnullos heic contrarium sentire scio, quod Tribonianus aperte §. 6. *Instit. De J. N. G. & Civ.* scribat in hunc modum: *Sed & quod Principi placuit, legis habet vigorem; quum Lege Regia, quæ de ejus Imperio lata est, Populus ei, & in eum omne Imperium suum, & potestatem concessit.* Sed aliud verbis hæc Tribonianum (sive mavis Ulpianum, a quo ejusmodi verba Tribonianum mutuatum sibi Regiæ Legis Patroni persuadent) sentire voluisse putant, qui rem critice expendunt. Sane cum nulla fuerit lex Regia, quæ omnem facultatem Pop. Rom. ademerit, immo & sub Principibus jus rogationum, Senatusque consultorum superfuerit, fidem omnem mereri

pi-

mihi videntur, qui docent, Imperatores ipsos ab Augusto usque ita sese gessisse, ut paulatim Regiam potestatem nulla peculiari De Regio Dominatu ad Pop. lata Lege sibi adrogarint. In hanc sententiam hæc me adducunt. Primum quod non ea mens fuit Senatus, Populi que Romani rerum omnium summam uni deferre, qui summum, ut in recte instituta Monarchia, imperium haberet. Profecto historici omnes affirmant, Populum Rom. uni Principatum concessisse, ultroque sese in Augusti fidem dedisse, ut corruptis moribus, discordiisque civilibus, quibus jamdiu Resp. conflictata tantum obviam iretur. Apposite Tacitus I. *Ann.* I. ait, Augustum *cuncta discordiis civilibus fessa nomine Principis sub Imperium accepisse*, et I. *Annal.* 9. *hoc fuisse*, inquit, *discordantis Patriæ remedium, ut ab uno regeretur*. At luculentius Florus IV. 3. *Gratulandum*, inquit, *in tanta perturbatione est, quod potissimum ad Octavium Casarem Augustum summa rerum rediit, qui sapientia sua, atque solertia perculsum undique, & perturbatum ordinavit Imperi-*

perii corpus : quod ita haud dubie numquam coire , & consentire potuisses , nisi unius Praesidis nutu , quasi anima , & mente regeretur . Igitur vel luscitiosus quisque videt , Principatum uni delatum , ut tumultus , seditionesque cessarent , quibus nullus finis fuisset , ni ita factum fuisset , non vero Regium Imperium . Id quod eo magis declarat , quod de Caligula refert Suetonius cap. 22. *parum abfuisse* , inquit , *quin speciem Principatus in Regni formam mutaret* , quod Principatu Regnum deferre Romani numquam intellexerint . Secundum est , quod Augusto Populus honores pedetentim decrevit , quibus in dies Imperatoria Majestas aucta , ut singulorum Magistratuum auctoritate polleteret . Id Dio passim testatur . Sic An. ab V. C. DCCXXIV. Populus potestatem Tribuniciam ei detulit , cavitque , ut ad eum provocare liceret : An. DCCXXVII. Augustum Legibus solvit : Anno DCCXXXI. Augusto concessit , ut Praefectus perpetuus esset , atque in Provinciis omnem exerceret pro arbitrio suo Jurisdictionem . Ac demum An. DCCXXXV.

Fa-

facultatem creandi leges concessit. Quo
 revera ad extremum gradum honoris
 Imperatores evecti. Consulatur Dio
Lib. LI. LIII. & LIV. Atque hanc Ti-
 tulum seriem ex Decreto Senatus in
 singulis Imperatoribus repeti consuevis-
 se, imo & augeri luculenter probatur
 ex Ænea illa Basilicæ Lateranensis Ta-
 bula, qua Vespasiano deferuntur di-
 gnitates omnes Decessoribus suis concessæ.
 Ex his omnibus nullam à Pop. Rom. legem
 Regiam conditam fuisse belle arguitur.
 Verum si eo res rediit, ut Jura Regiæ Po-
 testatis Romani Imperatores exercuerint,
 id nonnisi profectum puta ab iisdem
 causis, quibus Principum potestas a Po-
 pulo Romano constituta fuit. Nam Ti-
 tuli illi, quibus augeri cæpit Impera-
 toria Dignitas, tandem effecerunt, ut
 magis magisque in dies Principum po-
 testas prævaleret. Nimirum tractu tem-
 poris ita adsuevere servitio, Principum-
 que obsequio Romani, ut ferme pristi-
 næ libertatis immemores unius impe-
 rium ferre cæperint, tum quia mores
 ad Monarchiam paulatim accesserunt,
 tum quia dignitatibus omnia Jura Po-

puli ad se Imperatores traxerunt sublatis quoq. successu temporibus ritibus, quibus libertatis Jura sub initium Imperii servari ostenderunt, ne vindex ullus antiquæ libertatis prodiret, qui novi Imperii origines turbaret. Inde factum, ut moribus Romanorum ad Monarchiam ferendam institutis Ictis, Triboniano puta, aliisque antiquioribus, quorum libido Principibus assentandi longe maxima fuit, crimini porro non datum affirmare Principum placita tamquam leges habenda ex lege Regia, nempe ex moribus, atq. novis institutis sub Imperatoribus inductis, quibus, quidquid Principi placeret, caput legis vim habere. Atque hæc de Lege Regia.

§. XXVII. Itaque cum cæperint sub initia Imperii Leges condere Imperatores, ingens prodiit constitutionum Imperialium numerus, quæ Decreta, Edicta, ac Rescripta appellatæ fuere, quandoquidem aut decernendo, aut edicendo, aut rescribendo Principes leges suas constituere sibi habuerunt. Vide, quæ de his Legum ab Imper. Rom. conditarum nominibus habet Heineccius ad pluries laud.

Tit.

Tit. *De J.N.G. & Civil. in Antiq.* Hinc eas colligere in mentem venit non paucis ejus ætatis Jurisconsultis. Hoc tamen nomine præ ceteris laudantur Julius Paulus, & Papirius Justus, quorum alter edidit *Imperialium Constitutionum* Libros sex, alter *Constitutionum* Libros viginti. Atque hic animadvertere est, tum Paulum, tum Papirium recte Libros nominasse Codices suos, in quos Imperiales constitutiones inferverunt; constat enim, ea ætate ^{κατ'} ^{ἐξ οὗ} Libros appellari moris fuisse codices illos, in quibus Principum constitutiones colligebantur, de quorum forma vide, quæ docet Schultingius in *Jurisprud. Vet. Ante Justin.* Non defuere tamen alii Icti, qui idem opus aggressi. Sed aut incuria Librariorum, aut temporum iniuria ad manus habere eorundem Libros nobis minime datum. Quod vero à Constantino usque Jurisconsulti iidem adprime noverunt (qui plane nimio erga Deos suos amore abrepti: perlege Corn. Van-Eckii elegans opus de *Gent. Vet. Ictorum Religione*) Imperatores Romanos novas in dies edere Constitutiones, ut sc. novis legibus vetus illa Jurispruden-

etiam emendaretur tot gentiliū Imperatorum placitis superstitionem maxime redolentibus compacta, antiquas leges in Codices redigere cæperunt, ne omnino perirent. Id primum omnium præstitisse Gregorium quemdam eruditi Interpretes volunt, qui plane Principum, qui præcesserunt, atq. Hadrianum sunt sequuti Constitutiones descripsit, promulgavitque. Id, quod testantur ejusdem Codicis fragmenta, quæ supersunt; Nam recitantur ibidem Constitutiones Antoninorum, Severi, & Caracallæ, Alexandri, Gordiani, Philippi, Valeriani, & Gallieni, Cari, Carini, & Numeriani, denique Diocletiani & Collegarum. Ut mihi videatur rectissime ab Heineccio *Hist. Juris Lib. 1. cap. V.* Jacobus Cujacius reprehensus, quod existimaverit, Gregorium ultra Valeriani, & Gallieni tempora non processisse. Quisnam autem fuerit Gregorius iste Gregoriani Codicis Auctor in incerto est. Jacobus Gothofredus in *Prolegom. Cod. Theodos. cap. 1.* & Pancirolus *De Clar. Leg. Interpr. Lib. 1. cap. 66.* in diversa abeunt. Is Gregorium hunc non alium fuisse.

fuisse putat à Gregorio illo , qui sub Constantino circa annum Chr. CCCXXX-IV. Præfectus Prætorio fuit , hic vero eundem Gregorium vixisse ait sub Valente , & Gratiano . At Gothofredo equidem potius assentior , cum constet, sub Constantino tantum floruisse Gregorium quemdam, quem tale opus perfecisse verisimilius mihi fit. Sin autem is, quem hæctenus Gregorium nominavi, ab Antonio Augustino ad *Pallent.* II. 8. & ab Auctore *LL. Mos. & Roman.* I. 8. Gregorianus appellatur, id te non turbet ; Nam si subaudias *To Gregorianus* alterum verbum *Codex* , rectius habebis Gregorianum Codicem , qui a Gregorio Auctore ita nominari potuit , non vero Gregorianum quemdam : Quod demum attinet ad hujus codicis auctoritatem, satis mihi videtur eadem expressa verbis illis Imp. Justiniani *Constit. Summa Reip.* §. 3. *de Justin. Cod. confirm.* quæ hic describere non gravabor : ut sciant omnes (hæc sunt Imp. verba) *tam litigatores , quam disertissimi Advocati , nullatenus eis licere de cetero constitutiones ex veteribus tribus Codicibus , quorum jam mentio facta est*

. . . . in Judicialibus recitare certaminibus: sed solum eidem nostro Codici insertis Constitutionibus necesse est uti, falsi crimini subdendis his, qui contra hoc facere ausi fuerint. Hæc verba cuiusvis aperte demonstrant, Codicem Gregorianum licet nulla publica auctoritate susceptum magnam tamen in foro vim habuisse. Atque hæc sunt, quæ habui, quæ tibi dicerem de Codice Gregoriano, cujus corpus si integrum quæris, frustra est, cum fragmenta tantum huius codicis supersint, quæ post Anianum, cui revera debentur, Sichardum, & Cujacium protulit quoque, illustravitque V. Cl. Ant. Schultingius in *Jurisprudencia Veteri Antejustiniana*.

§. XXVIII. Secutus Gregorium Hermogenianus, qui novo Codice complexus est multas constitutiones Diocletiani, et Maximiani, et successorum usque ad annum Chr. CCCXII. Unde incipit Theodosianus. Atqui Hermogenianus in eo maximam laudem apud omnes Ictos promeritus est, quod ceteras constitutiones Diocletiani, & Maximiani, quas, nescio qua causa, missas fecit Gre-

Gregorius accurate collegerit . Num vero Hermogenianus ille , qui sub Alexandro Severo vitam agebat , uti vult Reinesius *ad Inscript. LXX.* an vero alius Hermogenianus Codicis hujus auctor fuerit , omnino incertum . Mihi tamen Reinesius minime suadet . Moveor equidem ex eo , quia Constantini ætate Gregorianum Codicem prodisse doctiores viri affirmant . Hinc alius Gregorianus ejus Codicis auctor sub Constantino est habendus . Sed quoniam ea ætate plures Hermogenes , & Hermogeniani floruerunt dubium oritur , ac perpetuum manebit , cuinam ex tot Hermogenianis dignitate , & sapientia præstantissimis sit is codex tribuendus . Igitur Hermogenianum quendam Constantini ætate auctorem Codicis Hermogeniani fuisse tene , parum tamen curato ejus Patriam , Natales , ac dignitates inquirere , cum nihil sit obscurius , incertiusque . Quanta autem fuerit Codicis istius auctoritas , repete ex iisdem verbis Justiniani Imperatoris , quæ paulo supra recitavi . Is tamen , qualiscumque fuit , integer modo non exstat . Quæ super-

D 4

sunt

sunt fragmenta, novissime in lucem emisit idem Antonius Schultingius, eaque doctis animadversionibus illustravit. Ad eundem, si lubet.

§. XXIX. Non desiere porro Imperatores, novas leges condere, quæ excrevere adeo, ut nihil supra. Hinc tanta legum multitudine difficile esse caput jus perdiscere, ac secundum leges Judicare, cum leges, ubi multæ sunt, non numero tantum, sed sententiarum varietate soleant eos, qui ad earum studium accedunt, potius implicare, quam ad rectum usum animos hominum rite componere. Id plenissime innotescere cepit ipsis Imperatoribus. At qui medicinam facere tanto malo primi omnium studuerunt, Theodosius junior, & Valentinianus Impp. fuerunt. Nam constitutione edita anno CCCCXXVI. caverunt, ut Papiniani, Paulli, Caii, Ulpiani, ac Modestini opera, nec non Sabiniani, Juliani, & Marcelli scripta in foro valerent, modo tamen Sabiniani, Juliani, & Marcelli sententiæ ex genuinis Codicibus, in quibus ab auctoribus descriptæ, essent depromptæ.

Ut

Ut scilicet pravæ illi litigatorum consuetudini obviam iretur, qui Scriptorum loca pro arbitrio expungere, ac referre solebant suis commodis minus juste indulgentes. Quoniam vero fieri poterat, ut inter se tales Icti dissentirent super eadem re, ad rem hos canones iidem Imperatores instituerunt. I. ut ea sententia prævaleret, quæ à pluribus esset probata. II. ut si pares numero essent Icti, qui idem probarent, ei standum esset sententiæ, cui Papinianus suffragaretur. Verum hæc tanti non esse deinceps visa fuere, ut mala averterent, quibus rerum civilium ordo legum ferme immenso numero turbabatur. Etenim prospectum nequaquam fuit ea constitutione, uti opus erat, rebus omnibus, quibus publicæ res essent gerendæ, immo nec Privatorum actionibus, Judiciisque, quandoquidem tota Judiciorum ratio in excutiendis verbis Icti alicujus versari cæperit, quarum sententias non adversari, sed sibi favere singuli litigatores, licet inter sese eadem adversarentur, aperte agebant. Quare equidem primus omnium Pyrrhonismum hac

æt te in Jus civile investum heic dixissem, nisi idem haud diu docuisset Cl. Noodt, qui hujus ætatis Ictos ad Pyrrhonistas omnino ablegat. Igitur cum hæc posteriora mala antiquis fortasse pejora diu multumque idem Theodosius junior penitus noverit Anno CCCCXXXVIII. per Octo viros, inter quos primas egit Antiochus, novum Codicem componi jussit, qui complecteretur Impp. Constantini, & Successorum constitutiones. Atque hinc prodiit Tertius Codex, qui Theodosianus dictus est. Codicem hunc fata non inviderunt; Quinimmo luculentissimis commentariis illustratum prodidit Vir doctissimus Jacobus Gothofredus, quibus Prolegomena præmisit; ubi fusissime de auctoritate, ac de Codicis Theodosiani præstantia agit. Quamobrem Gothofredum eruditissime de Auctoritate ejus Codicis disputantem consule, cum mihi tantum heic ducam, ne longus sim, te monere, Codicem Theodosii omnem omnino vim ubique obtinuisse, postquam ipse Theodosius singulari novella Constitutione, quæ inter Theodosianas prima est, eundem confirmaverit.

§. XXX. Post Theodosianum Codicem novæ constitutiones prodierunt cum ipsius Theodosii, tum Valentiniani III. Martiani, Majorani, Severi, Leonis, & Anthemii, quas primum evulgavit Petrus Pithæus Paris MDLXXI. At nonnullis notulis secundo publici juris fecit Contr. Ritthershusius Ic. Altorphinus Francof. MDCXV. Tandem eas Codici suo Theodosiano subjecit Jac. Gothofredus. Atque in hunc modum res stare visa est ad Justinianum usque, cum exploratum sit, Imperatores, qui Justiniano præcesserunt, nullam operam dedisse suis novellis Constitutionibus colligendis. Justinianus autem post longam annorum seriem studuit, ut universi Juris Romani collectio prodiret. Sed de re hac in calce hujus Historiæ, ne rerum dicendarum ordo turbetur, deferam. Nunc e re est agere de Ictis, ad quos alteram causam pertinere dictum est, qua incrementum Imperatoria ætate Jurisprudentia Romana accepit.

§. XXXI. Ac sane quid valere Icti ad Augustum usque §. XXII. demonstratum

tum est, nunc de auctoritate dicam; quam post Augustum eorum Responſa obtinuerunt. Idque, ut oratio rite procedat, fieri à me ita debet, ut apertum etiam cuique ſit, quid Juris ad Iſtorum reſponſa pertinuerit vel poſt ipſius Juſtiniani obitum. Et ſub Auguſto quidem Iſti cæperunt non privata, ut olim, ſed publica auctoritate reſpondere de Jure. Nam Sapientiſſimus Princeps, cui maximæ curæ erat Jura Imperii perpetuum firmare, optime novit obſtare non parum poſſe tot Iſtos novo Imperio, ſi eorundem interpretationes ab Imperii Juribus diſſonarent. Hinc non omnibus, ſed paucis tantum, qui ſibi, ſuxque poteſtati faverent, facultatem conceſſit de Jure reſpondendi ea tamen lege, ut non liceret quibuſvis ab eorum reſponſis diſcedere. Quare Lepidus proſecto mihi videtur Pomponius, qui l. 2. §. 47. de O. I. id factum ab Auguſto ſcribit, ut *major eſſet Juris auctoritas*. Legatur omnino Heineccius *Antiquit. Rom.* 1. 2. Verum Gerardus Noodt id omne noviffime improbare conatus eſt ad Tit. ff. de J. & J. quod ſibi perſua-

ſua-

suasit, Prudentum responsa nisi moribus, aut rescripto confirmata nullam juris auctoritatem habuisse ante Constitutionem Theodosii junioris, & Valentiniani III. in *l. un. Cod. Theodos. de Res. Prud.* Sed in hunc errorem incidit V. Cl. quod de Responsis prudentum eam legem loqui existimarit, quæ revera nonnisi loquitur de Ictorum scriptis, quæ posteriorum Principum legibus auctoritatem juris obtinuisse haud nego.

§. XXXII. Quum igitur datum ab Augusto fuerit Ictis publica auctoritate de Jure respondere, continuo usi ea fuere. At quoniam non idem omnes sentire cæperunt cum in disputando, tum de Jure respondendo non solum multis disputationibus Jurisprudentiam involuerunt, verum et in diversas partes, five sectas abierunt. Sub Augusto duæ sectæ floruerunt, quarum altera Antistium Labeonem, altera Atteium Capitonem ducem habuit. Ad rem Pomponius *l. 2. §. 47. de O. I.* Hi duo, inquit, primum veluti diversas sectas fecerunt. Nam Atteius Capito in his, quæ

quæ eis tradita fuerant , perseverabat ; Labeo ingenii qualitate , & fiducia Doctrinæ , qui & ceteris operis sapientiæ operam dederat , plura innovare instituit. Horum discipuli sub Imperatoribus, qui Augustum sunt secuti, in eundem modum Jus civile exposuerunt . Hinc a Masurio Sabino , qui Capitoni , a Cajo Cassio Longino , qui Sabino , et à Cælio Sabino , qui Cassio successit, Cassiani et Sabiniani. Item Labeoni successit M. Coccejus , Nerva Pater , Nervæ Proculus prænomine Sempronius , Proculo Pegasus ; Unde Proculiani , & Pegasiani . Ut autem rem totam recte comprehendas , attendas quæso , quæ mox subnectam ; Habes enim quodam veluti schemate Sectarum Principes , atque Imperatores ipsos, sub quibus iidem floruerunt , quemadmodum a Gothofr. Juniore editum est.

Sectarum Principes
sub Augusto

Capito — Labeo

Sectatores

Sub Tiberio

Sabinus — Nerva P.

Sub

Sub Cajo, Claudio, Nerone

Cassius, a quo — Proculus a

Cassiani — quo Proculiani

Sub Vespasianis

Cælius Sabinus, a- Ner. F. Longinus Pegasus

quo Sabiniani a quo Pegasiani

Sub Trajano, Hadriano, Antonino Pio

Cassiani Proculiani

Sabiniani Pegasiani

Priscus Javolenus Celsus P.

Aburnius Valens P. Juventius Celsus

Tuscianus F.

Salvius Julianus Priscus Neratius.

Ne tamen credas, me omnes Ictos me-
morasse ; Nam me non latet fuisse &
alios per eadem tempora , quos non
vacat recensere. Consule Gotfridum Ma-
scovium *De Sectis Sabinianorum, & Pro-
culianorum* , Forsterum in *Historia Juris
Civilis* , & Bertrandum in *Vit. Icto-
rum* .

§. XXXIII. Nunc tene, summam Di-
scordiarum inter has sectas hanc fuisse,
quod Proculiani summum jus, Sabinia-
ni vero æquitatem maxime spectarent.
Sane Attæius veterum Institutis hæere
sibi

sibi duxit ; sed contra Labeo ingenii præstantia fretus nova multa in Jus Romanum invexit. Qui ex istorum Scholis porro prodierunt, idem disputandi genus uti a præceptoribus suis didicerant, sententiis suis prosecuti sunt. At ne putet, ignorari hodie causam, cur ejusmodi dissidia diu perdurarint. Equidem causam peti aperte video a Doctioribus viris ex variis Philosophorum placitis. Sane quod Icti maxime Philosophiam colere cœperunt, ejusque præceptis nonnulla in Jure explicare, quæ in controversia erant, profectum inde, ut sicuti in rebus explicandis non idem Philosophi senserint pro sententiarum suarum varietate (quamobrem in nonnullas sectas Philosophos scissos legimus) ita Icti varium disputandi genus sectantes pro ingenio Philosophi alicujus, cui se adscribebant, tum scholas diversas produxerunt, tum in sectas tamdiu scissi, quamdiu hujusmodi disputandi genus prætulerunt. Et certe Stoicorum præcepta Ictos spectasse nemini dubium est imo & Academicorum, aliorumque Philosophorum. At Stoicorum Philosophiæ
haud

haud pauci se dediderunt, quod nempe eam moribus formandis, severiorique disciplinæ instituendæ magis idoneam præ ceteris judicarunt. Hinc nequaquam miror, passim Philosophiam stoicam *summam sapientiam* dici a Jurisconsultis. Plura hac de re tibi dabunt, si umquam adire tibi arrider, Cujacius *Obs. XXVI. 40.* Merrill. *obs. 7. 8.* Schilterus *in. Manu-duct. Philosoph. Mor. ad Jurisprud. 1. 5.* et Ev. Otto. *in De Stoica Ictorum Philosophia.*

§. XXXIV. Sub Hadriano Imperatore Sectarum istarum dissidia refrixisse, atque sub Antonino Pio omnino defecisse vulgo eruditi Interpretes docent. Cui rei causam dederunt ipsi posteriores Icti. Nam vel ante Hadrianum cæperunt Icti mediam inter contrarias utriusque Sectæ sententias tenere, uti præ ceteris a Prisco, sive Neratio, sive Javoleno factum tradit Tribonianus *Lib. 1. Tit. 22.* Tum vero idem eo magis persecuti Icti Hadriano, atque Antonino Pio Juniores. Tales fuere Cajus, Pomponius, Scævola, Papinianus, Vlpianus, Paulus, quorum maxima cura

E

hæc

hæc fuit, diffidia, pro eo ac possent, componere. Atque hi proprie *Herciscundi* sunt nominandi, quod nonnullas controversias composuere inter utramque Sectam *Medii*. Verum tantæ rei operam suam Imperatores etiam contulisse ne inficieris; etenim nonnullas controversias *Decisionibus* suis præclare defini-verunt. Earum exempla habes in plurimis Pandectarum locis, ac præsertim in *l. 4. ff. de Leg. commiss. et L. 12. §. 1. De Tut. O. Curat. dat. &c.* Sed gloriam longe maximam hac in re jure merito sibi vindicavit Justinianus Imp. qui quinquaginta editis *Decisionibus* omnino studuit componere ceteras controversias, quas libido veterum Istorum in disputando in Jurisprudentiam non sine maximo incommodo Reip. antea invexerat. Has omnes si consulere cupis, adi Codicem Repetitæ Prælectionis, in quo omnes habes in varias particulas non sine arte discerptas, ut scilicet suis locis describerentur Jura, quæ iisdem comprehensa. Quare falsos puta eos, qui temere quinquaginta decisiones (vera rei historia posthabita) in Codice Ju-

Justiniano tantum exstare negarunt; Satisfecit enim his omnibus sapienter Edmundus Merillius, qui non solum Decisiones hasce collegit, atque eleganter interpretatus est, verum etiam in *Prolegomenis* totus est, ut probet tantum quinquaginta decisiones in Codice repetitæ prælectionis comprehendendi, etiamsi decisiones nonnullæ utilitatis causa in plures partes fuerint dissectæ, eæque opportunioribus locis adscriptæ. Atque hinc mihi temperare non possum, quin commendem criticos interpretes, qui uno ore recte Tribonianum culpant, quod passus sit post plurimos labores Ictorum, atque Imperatorum Rom. in libris Juris veterum dissidiorum vestigia superesse, quæ sane non parum ingenia studiosorum Juris adhuc exercent.

§. XXXV. Ex his omnibus Ictorum Responsis, quæ dissidiorum causa omne incrementum habuerunt, crevit quoque Jurisprudentia Romana. Quorum profecto tanta fuit auctoritas ad Justinianum usque, ut inter Juris scripti partes Tribonianus ipse aperte postmodum eadem recensuerit. Quamvis minime gra-

varer heic, si id agerem, mala proponere, quæ sequiori ævo subiit Jurisprudencia ex hujusmodi facultate Ictis concessa, quam eo magis porro obtinuisse haud obæsa naris interpretes malunt ex Imperatorum quorundam incuria, atque ignavia. Fuisse enim Principes, qui artem imperandi vel neglexerunt, vel non rite novērunt; Quamobrem ii respondere visi fuere aliquando de Jure, qui nequidem inter Auditores esse mererentur, immo & sua conditione tanto splendore indigni palam dicerentur. Satis tamen tibi sit heic locum hunc Mamertin. attendere, qui Jurisconsultorum illorum conditionem exhibet, qui Juliani tempora attigerunt: *Juris civilis* (verba hæc sunt Mam. *Panegyri. XI, cap. 20.*) *scientia, quæ Manlios, Scævolas, Servios in amplissimum gradum dignitatis evexerat, Libertorum artificium dicebatur*, Ceterum qua auctoritate prædita Responsa prudentum ad Justinianum usque jam vides, me proposuisse, Nunc res ipsa postulat, ut tibi exponam, quid valuerunt Icti post Justinianum, Quod postremo loco, ut pensum meum rite absolvam, demonstrandum est. Sed rem hanc paucis accipe.

§. XXXVI. Ac sane eorum Iſtorum rationem heic a me haberi puta, qui ab eo tempore floruerunt, quo Digestorum Libri poſt diuturnam oblivionem e tenebris emerſerunt opera eorum, qui eoſdem explicare ſibi duxerunt. Ex quo quidem tempore non in dandis de Jure Reſponſis, ſed in legibus interpretandis, atque illuſtrandis mirificum Iſtorum ſtudium exarſit. Primus autem, qui ei negotio feliciter operam dedit, animumque appulit, fuit Irnerius, qui græcis inſtructus litteris ad juris Interpretationem acceſſit. Sub Accuſio deinde latius, latiffime vero ſub Bartolo Romanæ leges explicatæ ſunt, donec nova interpretandi ratio ſub Alciato cœpit illuſtrior, & utilior, quæ deinde a Cuiacio ejus Scholæ Principe Cujaciana nuncupata eſt. Sed Iſtorum hiftoriam heic contexere meum non eſt. Vide noſtrum Ian. Vinc. Gravinam, qui id eleganter proſecutus eſt. Id unum tantum monere e re duco, non tanti iſtas Iſtorum Interpretationes eſſe habendas, ut vim Juris habeant, quod non publica, ſed privata auctoritate pro utilitate eorum,

E 3

qui

qui Jus civile pernoscere vellent , eas protulisse posterioris ætatis interpretes certum sit . Sane tantum valent , quantum probant . Atque hæc de Jurisconsultorum varia in respondendo auctoritate satis .

§. XXXVII. Nunc reliquum est , ut de Senatusconsultis , ac de Edicto Perpetuo dicam . Ac primum de Senatusconsultis ita disputabo , ut ea tantum excipias , quæ ad hanc Juris ætatem , qua de agitur , pertinent , ne iterum dicta repetantur . Et sane Tiberium Scis primum vim omnem tribuisse nemo dubitat . Is enim licet secundum Augusti Imperatoris instituta rem publicam gerere cæpit , tamen id maxime studuit , ut potestas Pop. Rom. minueretur ; quæ Imperii progressibus non parum obstabat . Hinc Sex. Pompeio , et Sex. Apuleio Coss. comitia e campo ad Patres transferri debere apud Populum contendit vel hac causa , *quod difficile esset tantam Populi multitudinem in unum convenire* . Id quod Populus fieri permisit , uti auctor est Tacitus *Annal. i.* Sed nolim tu hanc causam veram existimes . Nam longe aliud sibi habuit Tibe-

berius. Nimirum cum nōverit ad eum diem non pauca Tribuum studiis facta, quæ Libertatis Jura omnino servare videbantur, quæque Imperio subruendo viam parare vel facile poterant, hoc uno tam gravi periculo obviam iri posse statuit, ut nempe ad Senatum Jura Comitiorum transferrentur. Quod ubi obtinuit, novum veluti Imperium prodire visum fuit. Quidquid enim Principi placuit, tamquam lex valere cœpit; quamvis ad minuendam invidiam res omnes a Senatu decerni Princeps affirmaret. Itaque quæ valere pro legibus Princeps volebat habita, aut per Quæstores candidatos recitata oratione, vel libello prælecto patribus commendabat. His continuo adsentiri opus erat, vel ut fidem quam Principi Patres præstiterant (quandoquidem ejus ope ad tantam dignitatem pervenerant) servarent, vel ut consuleretur privatæ rei, ac fortasse etiam tranquillitati civium, quorum avaritia, libidine, atque ambitione delapsa jam erat libertas. Vide, quæ de Principum Orationibus docuere Christ. Otto a Boekelen in *Diff. de Orat. Princip.*

cip. in Senatu, & Schubartus *de Fatis Jurisprud. Rom. Exercit. III.* Idem porro servatum legimus ad Justinianum usque. Et quamvis post Tiberium paulatim ad-
fuescere Imperatorum Dominationi adeo Romani cæperunt, ut leges pro arbitrio cõdere periculosum Principibus non fuerit, nec amplius res aleæ, ac di-
micationis plena habita, tamen in eum-
dem modum Populo quandoque impe-
rare haud displicuit. Id luculenter cui-
vis innotescet, si quæ ab Hadriano ge-
sta, diligenter animadvertantur. Is plane
toto ferme Imperii sui tempore leges
bene multas creavit nulla ad Senatum ha-
bita oratione. Nam cum per orbem Rom.
peregrinari ei opus fuerit, ut res Imperii
undique dissipatas componeret, Senatui,
quæ constituere malebat, aperire, præ-
terquam ubi Romæ erat, non semper
potuit. Hinc sub Hadriano perraro le-
ges promulgatæ Senatu probante, uti
antiqua consuetudine erat receptum,
qua vel Principum Ediçta Sctis firma-
bantur, vel Principum ediçtis Senatus
decreta mutuo ad res pace gerendas for-
dere illo, quod jam sub Initia Impe-

rii fuit callide a Principibus constitutum. Atqui quæ quæ Sæta sub Hadriano facta recensere animus non est, ne temorer. Consule Heineccium in *Historia Juris Lib. I. cap. IV.* Quinimmo, ne multus videar, quæ de Sætorum auctoribus possent in medium adferri, silentio prætereunda existimo, quod tyronum tantum gratia hæc a me describuntur. Illud unum monere te duco, Cæsares, qui Hadriano successerunt, idem tenuisse de Senatusconsultorum auctoritate. Id quod probat omnino postrema illa legum recensio Justiniani Imperatoris, quam dat *Instit. Lib. I. Tit. II.*

§. XXXVIII. Ad ultimum pauca habede Edicto Perpetuo, ex quo præcipua quoque causa trahitur, cur ætate Imperatoria legum numerus ferme immensus evasit. Ejus, uti supra dictum est, auctor vulgo fit Salvius Julianus sub Hadriano Imp. Cl. Ictus. Et non male quidem. Quis enim id in dubium revocare audebit, modo oculis subiiciat auctoritatem Eutropii VII. 9. & ipsius Justiniani in Græca Constitut. *De Confirmat. Digestorum*, qui Salvium Julianum Hadria-

driani auspiciis tantum opus suscepisse aperte testantur? Me tamen non fugit Hugonem Grotium in *Florum Sparsione* Antonino Pio Edictum perpetuum tribuisse. At fraudi ei fuit Aurelii Victoris locus, quo perperam ratus de Edicto Perpetuo sermonem haberi, uti docte Henecius notat in *Historia Juris*. Plura autem Salvius Julianus Edicto perpetuo aggressus est, quæ mire perfecit. Sane non tantum curavit, *jus, quod varie inconditeque a Prætoribus adhuc promebatur, in ordinem componere*, uti Aurel. Victor refert XIX. sed illud etiam maxime effecit, ut studiosos juris non amplius morarentur, quæ jam exolevisent e. g. Edictum *De Fluminibus Retandis* de quo Gellius *Noctium Atticarum* XI. 17. &c. Quæ vero censuit ab usu fori aliena immutavit, emendavitque. Ac demum nova nonnulla descripsit in Edicto pro Sabinianorum ingenio, quorum sententiis captus adeo, ut Proculianorum placitis nullum dederit locum in eodem Edicto. Id autem omne ut rite perficeret Julianus, usus collectione quadam edictorum, quæ prostabat in Bibliotheca

theca Vlpia, cujus mentio est apud eundem Gellium *Noct. Atticar. XI. 17*. Et quidem in Bibliotheca ista volumina legum omnium pro Auctorum Industria recensentur, eaque tanti habita, ut primum in Templo Trajani steterit, tum vero in Thermas Diocletianas translata fuerit. Consulatur Claudius Salmasius ad *Script. Hist. August.* Ex hac sapienter eruit Julianus, quæ omnia Edicto componendo describere opportunum duxit. Hinc haud miror equidem, tantam auctoritatem tale opus obtinuisse, ut Oratione ab Hadriano Imperatore in Senatu habita rite fuerit confirmatum, ac deinceps sibi fere numquam tribuerint Imperatores derogare iis, quæ in edicto comprehendebantur, immo etiam sibi habuerunt, appellationem denegare omnibus, qui auderent appellare ab iis, quæ in edicto præclare erant definita. Qua de re legatur Donellus *Comm. Jur. XXVIII. 6*. Verum Edictum hoc temporis iniuria intercidit. Sed ejus restituendi curam susceperunt Eguinarius Baro in *Manual. Juris*, Hubertus Giphanius in *Oeconomia Juris*, Petrus Pitenius

Ictus

Ictus Florentinus De Oeconomia *Edicti Perpetui*, & Jacobus Gothofredus, qui *Seriem Edicti Perpetui* dedit in *Quatuor Fontibus Juris civilis*. Quo opere profecto aliorum industriam vicit cum ordine, quo *Edicta* digessit, tum *edictorum* illorum editione, quæ e *Prætorum albo* primum exscripta; *nec enim ea edicta confinxit, quæ numquam fuerunt, nec quæ sunt ex Jurisconsultorum placitis, moribus Romanorum, antiquis legibus, vel etiam novis Principum constitutionibus* petita, quemadmodum ab Eguinario Barone factum in *Manuali Juris* idem docet.

§. XXXIX. Ex his omnibus, quæ hætenus enarravi, cuivis primum erit pernoscere causas, ecur Romanis deinceps difficile fuerit, proprium jus scire, ejusque præcepta in judicando rite servare. Id mali quidem irrepsit ex ingenti legum numero, quarum aliæ Codicibus illis descriptæ, quos jam retuli aliæ extra Codices vagabantur, imo & novæ his omnibus in dies adjiciebantur pro Imperatorum arbitrio, quas intelligere, atque ad controversias definiendas adhi-

adhibere non omnibus dabatur, quod singuli sibi omnes comparare non poterant, atque quæ ad manus erant, plerumque amanuensium ignavia erroribus scatebant. En igitur vides, in quem statum porro delapsa Jurisprudencia Romana. Hinc ut Imperii Romani, ac privatorum commodis recte consulere, tandem Justinianus Imperator arduum opus legum omnium in ordinem redigendarum altero Imperii sui anno suscepit.

§. XL. Verum quæ Justinianus in huiusmodi negotio præstiterit, heic fusc non referam, quandoquidem Heineccius ipse rem totam scite complexus est ad *Proemium Institutionum*, cujus elementa Juris mox pro instituto meo explicanda sunt. Quare paucis me expediam, ne quis me carpat, nequidem leviter heic attigisse, quæ ad historiam Justinianeï juris pertinent. Et primum quidem Justinianus secundo Imperii sui anno ex tribus Codicibus, quibus Principum constitutiones continebantur, Gregoriano, Hermogeniano, & Theodosiano unum Codicem conficari jussit per Decemviros, quorum Princeps Tribonianus Græcus homo, qui
ma-

maximi habitus ab eodem Justiniano. Hic codex ab eo dictus est Justinianeus, quem tamen temporum infelicitate amissimus. Quarto deinde Imperii sui anno septem aliis viris accitis Pandectas, sive Digesta ex universo Civili Jure, ac prudentum maxime responsis composuit, ne scilicet novo Codice omnia sapientissima Romanorum Instituta, ac scripta Jurisconsultorum, quæ probata adeo erant, omnino interirent. Mox civiles Institutiones aggressus Juris Elementa studiosæ legum juventuti tradidit, operaque ad absolvendum tale opus tantum usus Triboniani, Theophili, et Dorothei. Tum octavo anno Codex repetitæ Prælectionis prodiit, quo nunc utimur. Quo præter nonnullas vagantes Imperatorum leges quinquaginta illas decisiones describi jussit, quibus totidem Juris controversias is idem antea definiverat. Quamobrem factum est, ut cum alter Codex Institutiones præcesserit, alter sit subsequutus, in Institutionibus fiat mentio Codicis, & in Codice Institutionum. Quod vero Justinianus ipse reliquo Imperii sui tempore multas edidit

dit Constitutiones , quæ Novellæ dictæ, has anno Imperii ultimo in unum volumen conjici jussit, qui Codex Novellarum dictus est . Sed quoniam Novellis hisce sæpe derogatum , vel obrogatum , sæpe etiam Jus Codicis abrogatum , ætate media, sive Innerius is fuerit , sive alius, singula Novellarum loca, quæ Codici adversabantur, in epitomen contracta legibus Codicis subiecerunt . Exinde Authenticarum nomen enatum , quemadmodum librum ipsum Novellarum ipsi barbari Icti *Authenticum* nominarunt . Itaque tenes, Jus Justinianeum contineri Libris L. Digestorum IV. Institutionum XII. Codicis, novem Collationibus , quibus Novellas pro ingenio suo barbari Interpretes partiti sunt . Ad hæc nunc addere piget, quæ vulgo disputantur de genere, moribus, ac de sapientia Justiniani, simulque de Assentatore Triboniano . Rem tamen tibi dabit breviter Heineccius ad *Proemium* . At si plura discendi de eadem re tibi cupido est , confer eundem in *Historia Juris* 1. 6. et Guinetum in *Justiniano Magno* .

§. XLI. Atque hic brevi huic Historiæ Juris Romani finem imponerem, nisi pro instituto a me enarrari oporteret, quæ ad Juris Justiniani fata spectant. Quæ quidem ut rite a me recenseantur, opportunum duco primum exponere, quæ fuerunt post Justinianum Romanæ Jurisprudentiæ fata in Oriente, tum vero ad ea veniam, quæ pertinent ad fata juris Romani in Occidente. In Oriente a Justiniano, qui anno DXXVII, Imperium suscepit usque ad Basilium Macedonem, qui Anno DCCCXXXVIII, in Oriente imperavit, ex Libris Justinianeis jus redditum est. Res tamen per hæc tempora variavit in eo, quod sub Justiniano Orientales legibus Latino idiomate descriptis in Tribunalibus, atque in Academiis usi fuere, post Justinianum vero defuescente paulatim latina lingua tantum græcis Librorum Juris Justiniani versionibus, qui vel sub ipso Justiniano jam transferri in Græcam linguam cœperunt. Et certe Justinianus leges latina lingua describi jussit, ut non solum suo, verum etiam maiorum suorum, ac præsertim Constantini genio indulgeret, qui-

quibus maximæ curæ semper fuit efficere, ut latini idiomatis usus in oriente vigeret. Vide Caroli Du-Fresne doctissimam Præfationem in *Glossario Med. & Infim. Latin.* qua critice enarrat Imperatorum varios conatus, ut vernacula in Oriente Lingua latina fieret. Atqui id contendere frustra eis fuisse patet ex hoc, quod nequidem, uti vides, Justiniani leges Latinis vocibus Justiniani jussu descriptæ in Oriente explicari, atque in usu poni in Foro potuere imperitia Latini idiomatis. Inde factum, est, cur teneas, ut in Græcam linguam Pandectas verterint Thalæus, Stephanus, Cyrillus, Dorotheus, Codicem sive Thalelæus, sive alius, Institutiones Theophilus, qui omnino is idem est, qui juri componendo sub Justiniano vacavit cum aliis, quibus id muneris datum, uti erudite probat Jo. Henr. Mylius in *Historia Theophili*. At tandem latina Justinianeï juris editio in Oriente defecit. Nam sub posterioribus Byzantinis Imperatoribus nova Juris collectio græce prodiit, in quam et Justinianeæ Jurisprudentiæ contractior, et Novellæ Græcorum Imperatorum

concefferunt. Et primum quidem Basilii Macedo Anno DCCCXXXVIII. edidit Προχειρον των νομων, hoc est *Promptuarium legum* in Libros quadraginta tributum. At Leo, qui Basilio patri successit, paternam collectionem perficere studuit, eamque libris sexaginta absolutam evulgavit sub Titulo Διαταξεν Βασιλικων, hoc est *Constitutionum Imperialium*. Quod vero nonnulla Basilium, & Leonem effugisse novit Constantinus cognomento Porphyrogeneta, qui ad Imperium Paternum venit post Leonem natu maiorem, ideo Paternum opus ampliavit, ornavitque adeo, ut tandem Libros sexaginta Βασιλικων, sive *Basilicorum*, eo quo opus erat, nitore, atque ordine in publicam lucem emiseric, quos porro cum Glossis græce, et latine edidit V.C. Carolus Annibal Fabrottus; quamvis pauca in iisdem defint, quæ non dum integra reperiri potuerunt. Ex Basilicis hinc redditum Jus in Oriente satis docent posterioris ævi Scriptores, qui passim ex Basilicis nonnulla capita Juris Romani recitant, eaque pro more suo illustrent. Id sane fecerunt præ ceteris
 Theo-

Theodorus Balsamon in *Nomocanone*, et Constantinus Harmenopulus in *Promptuario Legum*, quorum primus sæculo XIII. alter sæculo XIV. floruit. Quamobrem probari recte video Basilicorum Libris Romanum ius in Oriente obtinuisse ad annum MCCCCLIII. quo anno Constantinopolitani Imperii, cui tunc temporis præerat Constantinus Palæologus, Turcæ potiti. Sed haud omnino falsi arguendos puto eos, qui etiamnum Turcas uti nonnullis legibus Romanis aiunt, ac non paucas leges Romanas in Turcicas confluisse volunt. Sic Codice Justiniano in Turcicam linguam translato in Judiciis Turcas uti adfirmat Leunclavius in *Præfat. ad Libros III. Paratitl.* Quinimmo ex Ism. Bullialdo sæpe audivisse se refert Menagius *Amoenit. Jur. Civ. cap. XXVI.* Turcas pleraque ex legibus Romanorum in suas transfudisse præcipue, quæ ad materiam servitutum spectant. Igitur habes iam, quæ fata subiit Jus Romanum ad postrema usque tempora in Oriente, mox venio ad ea, quæ dant fata Juris Romani in Occidente.

§. XLII. Sunt qui fufe probare conantur, in Occidente Justiniani leges tantum Ravennæ, quæ Græco parebat Imperio, vim omnem excepisse, quum populi reliqui Langobardicis, Francicis, et Gothicis legibus regerentur. Imo tantam incessisse Romani Juris oblivionem affirmant, ut Carolus M. cum diu exemplaria quæſivisset ad Romani Juris prudentiam instaurandam, frustra fuerit. At tandem sæculo XII. Amalphi ab Lothario expugnata Digestorum libros forte fortuna repertos aiunt, ac Pisanis, quod Lotharium contra Rogerium Apuliæ Ducem classe adjuvissent, præmio cessisse, itemque Anno MCCCCLX. Pisis expugnatis Florentiam translatos, ubi hodienum exstant, unde Pandectarum Florentinarum, interdum etiam Pisanarum nomen, ex quibus cetera exemplaria descripta. Ad hæc addunt, reliquos Justiniani Codices paulatim deinceps cognitos fuisse; Quare Lotharium Imperatorem maxime commendant, quod deletis barbaris legibus decreverit, ut Jus Romanum per totum Imperium coleretur, singulosque obligaret, ac porro effecerit, ut ad pri-

pristinam maiestatem rediret. Verum digna hæc sunt Anicularum lucubratione. Equidem quovis deposito pignore, si eo usque adigar, teneo Jus Rom. in Occidente numquam intercidisse. Quod ut probem, hac methodo procedam. I. proponam, quæ perpetuum usum Juris Romani in Occidente confirmant. II. quæ vulgo opponuntur, refellere non dedignabor. Et primum quidem Gothos, ac Langobardos Juris Romani usum in Occidente, ac præsertim in Italia haud improbasse certum est. De Gothis res dubia tibi non erit, si quæ docte Grotius in *Historia Gotthorum*, et Colerus *Parerg. II.* scripserunt, attente legas. Langobardi autem non solum a Romano Jure non abhorruerunt, verum etiam imposita solum Langobardis legis Langobardæ necessitate Italis sua cuique lege vivendi facultatem dederunt, uti ex ipsa lege Langobardica 1. 29. 2. Imo in Codice legum Langobard. 11. 8. Luitprandi lex existat, qua aperte cautum, ut mulier Langobarda Romano viro nupta Jure Romano viveret. Langobardis ab Italia pulsis Carolus M.

Italīs optionem legis dedisse in eodem Codice habetur. Atque ob hanc causam Juris Interpretes omnes, imo & Pontifices ipsos per hæc tempora Jus Romanum laudasse mihi persuadeo, quod sc. usus legum Romanarum revera perennavit. Sane sæculo VII. Novellam CXIII. citat Gregorius *Epist.* XI. 53. et alibi tum ad Codicem, tum ad Novellas provocat *Epist.* XII. 53. Item sæculo IX. quo jam Caroli M. virtute ex Italia Langobardi expulsi, Juris Romani capita nonnulla laudant Hincmarus XVI. 5. XLIV. 30. Joannes P. VIII. apud Ivo- nem III. alique ejus ætatis Scriptores ad controversias dirimendas. Idem quoque ab aliis, qui successerunt, factum. Quare rem totam, si in hunc modum explicetur, firmo stare talo nemo non videt.

§. XLIII. Ut autem falsum putes, quod perpetuo usui legum Romanarum opponitur, duo velim advertas. Primum est, fidem deesse iis, qui ita sentiunt, quod rem nemo tradiderit ante Franciscum Raynerium de Grancis Pis- anum sæc. XIV. Scriptorem, cujus Poema de *Praliis Tusciae* Cl. Lud. Murato-
rius

rius inseruit *Tom. XI. Script. Rerum Italicar.* Hic primus omnium fortasse suæ Patriæ studiosissimus Pandectas in Amalphitanæ Urbis ruinis repertas, Pisasque translatas retulit. Haud equidem nego, potuisse Amalphi Pandectas reperiri, mihi tamen non persuadet illud, tum primum ex ea inventione ius Romanum servari denuo cæpisse, cuius Codices iamdiu in pretio, atque in usu erant, Pisanisque eam gloriam deberi, quam Pisanus scriptor iis vindicat. Alterum est, quod certe stomachum facit, verisimile fieri non posse, ut Pisani pro tot laboribus sibi Pandectas exorarint, ac Pisas læti redire maluerint acceptis tantum Libris Pandectarum ex eo potissimum moti, ut nempe sibi daretur primum efficere, ut Jus Romanum, quo iam Itali utebantur, in Judiciis, atque Academiis induceretur. Quam mire hæc duo falsos reddunt eos, qui scribunt leges Romanas non obtinuisse post Justinianum in Occidente, non est, cur commendem.

§. XLIV. Quæ cum ita sint, rem porro ita expendas velim, post Justi-

nianum Leges Romanas in Italiae foris barbaris quoque probantibus in usu positas. Hinc non intercidit jus Romanum. At vero cum temporum barbarie rerum civilium ordo, ac litterarum splendor defecerit, diu id mali perduravit, ut nemo esset, qui jus Romanum doceret. Et certe primus Pepo Bononiæ eam artem profiteri cœpit, ac deinde Innērius Germanus, quem Constantino- poli jus didicisse scribit Innocentius Cironius *Observat. Jur. Can. V. 5.* et post hos alii. Qui adeo profecerunt, ut Itali Bononiam se conferentes, ut Jus civile discerent, mire capi cœperint juris studio, atque Italorum exemplo ceteræ gentes. Consule, quæ huc spectant apud Guid. Pancirolum *De Claris Legum Interpretibus* & Ian. Vincent. Gravinam *De Ortu & Progressu Juris Civilis*. Inde causam repetas necesse est, quare quæ a Theodoro de Grancis exscripta aliquam fidem apud nonnullos habuerint. Nimirum cum perperam usum juris Romani in Occidente plane perpetuum cum opera Bononiensium Ictorum composuerint, studium juris Civilis, quod per hæc tem-

tempora revera, uti opus erat, restitutum, cum ejusdem usu nimis oscitanter confuderunt. Atque hæc de Fatis juris Romani.

P A R S A L T E R A.

De Origine, ac Fatis Juris Neapolitani.

§. I. **V**ENIO iam ad alteram Partem Historiæ Juris Romano-Neapolitani, quæ tota est de Origine, et Fatis juris Neapolitani. At quantum difficile sit, rem hanc persequi, rerum Neapolitanarum studiosis adprime notum est. Sane antiquissimi juris Neapolitani Codices defunt, imo et tantis tenebris vetus historia Neapolitana involvitur, ut coniecturas facere omnino cogantur, qui de jure Neapolitano dissertare velint. Verum cum tale opus suscipiendum a me modo sit, id perfici quoquo modo posse mihi videtur, modo legum Historia a civili Neapolitanorum Politia minime seiungatur. Quare rem totam duobus capit-

tibus perstringam, quorum primo agam de Politia, ac Neapolitanorum Iuris prudentia usque ad Nortmandorum tempora, sub quibus primum Urbes, ac Provinciæ Regni Neapolitani antea in varias ditiones pro varia Principum dominatione tributæ in formam Regni coaluerunt, quarum Princeps Neapolis nostra esse cœpit, altero ostendam, quid Iuris Neapoli servatum, postquam unius Principis Imperio cessit una cum ceteris Provinciis, quibus hodiernum Regnum Neap, constituitur.

C A P V T I.

De Juris Neapolitani Ortu, & Progressu usque ad Nortmandorum tempora.

§. II. **N**eapolis, quæ Rogerii Nortmanni opera, ac virtute Neapolitani Regni Princeps evasit, primum breves fines habuit, quos hic describere opus non est. Sub initium tamen Græcam *Πολιτείαν* sibi quæsit, ac Græca Magistratibus suis nomina imposuit, ne a Græcorum moribus discederet, quos

quos conditores habuit. Verum quinam primi adventarint, ac Neapoli nostræ originem dederint, incertum omnino est. Non pauci rerum nostrarum Scriptores ab Atheniensibus Neapolitanos descendere malunt, eosque littorum nostrorum amœnitate captos urbem novam post longam navigationem condere statuisse scribunt. Alii a Cumanis derivant, atque ab aliis Græcis gentibus alii. Certe, mihi crede, res dubia est. Id unum tamen certum teneri video a doctioribus viris, Græcorum coloniam Neapolim condidisse, sibi que primum Neapolitanos habuisse, Græcorum Institutis, ac maxime Atheniensium adhærere. Quod quidem paucis tradunt Strabo, & Philostratus. Sic Strabo, qui sub Tiberio scripsit, *Rerum Geograph. V. plurima tamen*, inquit, *ibi* (Neapoli) *Græcorum institutorum supersunt vestigia, ut Gymnasia, Epheborum cætus, Fratriæ, & Græca Nomina.* Idem docet Philostratus Lemnius (quem ad medium sæculum tertium vitam prorogasse ab Suida putatur) in *Imaginum Proemio* his verbis : ἡ δὲ πόλις ἐν Ἰταλίᾳ ὡς ὅτι γένος ἑλληνες, καὶ ἀστυχοὶ οὖν καὶ τὰς σπουδὰς

ὅτι τὸν λόγον ἑλληνικοῦ εἶσι, hoc est Oleario
 Interprete : *Civitas vero illa (Neapo-
 lis) in Italia (sita) est : suntque illi
 origine Græci , ac probe exculsi , unde
 et dicendi studiis Gracissant .* Ambo
 hæc loca Strabonis , et Philostrati mi-
 re demonstrant , Neapolitanos origine
 Græcos fuisse , et studia , ac ΠΟΛΙΤΕΙῶΝ
 Græcorum primis urbis suæ encæniis
 imitatos. Quid enim aliud præferunt
 Gymnasia, Epheborum cætus, Fratriæ,
 de quibus Strabo , atque Archontes ,
 Demarchæ, de quibus in veteribus Mo-
 numentis Neap. mentio occurrit ? Imo
 partitio illa vetus Pop. Neap. in Fratrias,
 quarum frequentissima est mentio in Ti-
 tulis Neap. me movet adeo, ut ab Athe-
 niensibus (quibus ea Regiminis forma
 omnino placuit) regiminis sui primam
 Formam Neapolitanos arripuisse procul
 dubio affirmem . Ac sane Neapoli plu-
 ra saxa reperta fuerunt , in quibus va-
 ria Fratriarum propria nomina ab ali-
 quo Numine , cui sacræ erant , quæsi-
 taprehenduntur . Ex his enim aper-
 te colligitur , alios Eumelidas vocatos
 ab Eumelo Patre Parthenopes ita di-
 ctos,

Etos, de quo loquitur Titulus apud Capacium l. 6. et Reinesium l. 156. alios Artemisios a Diana, de quibus Lapis a Capacio, & Summontio, deinde ab eodem Reinesio VI. 37. descriptus est, alios Aristæos; qui sodales erant, de quibus mutila, & tamen bene longa exstat apud Gruterum pag. CXXV. 1. Inscriptio, ex qua plura Fratriarum officia discimus. Præter has fuisse et alias Fratrias critici rerum Neap. historici conjiciunt. Et non male quidem, cum saxum haud diu effossum novum mihi Fratriæ nomen obtulerit antea ignotum, ac fortasse posteris alia oculis subiicere dabitur. Ergo cum res ita sese habeant, tibi jam constare autumo, Urbem Neapolim ab initio Græcam fuisse. An vero libera prorsus, et *Αυταρχης* fuerit, non est, cur quæras. Nam Græca ipsa Magistratuum nomina, ac vetus Politia probant omnino Neapolim liberam & *αυταρχην* sub initium fuisse. Scio equidem, diu id quæsisisse nostros *Αρχαιολογους*, qui profecto contrarium teneri non posse ex eo aperte scripserunt, quod nullam nobis mentio-

nem

nem iniecerint antiqui Scriptores Regum Neapolitanorum , qui Regium Neapolitanorum Dominatum procul dubio memorassent , si umquam Regio Imperio primum Neapolitani obnoxii fuissent .

§. III. Verum post hanc *Αυταρχίαν* per diversos suæ *Πολιτείας* status urbs nostra Romano Imperio florente decurrit . Nam primum fuit Foederata Respublica , tum lege Julia Civitatem Romanam assecuta , deinde inter colonias recensita , ac demum CPolitanorum Principum Imperio cessit , quamvis suam adhuc Reip. et Libertatis speciem ostentarit . De his nunc meum est paulo fusius disputare . Ne vero te varia illa nomina impliceant , quæ diversis hisce suæ *Πολιτείας* statibus Neapolis adepta , paucis tibi ea exhibebo , quibus rei , de qua dissendendum , lux affulgebit .

§. IV. Et quidem Romanorum peculiare quoddam institutum fuit in diversas Regiones suas Provincias tribuere , ac cujusque Regionis Civitates conditionibus variis subicere . Id quoque in Regno nostro Neapolitano factum historici tradunt , qui in plures regiones

nes Regnum Neap. Romanos tribuisse, ac cujusque regionis Civitatum non unam conditionem fuisse referunt. Atque hoc Romanorum sapientissimum Institutum, tum ad confirmandos amicorum animos, tum ad depellendos non tam gravi periculo inimicos, perduellesque mire valuisse Carolus Sigonius passim docet in *De Jure Antiquo Civium Roman.* Civitatum autem cujusque regionis hæc fuere conditiones, aut enim Municipia erant, aut Foederatæ Civitates, aut Coloniae, aut Præfecturæ. Præfecturarum conditio durissima, quod nec proprios Magistratus, nec proprias haberent leges, sed per Præfectos Roma missos, et legibus a Pop. Rom. impositis regerentur. Hujusmodi Præfecturas Festus recenset Capuam, Cumas, Casilinum, Vulturnum, Liternum, Puteolos, Acerras, Sueffulam, Atellam, Calatiam, quæ cum non semel a fide Romanorum defecerint, durissimæ Præfecturarum conditioni subiectæ. Longe potior Coloniarum conditio fuit; quamquam enim Jura non sui arbitrii habebant, uti Gellius loquitur *Noct. Atticar. XVI. 3.* habebant

tamen jura omnia privata, institutaque Pop. Rom. . Hinc in marmoribus frequenter occurrunt *Coloniarum Decuriones, Senatores*, uti apud Reines. *Inscript. p. CXXXII.* Duumviri, *Ædiles, Quæstores, Censores*, imo & *Sacerdotes, Augures, Pontifices.* Vide Ciceronem Agrar. 1. 35. Ut ad rem Gellius colonias *quasi effigies parvas, & Simulacra Maiestatis Populi Romani* appellet. Potissima certe fuit *Civitatum Fæderatarum, ac Municipiorum* ratio; namque hæc suos habebant *Magistratus*, ac suas *leges*, illæ tributo excepto, quod ex *Fœdere* pendebatur, liberarum loco erant in ceteris. Municipiorum tamen triplex fuit conditio auctore Festo *V. Municipium: Primo* (verba sunt Ez. Spanheimii *Orb. Rom. I. 15.* qui Festi locum perbelle exposuit) *Municipium id genus hominum dictum, qui quum Romam venissent, neque cives Romani essent, participes tamen fuerunt omnium rerum ad munus fungendum una cum Romanis civibus, præterquam de suffragio ferendo, aut Magistratu capiendo.* Videntur autem hi peregrini habiti in Patria, *cives,*

ves, ubi Romæ essent. Secundo Municipales id genus homines dicti, quorum civitas universa in civitatem Romanam venit. Atque hi et suffragii Jure gauderant, et tamquam cives certæ Tribui adscribebantur, quemadmodum Pisanos Tribui Galerix adscriptos fuisse docet Cl. Noris in *Cerograph. Pisan. Diff. I. 1.* Tertium Municipum genus eos comprehendit, qui ea conditione cives Romani fuissent, ut semper Remp. a Pop. Rom. separatam haberent. Et hi quidem Jure suffragii caruerunt, nec certæ Tribui adscripti, sed sua illis sacra fuisse, ac leges. Adis Heineccium in *Appendice ad Lib. I. Antiquit. Rom.* doctissime hac de re dissertantem.

§. V. Atque hæc fuere diversæ illæ conditiones, quas subivere Italiæ, ac præsertim Regni Neapolitani Regionibus. At Neapolis nostra numquam pro fide sua erga Romanos miseram illam Præfecturarum conditionem tulit. Et primum quidem urbem foederatam fuisse perbelle ostendit illustris Livii locus *Hist. Rom. XXXV, 14.* qui sic habet: *Specioso Titulo* (verba sunt Minionis bellum pro An-

tioco fufcipere diffuadentis) uti vos ,
Romani , Græcarum Civitatum liberan-
darum video . Sed facta veftra orationi
non conveniunt , et aliud Antioco Juris
ftatuiſtis , alio ipſi utimini ! Qui enim
magis Smyrnei , Lampsacenique Græci
sunt , quam Neapolitani , et Rhegini ,
et Tarentini , à quibus ſtipendium , à
quibus nares ex fadere exigitis ? Hic lo-
 cus Livii omnino dat , Neapolitanos
 Reip. fæderatæ forma gavifos , ubi pri-
 mum eiſdem amicitia cum Romanis
 coaluerit . An vero iam tum ab Anno
 V. C. DCLXIII. cum lege Julia civi-
 tas eſt Sociis , et Latinis data , hoc
 ipſum Neapolitanis , ut pote fociis ,
 et benemeritis contigerit , non eſt , cûr
 dubites . At videtur obſtare M. Tullius
 in illa pro Corn. Balbo , ubi dubios
 fuiſſe Heracliennes , et Neapolitanos re-
 fert , an ſcilicet *ΑΥΤΟΝΟΜΙΑΝ* Civitati , qua So-
 ciæ , ac benemeritæ gentes a Lege Ju-
 lia erant donatæ , præferre deberent his
 verbis : *In quo magna contentio Hera-*
clienſium , et Neapolitanorum fuit , cum
magna pars in iis Civitatibus Juris ſui
Libertatem civitati anteferrent . Verum
 equi-

equidem teneo prævaluisse eorum sententiam, qui Civitatem admittendam esse censuerunt. Id omnino suadet Strabo prope ab initio *Lib. VI. his verbis: At nunc Tarento, Rhegio, et Neapoli exceptis omnia in barbariem sunt redacta, aliaque à Lucanis, et Brutiis, alia a Campanis obtinentur; tametsi ab his quidem verbo, re autem vera à Romanis; nam et ipsi (Lucani, Brutii, atque Campani) Romani sunt.* Ex quibus verbis, si, prout decet, accipiantur, præclare colligitur, a legis Juliæ, atque Plotiæ temporibus, a quibus Civitate Romana Socii, & Latini donati; Neapolim Civitatem Romanam admisisse, sibi que tale decus peperisse. Ne credas tamen eam tanti fuisse, ut *αὐτονομίαν* suam Neapolis amiserit; Etenim eo tempore novo forsan exemplo Neapolitanis concessum, ac nonnullis Græcanicis Municipiis (cujusmodi fuere aliquot in M. Græcia) Civitatem Romanam cum Græcanicis institutis copulare. Atque hinc vides, cur ibidem Strabo Tarentinos, Rheginenses, & Neapolitanos adhuc Græcitatem retinere scribat,

bat , quod Romanam Civitatem cum sua Greca ΠΟΛΙΤΕΙΑ recte composuerint , Contra barbariem induisse ad rem dolet Gracismo reiecto Lucanos , Bruttios , atque Campanos , quibus negatum eo beneficio frui . Adde-sis Varronem in iv. *de L. L. Fratria* , inquit , *est Græcum vocabulum partis hominum , ut Neapoli etiam nunc* . Heic Varro demonstrat , Neapolitanos , licet Civitatem Romanam essent nacti , tamen Græcorum instituta atque Græca vocabula diu retinuisse , ac præ ceteris Græcum Fratriæ nomen , Quare licet iam ipsi Romani Cives essent , nihilominus pro ea libertate , qua frui Græcanicis Municipiis licitum fuit , Græca sibi nomina malent , quam Romana imponere .

§. VI. An tandem ad Romanam ΠΟΛΙΤΕΙΑV se Neapolitani composuerint , ubi jura Colonix sibi habuerunt , explicandum iam est . Quod mehercule historicorum nostrorum mentes turbavit , Et Fabius quidem Iordanus Antiquitatum Neapolitanarum studiosissimus , quem laudat Cl. Petrus Lasena in *Gymnasio Neapolitano cap. iv.* haud negat , Neapolim

lim coloniam fuisse, cum id plane ex sexcentis marmoribus eruatur, sibi tamen persuadet Græcæ Reip. Fœderatæ, suæque *αὐτονομίας* dignitatem nequaquam immutasse. Quod equidem nescio, quomodo constare queat; quandoquidem Coloniarum proprium fuit, mores, Instituta, ac Magistratus Urbis Romæ habere, *in cuius Jura, et leges transire* dicebantur. Contra Cæsar Capacius *Hist. Neap.* i. 18. ex quadam bilingui Inscriptione (*) Tito Vespasiano posita

G 3 fic

(*) Bilinguis Inscriptio inter Gymnasii ruinas, uti ferunt, effossa, quam Capacius protulit, hodiernum exstat in dimidiato marmore (tale enim ad nos pervenit) Monasterii Adnuntiarum, qua meridiem spectat, parieti affixo e regione Ædis S. Mariæ Ægyptiacæ. Eam Petrus Summontius lib. 1. cap. 2. primum, tum Cæsar Capacius non omni, qua opuserat, diligentia produxerunt. His deinde accesserunt Petrus Lafena in *Gymnasio Neapolitano* pag. 69. et Ludovicus Ant. Muratorius *Thes.* Tom. 2. qui sibi non omnem gloriam compararunt ex eo, quod marmor mendosum quoq. prodiderunt. Postremo Symbolam suam contulit, Alexius Symmachus Mazochius Campaniæ nostræ decus, atque ornamentum, qui in *De Neapolitana Colonia* mancum marmor qua Græcis, qua

fic colligit : *ex Græcis characteribus Romanam dijudica coloniam* . Atqui Capacio refragatur Petrus Lasena cap. IV. qui titulum contrarium ostendere ex eo ait , quod Græco characterē sit inscriptus ; nam ea Inscriptione tunc Colonos Neapolitanos probari potuisse vult , cum latine tantum fuisset exarata . Sed nihil valet hæc Petri Lasenæ ratio , qua Neapolitanorum Græcitatem contendere videtur , cum concidat omnino , si opponatur Lasenæ , Inscriptionem illam debuisse Græce tantum exarari , si revera tunc Resp. Neapolitana Græca fuisset . Age igitur , tricas heic ferere opportunum non est , ne ab Instituto longius discedere opus sit , jam Neapolim Coloniam fuisse aperte aio .

§. VII. Et sane Neapolitanam Coloniam fat nonnulli cippi commonstrant apud Goltzium , Gruterum , Reinesium , aliosque . Sic Goltzius cippum recitat in hunc modum

S.P.

qua latinis litteris integrum nobis reddidit . Ut omnino sanitati suæ marmor restituisse videatur . Id quod cuivis facile erit definire , si eundem adibit .

S. P. Q. Neapolitanus

L. Bæbio L. F. Gal. Cominio

Patrono Colonie

Alia Coloniae Neap. mentio occurrit apud
Gruterum pag. 110. quam ex Panvi-
nio attulit

Genio

Coloniae Neap.

Huc quoque spectat Inscriptio illa, quæ
apud Reinesium Classe VI. n. 10. et
apud Capacium legitur

M. Aurelio Pelagio

Patrono Coloniae Neapol.

Pientissimo

Mitto alias, quæ passim apud Antiqua-
rum Inscriptionum collectores obviæ sunt.
Satis mihi est, opportuniore Titulos
heic recitasse, quibus Colonia Neap.
pro explorato prorsus haberetur.

§. VIII. Quod autem attinet ad Epo-
cham Neapolitanæ Coloniae in diversa
abeunt eruditi Scriptores. Sunt qui sub Ti-
to Imp. aut paulo ante Titum Neapolim
inter colonias fuisse numeratam aiunt. Ac
me non latet, eosdem tale argumen-
tum petere ex Inscriptione bilingui,
cujus paulo supra mentionem inieci,

quod sc. latīna lingua sit perscripta .
Atqui leve velim habeas ejusmodi argu-
mentum , quod verisimile mihi fit , epi-
gramma illud , quod olim inter Gym-
nasii ruinas effossum , utroque sermone
perscriptum , ut consuleretur commodo
advenarum Neapolim confluentium , qui-
bus utraque lingua communis erat. Imo
ob hanc causam Neapolitanis utrum-
que sermonem Græcum , ac Latinum
antea in usu fuisse non pauci probari
putant ex verbis hisce Strabonis : *Post*
Dicæarchiam (Lib. V. prope finem) est
Neapolis : mox ubi de Græca hujus ur-
bis origine docuisset paucis interiectis
ait : *aliquanto post obortis dissidiis cam-*
panos quosdam in urbem Civium loco
(Neapolitani) receperunt , coactique sunt
antea inimicissimos loco familiarissimorum
habere , cum suos a se abalienassent .
Argumento rei sunt Nomina Magistra-
rum principio Græca , posterioribus tem-
poribus campanica Græcis permixta . Quam
mire Græci ac latini sermonis usum
apud veteres Neapolitanos adstruat Stra-
bo heic , etiamsi epigrammatis ætatem
non viderit , quisquis intelligit . Sed
male

male nolim habeas eos, qui aliter rem explicant, motos potissimum ex eo, quod Neapolitanorum peculiare non fuerit utrumque sermonem adhibere, ne intricas exteros homines coniicerent Græci sermonis imperitos, bene vero ceterarum Græcarum Gentium, quæ ubi in coloniarum dignitatem provectæ non solum Græco latinas Inscriptiones facere, sed etiam nummos bilingues signare consueverunt. Quem morem Poetas ipsos rituum Græco Romanorum fortasse studiosos adoptasse liquet præ ceteris ex binis illis versibus Aufonii Epist. XII. ad Paulum, qui tales sunt

Ελλαδιχὴ μετεχουσιν οὐσις Latineque
Camenæ

Ἄξιον Ἀυσονίος sermone alludo bilingui

Sin autem levia isthæc videntur, grave illud existimari debere puto, quod docet Mazochius noster Immortalis memoriæ vir in *Diatriba de Colonia Neapolitana*, qui ad Epocham Neap. Coloniz figendam utitur eadem elogio Tito restauratori Gymnasii posito, atque ex eodem scite deducit, non sub alio quam
sub

sub Domitiano Principe Neapolim Romanæ coloniae dignitatem fuisse consecutam. Ac primum a Titi temporibus Coloniae Neap. epocham abalienat. Quæ vero, ut ita sentiret, eundem moverunt, accipe: *sub Tito certe, verba sunt ejusdem Mazochii, colonia (Neapolis) non erat; Nam si fuisset, numquam sub ultimo, aut penultimo ejus anno Romanorum colonia Principi illi inscriptionem Græco sermone (et quidem Græco tantum) posuisset: nam latina Interpretatio marmoris . . . posterior accessit. Nec porro si Neapolis sub Tito Colonia fuisset, ei *γυμνασιαρχίας*, et ceteras *Palestricas* dignitates, sed potius duoviratum (alicubi ab Hadriano gestum) detulisset. Sub Tito igitur Colonia non erat.* Exinde V. Cl. Coloniam Romanam sub Domitiano Neapolim evasisse ait. Id quod deducit I. ex Bæbii Cominii Patronatu Coloniae Neap. quem primum Patronum vult, et sub Flaviis Principibus maxime floruisse sibi videri ait. II. ex eo maxime (sic porro idem habet,) quod sub Domitiano demum Græco elogio adiecta translatio latina fuerit. Quid enim attrinebat olim

scal-

sculptum epigramma latine reddere, nisi quia gravitati Romanæ visum fuisset indecorum, si in Romana Colonia marmor exstaret uni ex Flaviis Principibus positum, idque Græco sermone tantum conceptum? Itaque cum interpretatio marmoris sub Domitiano sculpti, tum Patronatus a Comitio gestus Cl. Mazochio argumento sunt, Neapolim sub Domitiano potissimum ex foederata Rep. Romanam coloniam evasisse. His equidem nonnulla de mea penu adderem, nisi hæc Tyronibus tantum commendarem, quorum gratia brevitati studendum est. Sed non deerit occasio plura hac de re disputandi.

§. IX. Sed quamdiu Neapolis Romanæ coloniae Nomenclaturam servaverit, quis certo affirmare poterit? Quod sub Antonino Caracalla Orbem universum Romanum Civitate Romana donatum apud Scriptores rerum Romanarum legitur, & præsertim in Itinerario Rutilii Numantiani I. 63. his verbis eadem Caracallæ inscriptis

Fecisti Patriam diversis gentibus
unam,

Pro-

Profuit injustis te Dominante capi ;
 Dumque offers victis proprii con-
 sortia Juris

Urbem fecisti , qui prius orbis e-
 rat ;

non desunt , qui contendunt post Cara-
 callam inter Colonias , Municipia , ce-
 terasque civitates , quæ sub ditione Im-
 peratorum Romanorum erant , nullum
 discrimen interfuisse . Verum hi fidem
 nullam mereri , quotquot sunt , mihi
 videntur , quod constet , Neapolim
 eam Nomenclaturam , quam perhono-
 rificam rata , adhuc IV. Christi sæ-
 culo retinuisse ; Tametsi sub Caracalla
 cum toto orbe jus Civitatis Roma-
 næ communicatum . Ut autem id pro-
 bem , ne multus sim , Epigramma unum
 recitabo , quod apud Gruterum CCGG-
 XXX. 6. tale est :

Licini

Alfio Licinio

V. P. Patrono Co

loniæ ex Comi

tibus.

Regio Thermensium vere Patrono
 In hoc marmore licet , ut vides , nulla
 fiat

fiat mentio Neapolitanorum, sed Regio Thermensium, tamen idem juvat omnino ad rem illustrandam, cum sub Tutela Liciniorum Neapolitanos fuisse, quorum eo loci Patronus Colon. dicitur Alfius Licinius, ex antiquis monumentis luculenter eruatur. Adis Alex. ab Alex. *Dierum Gen. V. 24.* & Capacium *Antiquit. Neap. cap. VIII.* Igitur cum tale marmor IV. sæculo sculptum, ad quartum sæculum nomenclatura Coloniae Neapolitanæ producenda est. Et certe quisquis procul dubio deducet, modo adeo hospes non sit in Antiquitatum studio, ex nota illa *V. P. h. e Vir perfectissimus*, atque ex Titulo illo *ex Comitibus* ejusmodi Epigramma IV. sæculo adscribendum. Atqui equidem voluissem ad manus habere marmor aliquod, quod Neapolitanorum nomen prætulisset, quod hætenus oculis subijcere non datum, ut res nemini dubia esset; quamvis haud negaverim, modo mecum ita quis sentiat, id mali ex marmorariorum ignavia, atque avaritiâ fortasse profectum, qui lucro potissimum capti, uti sexcenta nostrarum rerum antiquissima monumenta, ita ejusmodi mar-

marmor, quod certe aliquando reperi-
tum reor, excindere, atque exseca-
re sibi duxerunt.

§. X. Per hosce diversos suæ Πολιτείας
status urbs nostra decurrit ferme ad IV.
sæculum usque. Sed Constantini ætate
translata jam Imperii Romani sede ex
Occidente in Orientem Ducum regimi-
ni Remp. Neap. subiectam rerum nostra-
rum historicis quibusdam docere pla-
cuit. Adeatur Joannes Villanus in
Chronico, et Julius Cæsar Capacius *Antiquit. Neap. cap. XIII.* Non satis tamen
probatum video, num Neapolitani Du-
ces tantum a CPolitanis Principibus
confirmari cæperint, postquam ab iis-
dem instituti ad Remp. Neapolitanam
administrandam, an vero etiam sibi
tribuerint iidem Principes Duces nostros
eligere. Mihi quidem probandum vide-
tur, quod Villanus, & Capacius scrip-
serunt, qui ad Neapolitanos Ducum
suorum electionem pertinuisse volunt,
quandoquidem verissimum habeatur il-
lud, a Byzantinis Principibus clientelæ
laxioribus habenis Remp. Neap. reten-
tam. Hinc facile movearis velim ab iis,
qui

qui probare conantur post hæc tempora Neapolitanæ ΠΟΛΙΤΕΙΑΣ formam fuisse ex Aristocratia , & Democratia temperatam . Porro aliam ne putes fuisse Reip. Neap. formam , ubi cœpit Italia Gothorum Imperio subesse . Nam retinuit Neapolis nostra beneficio Gothorum , et maxime Theodorici veterem Regiminis formam , nempe Curiam , seu Senatum , ubi de Annona , de Viis , ceterisque rebus ad publicum regimen pertinentibus cives decernerent . Sed pulsus ab Justiniano Gothis stetit vetus Politia . Et quamquam ceteræ civitates , quæ hodie Regnum Neap. constituunt , sub Langobardis formam deinde mutarunt , tamen Neapolis nostra peculiarem sui regiminis formam non mutavit ad Rogerium Nortmandum usque , cujus beneficio eandem libertatem Neapolitani retinuerunt . Exstat tamen apud Capacium l.c. prope finem Privilegium quoddam (cujus fides criticis viris adhuc dubia non fuit) quo evidenter apparet , eandem Reip. & Libertatis speciem Neapolim ostentasse ad annum MCXC. Etenim eo Privilegio aperte

osten-

ostenditur, Aliernum ceu Ducem, & Consules complures tamquam Optimates, qui rerum summam administrabant, Jus Civitatis Neap. Amalphitanis concessisse. Ex quo pari libertate ad hæc usque tempora Neapolitanos usos quisquis intelligit. Ergo quas vices passa est Neapolis nostra ad Rogerium usque, me breviter jam vides ostendisse, Nunc animum advertere opus est ad leges, quas Neapolitani per hæc tempora adhibuere. Id nunc paucis dabo; quamvis res præclare expediri nequit antiquorum Juris Neap. Codicum penuria. Atqui priusquam rem hanc aggrediar, ne in errorem ullum incidas, illud unum advertas volo, ex dictis nequaquam colligi me velle Neap. Remp. prorsus sui Juris fuisse, postquam pristinam illam libertatem, quam sub initium nacta, amisit. Sane longe abesse a vero puta eos, qui Alexandri Abbatis Thelesini auctoritatem secuti sibi persuaferunt, Neapolim ad Rogerium usque liberam Civitatem fuisse. Inde usque ab eo tempore, quo esse foederata Romanis coepit, inesse coepit in illo Foedere societatis quasi quædam nota servitutis. Facit illud

lud Sulpitii apud Livium XXII. *Ab Rheginis, et Neapolitanis, et Tarentinis, ex quo in nostram venire POTESTATEM, quæ ex fœdere debent, exigimus.* Igitur si quæ Libertas Neapoli asserta, ex beneficio Romanorum, ac sequiorum Principum repetenda omnino est.

§. XI. Et leges quidem Neapolitanorum primum Græcas fuisse, ac fortasse ab Atheniensibus petitas vetus ipsa Reip. Neap. forma luculentissime demonstrat. Profecto Archontium, et Demarchorum Neapolitanorum mentio non rara est in antiquis Titulis. Nec desunt vetera alia monumenta, quæ Atheniensium Instituta Neapoli obtinuisse aperte testantur. Quæ duo, cum certa sint, satis probant, sub initium Neapolitanos ab Atheniensibus deprompsisse, quæ necessaria erant ad Remp. Neap. instituendam, ac servandam. Quare promeritos recte laudem puta eos, qui hisce argumentis ducti originē Athenienses fuisse Neap. docuerunt. Eandem quoq. fuisse Reip. Neap. formam, easdemque leges Neap. servasse, ubi Fœderatarum civitatum numero Neapolis haberi cœpit, illud est argumento, quod de Fœderatis Civitatibus dictum

H

est.

est. Immo nihil etiam immutatum, postquam Neapolis Colonia adscripta ex eo mihi persuadeo, quod nulli novi Coloni Neapolim deducti. Quod non mireris, quandoquidem certo scimus, ultimis saltem Reip. Rom. temporibus haud insolitum fuisse civitates, & maxime eas, quæ fidem integram Romanis servassent, Colonia adscribere nullis sive veteranorum, sive Civium Romanorum in eas deductionibus ritu consueto factis. Tale Institutum Pompeium secutum, cum Transpadanas Colonias conderet, tradit Asconius ad Orat. in Pisonem his verbis: *non novis colonis eas constituit, sed veteribus incolis manentibus ius dedit Latii, ut possent habere ius, quod ceteræ latinæ Coloniae, id est, ut perendi Magistratus gratia civitatem Romanam adipiscerentur.* Atque hic manus do equidem iis, qui non ius Latii tantum, sed plenæ civitatis Romanæ decus Neapoli indultum putant, manentibus interim Græcanicis institutis. Sed quamdiu Græcorum Instituta Neapoli perstiterunt, atque vetus *II. A. I. E. I. A.* perduravit, haud facile di-

xerim . Quamvis nonnullæ græcæ inscriptiones probare illud videantur, adhuc secundo Æræ Christianæ sæculo Græcæ Reip. formam Neap. conservasse . Talis præ ceteris fuit illa, quæ a quodam Tiberii Aug. liberto in vestibulo Templi Castorum posita fuerat, quam quis intueri poterit, ubi commodum erit . Hujusmodi quoque illa est, quæ ad S. Mariæ Ægyptiacæ parieti affixa cernitur . At quæ quæ in medium proferri possunt de Græcanicorum Institutorum apud Neapolitanos usu, certe tanti non sunt, ut Græca Instituta minime defecisse probent . Qui vero factum, ut paulatim Neapolitani ab antiqua Reip. forma, atque Græcanicis moribus deflexerint, haud difficile est æstimatu . Etenim plura ad hanc rem exstant argumenta, quorum potiora heic, ne me quis in re tanta oscitantæ culpet, breviter recensere non gravabor .

§. XII. I. Peto ex Incolarum Romanorum frequentia . Eccui ignotum, adeo Romanos Neapolitanis deliciis captos, ut frequentes heic sibi villas ædificarent ? Id quod jam ipsis liberæ Reip.

temporibus fieri cœpit; quamvis haud negaverim sub Imperatoribus Romanis, longe frequentiores ad nos venisse Romanorum Optimates, ut scilicet tum amœnitate loci hujus fruerentur, tum Principibus adblandirentur, qui maximam anni partem heic morabantur, ut sibi, suisque rebus privatis hilari animo consulerent. Hac de causa primum fieri potuit, ut mores Græci paulatim dilaberentur, atque ad Romanorum mores deflecterent, II. dat ipse Latiaris sermo, qui passim usurpari a Neapolitanis cœpit. Idque vel facili negotio deduci potest ex Inscriptionibus, atque ejus ætatis Scriptoribus. Sane novæ quotidie Inscriptiones effodiuntur haud alia quam latina Lingua ferme omnes conceptæ. Immo Scriptoribus ipsis latiarum sermonem adhibere opportunum admodum visum. Inter quos præ ceteris recensendus Statius Papinius Domo Neapolitanus, qui sub Domitiano Imp. vixit; Is enim Latino sermone sua Poëmata edidit, III. momentum facit, quod habet Philostratus Lemnius sæculi III. Scriptor, quippe qui in *Imaginum Proœmio*

mio docet , circa initia III. sæculi Neapolitanos Lingua , & Institutis Romanos fuisse , quandoquidem narrat convenire ea ætate solitos Neapolitanos adolescentes *origine Græcos* in porticu quodam posito in Neapolitano suburbio ad mare sito , ut Græcis ludis tum grammaticis, tum declamatoriis vacarent, cum ceteroqui Romani essent . Et certe si Philostratus eo loci perlegatur , decerneret quisquis, non tantum Latine locutos tunc temporis Neapolitanos , verum et latinis moribus maxime indulgisse , ac vix tantum in suis Academiis Græcissime, ne penitus exciderent majorum mores, atque Græcus sermo omnino exfolesceret . Quamobrem optime sese gessisse intelligimus S. Ambrosium Græci Idiomatis callentissimum , qui latinam epistolam IV. exeunte sæculo ad S. Severum Episc. Neap. scripsit nulla ibidem Hellenismi Neap. facta mentione . Huic adde-sis Gregorium M. Cassiodorum , ceterosque posterioris ætatis Scriptores , qui nullum Græcitatæ Neapolitanæ vestigium nobis significarunt . Verum nolim credas, heic me in re tanta arbi-

trari omnino velle nullo interjecto rerum discrimine. Teneo equidem, quod nonnullos scripsisse scio, imam multitudinem Neapoli Græcum sermonem fortasse custodivisse, atque majorum institutis inhæsisse pro eo, ac posset. Id enim persuadent lapides illi privata auctoritate inscripti, qui ad nos pervenerunt græcis Litteris exarati, Græcanica studia, et Græcæ Linguae exercitamenta ad III. usque sæculum Neapoli exulta, frequentia Græcorum advenarum, Græcæ nonnullæ familiæ, ac maxime Basiliani Græci Monachi. His de causis fieri potuisse putem oportet, Græcos mores, ac sermonem Græcum minime exsolevisse, quamvis jamdiu Neapolitani latinos mores, ac linguam adsciverint, ac præcipue leges Romanas maxime probarint.

§. XII. Rem ita stetisse tene etiam, ubi a Ducibus Neapolis regi cæpit sub CPolitanæ Aulæ tutela, sc. post Imperii sedem mutatam. Tametsi Græca alia Byzantinorum instituta Neapolim illata ex nova Græcorum frequentia huc Constantinopoli ventitantium. At Latinos ne mores, ac leges retinuit, an vero alia
jura

jura recipere coacta, ubi Gothis cessit Anno CCCCLXXVI. ? Et exploratum quidem habe, Gothorum beneficio, et præsertim Theodorici Neapolitanos pristinos mores retinuisse, ac veterem Reip. formam, latinaque Magistratuum suorum nomina, quæ inde usque ab Hadriano, qui Campaniæ Consularem præposuit, usurpari cæpisse volunt. Adis Grotium in *Prolegom. ad Hist. Gothorum*, et Petrum Jannonium *Hist. Civil. Neapol. III. 2.* Ac demum pulsus ab Justiniano Gothis nihil porro immutatum, idemque jus retentum Neapoli, quemadmodum eadem Πολιτεία perduravit, uti paulo supra dictum est. Quinimmo eadem instituta post Rogerium quoque viguisse, eademque forma res publicas Neapoli gestas luculenter testantur, quæ supra laudavi, monumenta.

§. XIV. Igitur quæ leges apud Neapolitanos obtinuerunt ad Rogerium usque Nortmandum, ferme divinando me hætenus prosecutum vides. Id quod primo hoc capite erat pro instituto explicandum. Nunc ad caput alterum venio, quo completi opus est, quæ ad historiam Legum

Neapolitanarum pertinent, quibus uti cæperunt Neapolitani, postquam Neapolis Regni huius Princeps evasit.

C A P V T II.

De Legibus, quæ in usu fuerunt in Regno Neap. post Nortmandorum Tempora.

§. XV. **R**egnum Neapolitanum, cuius caput esse Neapolis cæpit, à Rogerio descendit; Nam ante Rogerium in diversas regiones tributum, quæ aut à Populis accolis nomen sumserunt, aut accolis dedere nomen. Præstat igitur, ut recte sermo procedat de Legibus, quæ postmodum valuerunt, sub initium heic veterem regionum istarum ΠΟΛΙΤΕΙΑΝ enarrare. Et primum quidem civitatum cujusque regionis ea fuit forma, quam eis conditores dederunt. Hinc cum plurimæ huius Regni Civitates originem a Græcis hauserint, ac præsertim eæ, quæ ad mare sitæ, haud inverisimile fit, easdem primum ad Græcarum Rerumpublicarum formam

mam se composuisse. Atqui ubi Roma-
 ni sibi addicere vel belli, vel potentia
 causa urbes per Italiam diffitas cape-
 runt, eas regiones nostræ exceperunt
 conditiones, quæ iisdem a Romanis
 tributæ. Quare aliæ Municipia, aliæ
 Foederatæ Civitates, aliæ Coloniae, aliæ
 Præfecturæ fuerunt. Harum conditio
 non eadem fuit. Nam Municipiorum,
 Foederatarum Civitatum, et Coloniarum
 conditiones dedere populis vel propria
 Jura servare, vel Civitatis Romanæ
 Leges adsciscere ac retinere, secus ta-
 men illa Præfecturarum, cum durissimo
 servitutis jugo subiicerentur populi, qui
 Præfecturarum conditionem pati cogeban-
 tur. Vide, quæ præcedenti capite hæc
 de re contuli. Atque ita earum regi-
 men stetit ad Hadrianum usque. Sub
 Hadriano primum omnes illæ regiones
 in quatuor Provincias abierunt, quarum
 I. Campania. II. Apulia, et Calabria.
 III. Lucania. IV. Samnium. Campaniam
 Consulares, Apuliam, et Calabriam,
 Lucaniam, et Bruttios Correctores, Sam-
 nium Præsides rexerunt. Eadem parti-
 tio, eademque regiminis forma fuit
 usque

usque ad Justinum II. Sub Gothis enim nihil immutatum, quippe qui veterem Provinciarum partitionem, eosdemque Magistratus retinuerunt. Immo nec a Justiniano ab antiqua regiminis forma variatum, qui porro Gothos ex Italia operastrenuorum Ducum expulit. At Justinus Uxorius Imperator, qui Justiniano successit, Sophiæ uxoris consilio Italiam Longino regendam cum summo Imperio dedit Anno Æræ Chr. DLXVIII. Longinus autem Ravennæ Exarchum constituit, qui Italiam pro Orientali Imperatore administraret. Quod vero veteres Magistratus sustulit, ac civitatibus illustrioribus Duces præposuit, ortum sumere tot in Provinciis nostris Ducatus, sive sub Græcis Neapolitanus, Surrentinus, Amalphitanus, Gaietanus, Barensis, sive sub Longobardis, ut Beneventanus. Consule omnino Carolum Sigonium *de Regno Italiæ I. II.* Marquardum Freherum *in Chronolog. Exarch. Ravenn.* apud Leunclavium, et Petrum Janssonium III. 5.

§. XVI. Sed nova Reip. gerendæ ratio instituta est facta ab Alboino Lango-
bar-

bardorum Rege in Italiam impetu, qui Narsetis consilio in Italiam venit, ut tum Narseti placeret, qui Sophiæ causa (quippe quæ tantum Ducem qua minis, qua injuriis minus juste affecerat) ereptam Italiam Imperio Romano mallebat, tum suis, qui mire Italiæ regionibus possidendis jam antea erant capti, cum sc. Justiniano auxilio fuerint ejusdem Narsetis opera ad Gothos ex Italia depellendos. Et sane Samnio primum, tum aliis hujus Regni Provinciis ab Alboino, ceterisque Langobardorum Regibus, qui eundem in Italiæ Regno secuti, ferro subactis Neapoli excepta atque Amalphi, et Gaieta, & quibusdam aliis Calabriæ, et Brutiorum maritimis urbibus, quæ fidem Græcis Imperatoribus sanctam tectam servarunt, publicum earum regimen in hunc modum haberi cœpit. Regia primum Sedes Ticini instituta. Porro civitatibus Præpositi fuere Duces. Atque hinc præcipui illi tres Ducatus originem traxerunt, nempe Forojulensis sub ingressum in Italia, in media Italia Spoletanus, in inferiori parte Beneventanus. Quod ve-

ro Langobardorum virtute paulatim prolati Langobardici Imperii fines, in inferiori Italiae parte partiri e re visum fuit Ducatum Beneventanum in minores Provincias, quæ Comitatus, & Castaldia dictæ, quod eis aut Comites, aut Castaldi præessent. Qua de re plura vide apud Auctorem *Hist. Civil. Neap. lib. IV. et V.*

§. XVII. Sed quoniam Langobardis non omnes nostri Regni regiones cesserunt, atque eis minime datum uni Principi tantum subesse, tractu temporis hæc duo Langobardico Imperio fatale exitium attulerunt. Etenim primum inter sese contendere cœperunt Langobardi Principes, vel ut fines sui Principatus adversus hostes custodirent, vel ut latius pro arbitrio fortasse eosdem proferrent (quo vires Langobardorum maxime deficere cœperunt) tum Imperatoribus Græcis obstare debuerunt, qui Langobardicos Principatus in suam ditionem vi atque armis revocare conabantur, quos sibi injusto bello, ac per vim ereptos aiebant. Accedebant his malis continuæ Saracenorum excursiones, quibus ita sese comparare debebant, quasi esset continuo cum hoste insensissimo dimi-

dimicandum. Hoc tam gravi rerum discrimine Nortmandico Imperio initium factum est. Et sub initium quidem paucorum Nortmandorum opera hæc fuit, opem ferre Guaimaro Principi Salernitano adversus Saracenos, qui Salernum funditus debellare pro Piratarum ingenio minabantur, nisi a Guaimaro ingens pecuniæ quantitas sibi redderetur. Qua in re præstiterunt illi adeo, ut eosdem profligarint, immo & post multorum suorum necem naves ascendere, atque in Siciliam, unde erant profecti, præsto redire coegerint. Id Guaimarus plenissime commendavit. Nam primum strenuos hosce viros rogavit, ne Salerno discederent. At quoniam redire eos omnino velle in Patriam novit, ex qua non belli causa profecti erant, sed ut pro more peregrinarentur ad invisenda celebriora Christianorum templa, permisit tandem a Principatu suo eosdem abire hoc pacto, ut de gente sua sibi pares alios virtute bellica, ac fide ad se mitterent. Atque hos fidem suam liberasse, statim ac in Patriam suam pervenerunt, patet ex hoc, quod non multo post ex Nort-

man-

mandia non pauci ad regiones nostras venerint, qui licet sub initium arma pro Principibus Italis inter se dissidentibus ceperunt, tamen vel amore dominandi capti, vel ut nonnulli malunt, quod male a Langobardis Principibus habiti, impetum facere armis, ac ferro in omnes cœperunt, ut sibi tantum Regnum pararent. En initia Nortmandici Imperii, quod Nortmandorum strenuitate ita processit, ut demum Rogerio, qui Sicilia Comes dicebatur, facile fuerit, omnes nostras Provincias, quæ antea in varios Principatus, ac Dynastias divisæ, occupare, easque in formam Regni redigere. Quæ forma stat adhuc.

§. XVIII. His de diversastrarum regionum Politia delibatis, antequam in Regni formam redigerentur, nunc haud difficile est de diversis earum Legibus disputare. Et quidem tene primum Græcæ urbes ad Græcam Πολιτείαν se temperasse. Ubi tamen variæ illæ regionum nostrarum conditiones pro Romanorum jure invalere, habe, Municipia, et civitates Foederatas suis vixisse legibus, Colonias communi Romanorum Jure, Præfe-

fecturas legibus a Romano Pop. impositis. Verum cum græcis urbibus, inter quas procul dubio Neapolis nostra primas agebat, Græcanicis institutis frui datum fuerit ex Romanorum beneficio, inde deducere est non legibus tantum Romanis vixisse, sed Romanas leges fortasse ob earundem præstantiam suis moribus easdem attemperasse. Quare mirum non erit cuivis, quod refert Philostratus in *Vita Apollonii VII.* 17. de Arca Adolescente Romam sub Domitiano a Patre misso, ut Jus Romanum disceret. Ceterum mutata per Hadrianum externa regiminis forma idem jus stetit usque ad Langobardos; Gothi enim jus Romanum nequaquam improbarunt. Et quamvis Langobardi victis populis dederunt, siue Romanis, siue Langobardicis legibus vivere, tamen tum legum Langobardorum numero, quas primus Rotarius septimus Langobardorum Rex scriptas dedit Anno DCXLIV. habito de more Principum Langobardorum Ticini Principum Virorum Consilio, tum Feudorum multitudine, quæ tunc temporis in hoc Regno mire creverunt, fieri non po-

poterat, quin Langobardicæ leges a singulis adhiberentur. Sane Ecclesiastici sibi tantum Legum Romanarum usum retinuerunt, cum contra Feudatarii Langobardorum leges adhibere debuerint. Quorum exempla alii nobiles viri, ac plebei secuti, illi nobilitatis suæ ostendendæ gratiâ, ut sc. se pares in privatarum rerum, ac publicarum jure servando feudatariis ostenderent, hi ex proprio plebeiorum ingenio, qui majorum leges plerumque deponunt, quod novarum rerum studio mirum in modum capi solent. Cave tamen hæc credas per hæc tempora, Neapolitanum Ducatum, aliasque Calabria, et Bruttiorum maritimas civitates Jus Langobardorum attigisse, quandoquidem hæc sub Imperio Græcorum erant. Sub Nortmandis primum Langobardicæ leges in omnibus Regni Neap. Provinciis receptæ sunt. Constat enim, Nortmandos concessisse victis leges, quas vellent, retinere siue Romanas(*) siue Langobardas, immo et palam professos, se easdem leges adhibituros. Atque hæc fuere leges, quæ in Regni nostri regionibus valuerunt ad

Ro-

Rogerium usque e Cl. Nortmandorum genere, quas variasse pro vario singulorum Principum dominatu, nec semper communes cum Neapolitanis fuisse iam habes. Nunc restat, ut noscas, quodnam jus adhiberi cæperit Neapoli, atque in Provinciis omnibus Regni Neap. postquam in unius Principis potestatem Rogerii Nortmandi virtute concesserunt.

(*) LANGOBARDUM NE, AN ROMANUM
JUS SUB NORTMANDIS COM-
MUNE FUERIT, BREVITER
EXPONITUR.

I. Quod paulo supra protuli de legum Romanarum usu in hoc Regno sub Nortmandis, id haud ignoro, nonnullis bilem ciere. Non desunt enim, qui malunt, sub Nortmandis potissimam fuisse vim Legum Langobardarum, easque Juris communis loco in Regno Neap. fuisse usque ad Friderici II. tempora, quibus jus Romanum Neap. explicari cæpisse ajunt, postquam scilicet Bononiæ jam cæperat doceri inventis haud diu Amalphi Juris Justiniani libris. Hinc leges Romanas sub Nortmandis a paucis veluti consuetudines potius servatas, quam veluti scriptas leges habitas protinus affirmant. Atqui nihil a vero ma-
I
gis

§. XIX. Et quidem sub Rogerio primum factum est, ut Regni Neapolita-

ni
gis alienum effingi posse mihi videtur. Ac miror in hanc sententiam pedibus ivisse, tamquam pedarium sc. Petrum Jannonium. Ne igitur errandi ansa tibi detur, meque carpas, quod fortasse falsus fuerim priori Parte hujus Historiæ, ubi Romani Juris usum post Justinianum in Occidente perennasse probavi, attendas quæso, quæ huc conferam. Nimirum primum proferam argumenta eorum, qui leges Langobardas Juris communis loco fuisse contendunt, tum vero, quid eadem valeant, habebis. Quibus haud difficile æstimatu erit, quid revera sentire in re tanta opus sit.

II. Et primum quidem argumentum, qui longobardas leges communes fuisse volunt, repetunt ex Constitutione *Paritatem* sub Tit. *De Præstando Sacramento Bajulis*, ubi Rex Gulielmus I. Camerarios, et Bajulos jubet, *prompto zelo justitiam ministrare secundum constitutiones, et in defectu earum secundum consuetudines adprobatas, ac demum secundum jura communia Langobardica, et Romana*. Quoniam autem hac lege Rex Gulielmus ordine scripturæ prætulit Langobardas leges Romanis, inde potissimam legum Langobardarum vim fuisse deducunt. Alterum dari existimant ab Andrea de Barulo Frederico II. Imp. cœvo. Is enim libro *de Differentiis Langobardarum, ac Romanarum Legum* refert, se animum appulisse ad Langobardi,

ni regiones omnes , quarum aliæ antea in varias Dinastias tributæ , aliæ sub

ac Romani Juris differentias describendas , ne amplius daretur obscuris forensibus optimos Advocatos in forensibus disputationibus vincere Langobardici Juris ignoratione . Et sane victum in judicio optimum advocatum is tradit ab *Advocatello* quodam unius Langobardæ legis loco laudato . Hoc luculentissimo vetusti Scriptoris testimonio præclare illud quoque confirmare conantur , leges Romanas tum vim scripti Juris obtinuisse , cum Langobardorum jus deficeret . Tertium argumentum desumunt ex Matthæo Afflicto , qui suo quidem tempore , hoc est sub Ferdinando Aragonio numquam præstitisse Jus Langobardicum Romano scribit , contrarium tamen olim obtinuisse , se a senibus accepisse addit . Duo alia argumenta ad eandem rem confirmandam præstiterunt ad ultimum Hugo Grotius , et Petrus Jannonius , quorum alter in *Prolegom. ad Hist. Gothorum* leges omnes Regni nostri ex Langobardicis profluxisse ait , alter vero *Hist. Civ. Regn. Neap. XI. 4.* ex duabus Rogerii constitutionibus , altera sub titulo *De Sacrilegio Regum* , altera sub tit. *De Raptu, et Violentia Monialibus illata* prope ad verbum descriptis ex l. 3. *De Crimine Sacrilegii* , et ex l. un. *de Raptu Virginum* præclare deduci ait , ea ætate Romanas leges in usu nequaquam fuisse ; satis enim

I 2

fuisset

sub suorum Principum dominatione erant,
aliæ demum Ducum regimini suberant, in
for-

fuiſſet Rogerio, leges Romanas laudare, ſi eadem vim Juris retinuiffent; Neque iſſdem verbis deſcribere opus fuiſſet, ut, quæ ibidem cauta, in uſum revocarentur. Atque hæc ſunt potiora eorum argumenta, qui pro Longobardis legibus ſtant. Nunc accipe, quæ ejuſmodi argumenta omnino infirmant.

III. Ac primum recte diluitur ex eo, quod eadem Conſtitutio complectitur. Sane cuius perlegenti, criticeque expendenti Gulielmi conſtitutionem luculenter apparebit, nullo modo ab ea Romanum Jus improbatum. Noverat enim penitus Gulielmus Rex, in Italiæ, ac præſertim Regni Neap. Provinciis non idem Jus antea apud omnes ſervatum, quod gentes, quarum dominationi Italiæ Provinciæ paſſim ceſſerunt, permiſerunt victis legibus illis vivere, quas vellent. Inde natam ſcimus conſuetudinem illam (hanc in Italia communem fuiſſe tradit Car. Sigonius *de Regno Italiæ Lib. 8.* ad annum 1007. quem vide) qua cuiſcumque datum edere, qua lege vivere vellet. Et quamvis Luitprandus primum cavit, ut Filius viveret Jure Patris, ac dein Lotharius I. aperre conſtituit, nemini licere jus, quod antea ſe profiteri velle ediderat, immutare, ne in tanta legum varietate res publicæ, privatæque pro vario hominum arbitrio deſiniri viderentur, tamen

formam unius Regni coaluerint. Atque
is ubi imperare Provinciis omnibus Re-
gni

tamen constat priorem illam Luitprandi Le-
gem paulo post desuevisse, alteram hanc Lo-
tharii bono publico parum consuluisse. Ne
igitur ejusmodi malis Regni nostri Provinciæ
deinceps premerentur, Gulielmus Rex sub ini-
tium peculiares edidit constitutiones, ac por-
ro, ubi opus esset, adhiberi sancivit consue-
tudes illas, quæ præ ceteris probatæ erant,
his deficientibus Leges Langobardas, quarum
usus jam in Regno inoleverat, ac demum Ro-
manas. Nimirum voluit Gulielmus, potissimam
vim esse debere Legum municipalium, Romana-
rum porro, ubi municipales deficerent, quemad-
modum hodie fit. Nil aliud profecto, si rem-
rite velis transigere, tibi dabunt verba Consti-
tutionis Gulielmi, quæ in hunc modum in
Codice Friderici descripta sunt, non amore, non
odio, non prece, non pretio, nec timore omnibus
conquerentibus absque personarum exceptione, prom-
pto zelo justitiam ministrare curabunt (Camera-
rii, & Bajuli) & secundum constitutiones no-
stras, & in defectu earum secundum consuetudi-
nes adprobatas: ac demum secundum Jura com-
munia Longobarda videlicet, & Romana, pro-
ut qualitas litigantium exegerit, iudicabunt.
Hinc stomachum faciunt, qui his rationibus
non moventur, ac digitum intendunt ad *Tæ*
communia, atque ad scripturæ ordinem provo-
cant,

gni nostri cæpit, continuo sibi duxit,
iura condere, quæ omnibus Neap. Re-
gnum

cant, cum *Tò Langobarda* primo loco positum sit. Certe nisi putent, ne turpiter errent, duplex commune jus fuisse sub Gulielmo, cum communia Jura Langobarda, & Romana ibidem dicantur, quandoquidem duplex Jus admittere instar monstri est, alterutrum fateantur necesse est, vel vitio Scriptoris *Tò Longobarda* positum loco non suo, uti visum. Lucæ de Penna ad L. 1. Cod. de Conduct. et Matthæo Affligto ad eandem Gulielmi constitutionem, qui Jus Romanum commune fuisse tunc temporis docent, vel potius commune Jus Langobardum dictum, quod ubique sub Nortmandis ex Nortmandorum beneficio in usu esse cœperit Langobardorum jus, quod antea non tam commune fuit, siquidem omnibus Regionibus Neap. Langobardi minime imperarunt. Igitur cum plenissime Langobardum Jus probatum jam fuerit, Gulielmo placuit Romano, quod jam commune jus erat, Langobardum adnectere. Ut scilicet in controversiis dirimendis primum a Bajulis, & Camerariis ratio haberetur suarum constitutionum, tum consuetudinum, dein Juris Langobardi, quo omnes Populi utebantur, ac demum deficientibus his legibus, quæ ferme Juris Municipalis corpus conficiebant, Juris Romani, quo vel post Justiniani obitum Occidentales vixerunt.

gnum incolentibus communia essent. Ut autem rem rite expediret habito Ariani Ba-

IV. Secundum argumentum ab Andrea de Barulo desumptum facile rejicitur. Habes ex eo, Andream de Barulo Advocatum, qui multa edisseruerat de Jure Romano, Optimum dixisse, contra eum, qui Jus Langobardorum opposuit, *Advocatellum*. Certe nequaquam dixisset Advocatum Juris Romani peritissimum optimum Andreas, nisi Romanum Jus commune fuisset? Atqui scio, mox te opponere, victum ab *Advocatello* uno loco Juris Longobardi laudato optimum Advocatum. Sed id quoque leve est. Sane ita rem definiri oportebat. Te ne fugiat, jus commune vigere, nisi ulla lex municipalis opponatur. Igitur cum pro *Advocatello* controversiam Lex Longobarda dirimeret, quæ ubique Juris municipalis loco valebat, hæc tanti a Judicibus haberi debuit, ut judicari ex sententia Langobardæ legis necesse fuerit nulla habita ratione Juris Romani, quod tamquam commune profecto valere debebat, nisi ulla municipali lege abrogaretur, Atque ob hanc causam Cl. vir discrimina Langobardarum, ac Romanarum legum aperire sibi duxit, ne sc. ignorarent deinceps eam Juris partem Caussidici, quæ Juri Romano prævalebat, quippe quæ pars esset Juris Municipalis. Immo equidem puto, Andream de Barulo tale opus suscepisse non ob hanc causam tan-

Baronum, Officialium, atque Episcoporum consilio de more majorum suorum,
ac

tum, sed ut Langobardici Juris capita exhiberet, quæ noscere difficile admodum erat, quod Juris Codices tum temporum barbarie, tum egestate eorum, qui Juri operam dabant, ad manus omnium non erant, atque qui ad manus erant, sexcentis mendis Librariorum ignavia scatebant.

V. Nec porro obstat, quod tertio loco ex Afflicto producitur. Nam licet Afflictus scribit, se a veteribus Advocatis accepisse, Langobardicum jus Romano præstitisse, tamen ipso contrarium tenet, atque Romanum jus in antiquis Regni constitutionibus pro communi habitum docet. Id quod præter Afflictum tenere Cl. alii legum nostrarum Interpretes. Quorum in numero habet Lucam de Penna laudato loco, qui maxime laudatur ab Agnello de Bottis ad *Constitut. Gulielmi*, et Carolum de Tocco sub Rege Gulielmo M. & Judicem; hic enim in Glossis, quas scripsit in *Leges Langobardas Romanum Jus*, non Langobardicum passim commune dixit. Verum Doctorum, quotquot in hanc sententiam laudari possent, auctoritatem confirmat omnino Fridericus II. quandoquidem in *Constitutione violentias De Violentis*, & in *Constitutione Durum*, & *Diram de Prescriptionibus* Juris communis nomine præclare Jus Romanum intelligit. Quamobrem eos, qui
con-

ac Langobardorum Regum primas dedit Constitutiones Neapolitanis, & Siculis
com-

contrarium scripserunt, haud inficior deceptos ex male intellecta Gulielmi constitutione, de qua disputatum jam est.

VI. Superfunt duo alia argumenta, quæ vulgo ex Grotio, & Jannonio repetuntur. Verum hæc duo tantis viris plane indigna sunt. Quod Grotius ait, Constitutiones nostras ex Jure Langobardo pene omnes confluisse, falsum omnino est; apposite enim Glossæ, & doctiores Juris Neapolitani Interpretes demonstrant, Neapolitanas leges ex Romanis legibus plerumque petitas. Sed hac in re est, cur parcas Hugoni Grotio viro ceteroqui doctissimo, quippe qui legum nostrarum haud peritus videri voluit. Atqui bilem merito movet doctis viris Petrus Jannonius, qui ex eo Langobardo Juri vim omnem deferre studet, quod duas Constitutiones ex Codice Justiniano Rogerius prope ad verbum descripserit. Si tale argumentum valeret, continuo querendum esset, num Andegavensium, Aragonensium, ceterorumque nostrorum Regum leges, in Regno Neapolitano communes fuerint nulla habita Legum Romanarum ratione, quandoquidem nonnullæ leges Romanæ, quæ fortasse in desuetudinem abiierunt, prope ad verbum descriptæ fuerunt in Volum. nostrarum Legum. Quo quid umquam futilius dici, atque excogitari possit non video?

communes . Ac sane nolim hęc ignores , Nortmandos Principes , qui Rogerio præcesserunt , principio Apulia subacta regiminis formam Aristocraticæ similem tenuisse ; Nam consilio Melphiarum habito captas urbes inter se diviserunt ; Melphiam vero ad publica consilia communem habuerunt . In quem modum nescit nemo , antea Langobardos Clephi mortuo per decennium nostris Provinciis imperasse publica consilia Ticini habentes . Tale institutum ex eo maxima commendatione dignum habitum puta , quod causam dederit optimis legibus condendis , atque ad res publicas rite gerendas maxime opportunis . Ne tamen te moretur Ramondetta II. 46. qui a Siculis abdicat Constitutiones Rogerii , cum constet , Rogerium tum Siculis , tum Neapolitanis communes constitutiones suas voluisse . Earum triginta novem supersunt , quas enumerare

deco ? Igitur quid de re tanta sentire oporteat , iam tenes , quidque valeant , quæ contra opponuntur . Id omnino a me erat demonstrandum , ne perperam opinareris , Jus Langobardum sub Nortmandis commune Jus fuisse .

longum est, habentur tamen in Codice Friderici, de quo paulo post erit sermo. En igitur sub Rogerio primum omnibus nostris Provinciis datum legibus frui, quibus singulæ tenerentur, et scriptis quidem; Consuetudines enim fuere leges illæ, quas Robertus Guiscardus olim induxerat, atque Rogerius alter Rogerii hujus Avus confirmaverat, quæ profecto obtinuerunt, antequam Nortmandis omnibus regionibus Neapolitanis imperare datum fuit.

§. XX. Rogerii exemplo Reges, qui Rogerium secuti, novas leges condiderunt. Sed omnium maxime condendis legibus studuit Fridericus II. Imperator, cujus habentur tres Constitutionum Libri, quibus etiamnum utraque Sicilia utitur. De his nunc dissertabo. Verum ne vagetur oratio I. breviter recensebo, quæ ad ejusmodi Constitutionum historiam pertinent. II. de earum auctoritate, quippe quæ non semper idem valuerunt, agam.

§. XXI. Atque ut a primo ordiar, exploratum jam est, Fridericum Imperatorem vel ab initio, quo cœpit in utraque Sici-

Sicilia regnare , constitutiones comitiis pro more Langobardorum habitis in variis nostri Regni Civitatibus edere cœpisse , ut publicæ utriusque Regni tranquillitati sapienter consuleret . At dissidia , quæ cum Pontifice Romano intercesserunt , tum animi sui quietem turbaverunt , tum vero maxime eidem legibus hisce colligendis vacare sub initium minime permisserunt . Sed pace demum cum Gregorio P. facta , suisque Regnis Siciliæ , atq. Apuliæ pacatis , quorum Imperio sibi servando cum fortissimis hostibus etiam pugnare non semel necesse fuit , Constitutionum libros componi iussit per Petrum de Vineis Capuanum inter Ictos ejus ætatis maximi nominis . Nolim tamen teneas , Fridericum in peculiare volumen redigi jussisse tantum suas constitutiones . Nam insertas habet in eos libros non solum Friderici ipsius constitutiones , quas vario tempore , & variis in locis Regnorum Siciliæ , atque Apuliæ ediderat , sed & nonnullas Rogerii I. Avi sui , nonnullas Gulielmi I. Avunculi , & quasdam paucas Gulielmi II. consobrini sui . Quod vero legitimos Principes numquam habuit

buit Tancredum , & Gulielmum III. uti ad rem Auctor Historiæ Civ. Neap. *Lib. XVI. cap. ult.* horum Principum constitutiones in Codicem suum inferi Fridericus minime passus est. Atque hinc prodit primum Legum Neapolitanarum Volumen , quo leges scriptæ comprehensæ non unius tantum urbis propriæ , sed totius Regni Neapolitani , imo & Siciliæ communes. In hanc sententiam profecto promulgavit , ac Regia auctoritate firmavit ipse Fridericus : *Accipite* (ita Fridericus *Constitut. Lib. 3. Titul. ult.*) *gratanter , o Populi , constitutiones istas tam in judiciis , quam extra judicia potituri , quas per Magistrum Petrum de Vineis Capuanum Magnæ Curie nostræ Judicem , & Fidelem nostrum mandavimus compilari .* Non est porro , cur disputes de tempore , quo Friderici volumem editum ; satis enim veteres editiones probant his verbis *Actum in solemnî Consistorio Melpbienti anno Dominicæ Incarnationis MCCXXXI. Mense Augusti Indictionis quartæ. , anno MCCXXXI. Mense Augusto* Friderici constitutiones publicatas , quamvis iam easdem

dem condiderat Imp. mense Junio eiusdem anni. Nec animum adverte ad vulgatas editiones, quippe quæ non sine mendo sunt, atque ab antiquis minus recte variant; uti ex Riccardo in Chronico constat, qui in antiquis editionibus ita se annum ejus Codicis legisse refert, eumque annum se quoque in veteribus Constitutionum editionibus notasse Afflictus tradit in *Prelud. qu. 1. num. 1. Ex quo* (apposite Afflictus) *istæ Constitutiones editæ fuerunt mandante dicto Imperatore per Doctissimum virum Petrum de Vinca in anno Domini 1231. Quamobrem graviter peccasse putata, Bartholomæum Camerarium, Ursinum, & Auctorem Glossæ Parisiensis, quem sequitur Cl. de Andreys in Disputatione, An fratres &c. cap. 1. quorum primus in suo Dialogo scribit, editas 4 Friderico constitutiones ante annum 1218, quo eodem anno Fridericum ab Honorio III. excommunicatum falso supponit, secundus De successione Feudi Parte 2. quæst. 2. Art. 1. editas vult ante annum 1246. quo anno fuit Fridericus ab Innocentio IV. excommunicatus, tertius*

tius demum editas putat an. 1221. ; hi enim omnes vel proprio arbitrio rem expendere maluerunt, vel neglexerunt antiquas, ac sinceriores editiones consulere.

§. XXII. Verum incrementum porro Friderici Codex accepit ob novas constitutiones, quas Fridericus condidit post Libros constitutionum compositos. Sic mense Februario anno 1232. in S. Germano edidit novas constitutiones *de Mercatoribus, Artificibus, Medicis, Aleatoribus, Militibus, Notariis &c.* uti colligitur ex Chronico Riccardi. Eodem anno mense Octobri editas etiam habemus ex eodem Chronico alias constitutiones ad Annonam, Pondera, et Mensuras pertinentes. Sic etiam anno 1233. quo se in Siciliam contulit Fridericus, comitiis syracusis habitis facta fuit celeberrima illa constitutio, *ut nulli liceat (verba sunt Riccardi) de filiis, et filiabus Regni matrimonia cum externis, et adventitiis, vel qui non sint de Regno absque ipsius speciali requisitione, mandato, seu consensu curiae suae contrahere, videlicet ut nec alicui alienigenarum filias ducere in uxores pena apposita omnium rerum suarum*

*rum amissione . Ad ultimum , uti idem Riccardus refert , in Grossetto quasdam edidit Sanctiones contra Judices , Advocatos , & Notarios , quas per totum Regnum publicari præcepit , & tenaciter observari , quarum initium tale est , nihil veterum auctoritati detrahatur &c. Nec desunt aliæ , quas referre omitto , ne plus justo moræ sim . Exinde factum , ut omnes hæc Friderici constitutiones libris , quos antea composuerat Fridericus , addere , suisque Titulis subijcere porro studuerint Taddeus Sinuessanus , Roffredus Beneventanus , & postremo Andreas , & Bartholomæus de Capua . Sane quas constitutiones edidit in S. Germano Fridericus post publicatas constitutiones opera Petri de Vineis compositas habes in eodem Codice subiectas peculiaribus Titulis *De Mercatoribus , De Fide Mercatorum , De Medicis , De Aleatoribus , vel de his qui ludunt ad Dados* Constitutio autem quam de uxore non ducenda sine permissu Regis Syracusis condidit , subiecta est Titulo *De Uxore non ducenda sine permissione Regis.* Quas denique evulgavit*

de Judicibus, Notariis, & Advocatis, eadem adjunctæ Titulis *De Officio Magistri Justitiarum, & Judicum Magnæ Curia, ac De Advocatis ordinandis*. Ne autem Friderici constitutiones hæ cum antiquis confunderentur, diligenter curatum a Taddeo, Roffredo, & Andrea, ac Bartholomeo de Capua, ut Constitutiones novæ inscriberentur, ut sc. cuivis Codicem Friderici consulenti plenissime constaret, quæ Constitutiones primum in Codicem insertæ, quæque postea opera triumvirorum tamquam *NOVÆ* peculiaribus Titulis subjectæ.

§.XXIII. Quod vero pertinet ad earum auctoritatem, non semper eadem fuit. Sub Friderico, ac sub Suevis Principibus vim omnem scripti Juris Friderici leges habuerunt. At ubi Regnum ad Andegaveses transiit, non adeo valuerunt: tum quia cæperunt Professores eorum temporum tamquam impias Friderici Constitutiones proferre, quod earum plerasque ajebant libertati, atque Jurisdictioni Ecclesiasticæ adversari: tum quia suis Capitulis Andegaveses non

paucas Friderici constitutiones abrogarunt, multis etiam derogarunt; tametsi sub initium Carolus I. ejusque Filius Carolus II. eas servari jussissent in cap. *Constitutiones*, & cap. *ad perpetuam*. Præcipui autem Friderici Constitutionum Interpretes fuere Andreas, & Marinus de Caramanico, qui primum eas Glossis illustrarunt, Bartholomeus de Capua, Andreas de Ifernina, qui Commentarios in easdem ediderunt, Lucas de Penna, Diomedes Mariconda, Jacobus, & Nicolaus Ruffus, Joannes Crillus, Cæsar de Perinis, Nicolaus Superantius aliique, qui demum studuere breves Glossas tantum Constitutionibus addere. Horum tamen Andreas, & Marinus de Caramanico Glossis suis Friderici Constitutiones non adeo male habuerunt, quod primus sub Friderico, alter vero paulo post Friderici tempora manus Constitutionibus explicandis ad-moverunt, ceteri vero, qui sub Andegavensibus floruerunt, pro temporum indole eas interpretati sunt. Atqui Aragonenses, qui post Andegavenses regnarunt, ac præ ceteris Ferdinandus I. pri-
stinum

stinum nitorem, ac vim omnem Friderici Constitutionibus restituerunt. Quare denuo eas Doctores, uti par erat, interpretari cœperunt, inter quos præstitit Matthæus de Afflicto, qui licet senio confectus triennio integrum, fusissimumque Commentarium in Friderici Constitutiones absolvit. Hunc secuti Agnellus de Bottis, Angelus Pisanellus, Fabius Jordanus, Bartholomeus Martialis, & Antonius Pulverinus, qui post Afflictum breves notas Constitutionibus Friderici tantum addiderunt. Neque de ejusmodi Constitutionum vi deinceps variatum; Nam cum sub Austriacis, tum sub Hispanis Regibus, ac demum sub Inviçtissimo, Clementissimoque Carolo Rege, qui hodie in Hispania regnat, quibus porro Regnum Neapolitanum cessit, eadem vis, uti olim, stetit Friderici constitutionum, eæque passim etiamnum adhibentur vel sub ipso nostro Rege Ferdinando IV. quem Deus O. M. pro optimo subditorum suorum sospitet, fortunetque, modo novis posteriorum istorum Principum Pragmaticis, uti fit, minime abrogentur,

vel contrario usu infirmentur. Quod fatum revera nonnullas Friderici constitutiones subiisse in notulis ad Hein-
necium ostendam. En quæ pertinent ad varia fata Friderici Constitutionum. Reliquum tamen heic est, ut mihi videtur, ut omnino advertas ea, quæ hæctenus de Auctoritate Constitutionum Friderici disputata, spectare tantum illas Constitutiones, quæ pro regimine utriusque Siciliae promulgatae fuerunt, quæque in Codice Constitutionum U-
triusque Siciliae continentur, secus illas, quas Fridericus in Urbibus Moguntina Francfordiensi, aliisque condidit a Mel-
chiore Goldasto in *Monarchia Imperii* diligenter collectas; Nam eæ, quæ *Augustales Constitutiones* dictæ, apud nos nullam vim obtinuerunt, quod iisdem incolumitati, ac tranquillitati aliorum Regnorum tantum prospectum. (*)



(*) DE ORIGINE, ATQUE USU LEGUM
FEUDALIIUM IN REGNO
NEAPOLITANO.

I. Ex iis, quæ jam de Codice FridERICI dicta sunt, excepisse reor, non paucas leges diversorum Principum in eo comprehendendi, quarum sententias proponere hic locus non est; Etenim earum sermo erit in iis locis, in quibus opportune oportebit, discrimina Romani, ac Neapolitani Juris exhibere. At quoniam sparsim leges ibidem occurrunt ad Feuda spectantes, quas equidem, ubi opus erit, recensebo, mihi des velim, ut de Origine, atque Usu legum Feudalium sejunctim breviter heic disputem. Quod ut rite persequar, præmittere e re esse puto quædam de Origine, ac Natura Feudorum, ut scilicet & initia legum Feudalium, & usus recte pernoscantur.

II. Et de origine quidem Feudorum quot capita tot sententiæ. Qui a vetustis Orientalibus Populis eorum originem repetivere, longe a vero abie-

runt, cum nihil illorum populorum mores, atque instituta præferant, quo tam ab alto originem suam feuda repetere posse mereantur. Vide-sis Struvium in *Historia Juris Feudalis*, & Hornium in *Jurisprudentia Feudali*. Neque audiendi sunt quoque, qui Romanis originem tribuerunt. Sic Zasius *De Origine Juris* a Romulo Feudorum originem derivat ex eo, quod Romulus Optimatibus nonnullis dederit plebeiis, humilioribusque paternam curam præstare, eosque in clientelam recipere. Contra vero Budæus ad *l. Herennius* Cod. de *Evictionibus* totam originem tribuit ei Romano-
rum mori, quo Provinciales, & focii Pop. Romani in clientelam sese dabant Proceribus Romanis, quos privatim, & publice patronos sibi adoptabant ea conditione, ut Patroni clientum capita, & fortunas in fidem reciperent suam, clientes vero omni obsequio colerent Patronos. Accedat his Pancirolus, qui *Lectio-num I.* Alexandrum Severum Feuda instituisse putat, motus auctoritate Lampridii, qui Severum capta ab hostibus donare solitum scribit Ducibus, & Militibus

Limitaneis, hoc est iis, qui limites Imperii tuebantur ea lege, ut neque ad heredes, neque ad privatos transirent, sed tantum ad eos, qui pro fide militarent. Sane hæ, simileque de Origine Feudorum variantes sententiæ, quas fuscè referre piget, cum tantum otii mihi abs re mea non sit, sinceram Feudorum originem minime exhibent, sed tantum probant, prælusisse nescio quam apud Romanos in Clientelis, quas Romulus instituit, atque in Prædiis ab hoste captis militibus distributis Feudorum imaginem, ac leviter, et veluti e longinquo adumbratam feudalem disciplinam. Præstat igitur ad recentiora tempora descendere, ut vel saltem probetur, quid verisimilius sit de Feudorum Origine. Atque heic maxime commendes velim Carolum Molinæum in *Consuetud. Paris. Tit. 1. Aimoinum 1. 14. Gregorium Turonensem in Hist. Francica IV. 45.* qui docuerunt, Feuda a Gallis primum in Galliam, tum vero a Langobardis in Italiam introducta. Adis Alteserram *Origin. Feud. 1.* Hos fidem eo majorem mereri putaveris, si

consulere tibi volupe erit Paulum Æmili-
 um *de Rebus Francicis lib. 1.* & Ia-
 cobum Cuiacium in *De Feudis*, qui refe-
 runt Gallos vel ante Langobardorum
 in Italia Dominationem urbes non-
 nullas Galliæ in Ducatus, ac Co-
 mitatus tribuisse Ducibus, Comitibusque
 ad earum regimen institutis. Id quod
 porro in Italia Langobardi præstiterunt.
 An vero a Gothis Galli, ac Langobar-
 di Feudorum institutionem exceperint,
 heic non quæram, habebis enim hac de re
 plura in Dissertationibus *De Jure Feuda-
 li*, quas Deo annuente edere mihi mens est.
 Hinc temperare mihi nunc nequeo, quin
 gravem Caroli Molinæi in *Consuetud. Paris.
 Tit. De Feudis* errorem huc conferam;
 Nam tum primum Feuda in nostris re-
 gionibus inducta scribit, cum Nort-
 mandorum Imperio subesse regiones no-
 stræ cœperint. Equidem mihi persua-
 deo in hunc errorem incidisse Molinæum
 quod fines Langobardici, & Nortman-
 dici Imperii non attente animadvertet-
 rit. Quod Langobardi non omnes Re-
 gni nostri regiones, uti Nortmandis post-
 modum datum, in suam ditionem rede-
 ge-

gerunt, ubique feuda minime induci potuerunt. Sic sub Langobardis in Samnio, & Campania Feuda tantum numerari cœperunt, quæ porro Nortmannorum industria in Apuliam, et Calabriam intrusa. Nam regiones istæ sub Langobardis Græcorum Imperio paruerunt, Nortmannis tamen cesserunt, quod Nortmannorum potentiam infringere nequam valuerunt. Igitur si varios hosce Imperii Langobardici, et Nortmandici fines notaveris, profecto certum tibi erit Langobardis in nostris hisce regionibus Feudorum originem deberi, Nortmandis autem incrementa. Legatur Janonius *Hist. Civ. Neap. IV. 1.*

III. Quæ de origine Feudorum breviter exposui, me impellunt, ut priusquam ad historiam legum Feudalium veniam, proponam causam, ex qua Feuda ortum traxerint. Et causam quidem ortus Feudorum petendam ajo ex necessitate quadam, qua exterarum gentium principes, qui sequiori ævo libidine capti nostras regiones dominandi, coacti agros post gravia bellorum discrimina quæsitos sibi tantum nequam

quam addicere, sed Ducibus militibusque suis tribuere, quos in expeditionibus itinerum comites, in obsidionibus militarium laborum socios, in præliis consortes sibi adiunxerant. Ut scilicet non solum ingrati vitio minime laborarent in eos, qui iam præsidio eis fuerant in alienis terris diripiendis, verum etiam ut tutius regnarent, fidemque, atque animos subditorum sibi honorum pretio compararent, conciliarentque. Exinde Feuda olim et Beneficia dicta volunt haud obæfæ naris feudistæ, et a Fide nomen habuisse, quod nempe Principes Feudorum institutione præmiis optimos viros allicere, atque eorum Fidem quovis vitæ periculo confirmare studuerunt. Ad rem faciunt verba, quæ habentur in Cap. I. *De prohibita Feudi alienatione per Lotharium* in hunc modum: *Comperimus, milites sua beneficia passim distrabere, ac ita bonis omnibus exhaustis suorum Seniorum servitia subterfugere, per quod vires Imperii maxime attenuatas cognovimus.* Consule hac de re Hotomanum *de Jure Feudali* IV. et Rudingerum *in Methodo Juris Feudalis* I. I.

IV. Ergo tenes jam quæ verisimilior sit habenda Feudorum origo, quæque fuerit eorum instituendorum causa; ex quibus constat quoque, feudum omnino esse, ut definit Cujacius, *Jus prædii alieno utendi fruendi, quod Dominus dat ea lege, ut, qui accipit, ei fidem, & militare munus, aliudve servitium exhibeat*. Nunc velim exploratum tibi sit, vel ab ipsa origine Feuda peculiaribus legibus obnoxia fuisse. Quod vero legibus feudalibus condendis plures non uno eodemque modo vacarunt, meum heic est, rem totam, uti temporum ratio postulat, breviter enarrare. Itaque quidquid huc spectat, paucis veluti capitibus excipere ne graveris, quibus primum complectar legum feudalium historiam sub Langobardis, tum sub Nortmandis, ac demum sub ceteris Principibus nostris. Atque ab his omnibus paucis me expediam.

DE LEGUM FEUDALIU M ÆTATE SUB LANGOBARDIS.

V. Feuda, quorum Institutioni Lan-
go,

gobardos in Italia maxime vacasse jam tenes, a Langobardis certum jus exceperunt, uti testatur Hornius in *Jurispr. Feud. cap. 1.* Verum jus omne Feudorum sub Langobardis primum moribus stetit, non lege scripta. Hinc pro morum diversitate variæ in regionibus Italiae consuetudines feudales fuere. Apposite Cujacius 1. *De Feudis* narrat de Feudorum alienatione Ius variasse in non paucis Italiae urbibus. Sane potuisse Cremonæ, Paviæ, & Mediolani Feuda sine consensu alienari ex historia feudali docemur, secus Mantuæ, Veronæ, alibique. Et ne longius ab instituto discedat oratio, contrarios mores a ceteris Italiae populis in Regnis Siciliae, & Apuliae de Feudorum Jure quoque obtinuisse velim te non lateat. Atque hinc est, cur heic memorem *Defetarios Libros*, quorum mentio haud infrequens est apud Scriptores rerum feudalium. Constat enim per hæc tempora consuetudines ad Feuda pertinentes, ne pro ingenio, ac commodo eorum, qui feuda habebant, producerentur, describi cœpisse, atque in
pe-

peculiares libros cogi, qui corrupte *Defetarii* dicti. Horum custodiam alii Principes minime mandarunt, sed sollicite admodum curarunt, ut in suis Regiis domibus servarentur. Quamobrem nequaquam doctis viris admirationi est, quod narrat Cl. Inveges *Hist. Panormi. Tom. III. anno 1162.* Is postquam sermonem habet de impetu a Panormitanis Panormi in Regiam domum facto, continuo dolore ex eo vel maxime Gulielmum Regem affectum addit, quod *Defetarios Libros* amissos, atque urbis excidio discerptos noverit. Quamvis Falco auctor est, Gulielmum tanto malo medicinam facere studuisse opera Matthei Notarii, quem consilio suorum e carceribus exclusit, ut *Libros Defetarios* componeret. Nimirum adeo peritum eorum, quæ in Libris defetariis comprehendebantur, habuere Gulielmi Familiars Mattheum, ut Regi persuaferint, hujus opera posse, quæ erant in hujusmodi libris descripta, in lucem prodire, & memoria, qua pollebat, & juris feudalis peritia, quod penitus eundem callere putabant. Igitur moribus Lango-
bar-

bardorum feudale ius sub initium stetisse ambigere non est. Quod quidem Ius in universa Italia servatum, immo et apud eos etiam vim omnem accepisse, qui iure Romano vivebant ex eo deducito, quod nihil de Feudis Legibus Romanis cautum. Primus Conradus Salicus tale ius non paucis legibus auxit, cuius exemplo Imperatores, qui eundem secuti, alias condiderunt. Quo factum, ut in Italia, atque adeo in universa Europa Jus quoddam commune Feudorum in usu esse coeperit. Id quod intelliges ex iis, quæ mox referam.

DE ÆTATE LEGUM FEUDALIU
SUB NORTMANDIS.

VI. Post Langobardos de feudali jure nihil a Nortmandis immutatum, quippe qui dederunt victis suis legibus vivere. Quare qui in Nortmandorum ditionem venerunt sibi habuerunt tum Jure Romano vivere, tum consuetudines feudales adhibere, quæ sub Langobardis invaluerant. At quoniam Nortmandis cesserunt aliæ Italiæ regiones, uti Sicilia, Apulia, & Calabria, quorum

rum

rum aliæ sub Langobardis Saracenorum dominationem subiverunt, aliæ quovis periculo fidem Imperatoribus Græcis servarunt, factum exinde, ut consuetudines feudales Langobardorum a Nortmandis haud improbatæ longe lateque nova regionum istarum Italiæ in unam Dominationem accessione diffundi cœperint. Quinimmo præstat heic animadvertere, non tantum Langobardorum leges ad Feuda spectantes per hæc tempora ubique viguisse, sed & ceteras quoque, quas Langobardi instituerant, ut ad suam ΠΟΛΙΤΕΙΑΝ victos populos componerent. Idque præclare probant consuetudines Barenfes, quas nonnisi a Langobardorum legibus enatas satis constat cuivis Legum Langobardarum perito. Quare omne incrementum, auctoritatemque ubique Jus Langobardorum per hæc tempora magis quam antea accepisse penitus vides. Opportunum igitur recte videri cœpit Langobardorum leges interpretari, atque eas, quod caput est, in unum corpus conferre.

VII. Et duos quidem Codices historia feudalis exhibet, quibus leges Lan-

gobardorum descriptæ. Horum alter et antiquior exstat in Archivio Monasterii Cavenfis Cassinensium, alter in Authentico, tribusque libris absolvitur, quorum quisque in plures Titulos tribuitur. Sed quid uterque Codex peculiare habet, ut pro instituto meo heic exponam, ordiar a Codice Cavenfi. Ac sane Codex hic complectitur Edicta Regum Italiæ a Rotari, qui primus leges scriptas Langobardis dedit ad Astolphum usque, qui licet postremus Longobardorum Rex non fuit, cum eum secutus sit Desiderius, qui revera postremus omnium regnavit, tamen sub Astolpho haud abs re finis in eo Codice imponitur Legibus Langobardorum, quod novas leges non condiderit Desiderius successor, quippe qui bellis, quibus maxime distentus, legibus creandis operam dare non potuit. Sed horum Principum legibus adjectæ nonnullæ Principum Beneventanorum constitutiones, quas silentio prætereundas non esse merito Auctori visum. Nam expulsi sub Desiderio Rege Langobardis a Carolo M. atque translata in Gallorum ditionem Italia, non cessavit omnino

Prin-

Principum Beneventanorum studium exemplo Langobardorum Leges promulgandi, ut intra fines sui Principatus Beneventani valerent, qui ea aetate ferme tot agros, civitatesque comprehendit, quot ferme hodie Regnum Neapolitanum. Itaque plurimas Codex Cavenfis habet leges, qui profecto temporum injuria, uti tot alii antiqui codices, excidisset ex posterorum memoria, nisi Casinensium opera, atque industria ejus conservandi accessisset, quibus plurimum deberi fateantur necesse est studiosi cum harum rerum, tum ceterarum, quæ ad historiam medii ævi pertinent, quandoquidem conservarunt non paucos antiquos MSS. codices, qui mediæ ætatis historiam, ac leges maxime illustrant. Quod autem attinet ad Auctorem Codicis hujus, definiri tuto nequit. Quod Camillus Pellegrinus in *Append. Lib. I. Hist. Princip. Langobard.* scribit, ubi ait campanum fuisse ejus Auctorem, et probat Jannonius *Histor. Civ. Lib. X. cap. XI. §. I.* et mihi persuadet. Moveor equidem ex eo, quod Auctor se totum addicere fatetur nonnullis

L. legi-

legibus explicandis, ut Beneventanorum, ac potissimum Campanorum commoda faciat. Nec velim mireris, Auctorem ipsum ejusmodi legum collectioni suas interpretationes adiunxisse; ita enim sese gessit auctor, ut palam faceret, se juris peritissimum quoque esse. Idque aptissime deducitur ex laudatis interpretationibus, tum ex quibusdam operibus Juris disciplinam spectantibus stilo, atque ordine sui temporis barbariem undique redolentibus, quæ sibi duxit eidem collectioni Auctor adnectere. Atque hæc de membranaeo Codice Cavenfi Legum Langobardarum.

VIII. Post Codicem Cavensem prodit alter codex legum Langobardarum, qui in Authentico habetur. Eius Auctor omnino incertus mihi videtur. Non desunt tamen, qui Petrum Diaconum Monachum Cassinensem auctorem fuisse credunt, inter quos recensendi Conringius *de Orig. Juris* cap. 23. et Struvius in *Hist. Juris Gothicæ & Langob.* Atqui nihil hac in re probant. Etenim nihil suadent duo hæc argumenta, quibus id probare student, quorum primum

mum est, Petrum Diaconum Lotharii
 jussa, cuius Logotheta procul dubio
 fuit, congeſſiſſe Langobardorum leges,
 cum aliorum Principum, qui Lothario
 ſucceſſerunt, leges in Codice Diaconi non
 comprehendantur, ſiquidem eam, quæ
 Caroli IV. nomen præfert, aliena manu
 poſteriori ævo intruſam conſtet. Alterum
 eſt, Diaconum Auctorem facere nonnul-
 la exemplaria. Sane quod primo loco
 proponitur, nullius momenti tibi erit, ſi
 hoc unum animadvertas, eundem Dia-
 conum, qui in *Chronico ſuo Caſſinenſi* ſin-
 gula quæque ſua opera diligentiffime
 enumerat, proemia quoque aliorum Li-
 bris adpicta, hymnosque duos, quibus S.
 Juſtæ laudes celebravit, nullam men-
 tionem facere tanti operis, quod certe
 memoraffet, ſi eius Auctor fuiſſet. Alte-
 rum propellitur teſtimonio Caroli de Toc-
 co antiquiſſimi Iuriſconſulti, qui in
 Præmio Gloſſarum, quas in eundem Co-
 dicem edidit, aperte teſtatur, ſe ejus
 Auctorem ſcire non potuiſſe, tempo-
 rumque lapſu Auctoris nomen excidiſſe
 ait. Proſecto Carolus in hunc modum
 ſcribens & ab exemplaribus, quibus Pe-

tri Diaconi nomen adscriptum, omnem fidem aufert, & eo magis Codicis auctorem incertum esse confirmat. Is enim tradere poterat veri auctoris nomen, ac Patriam, cum sub Gulielmo vixerit, quem non diu antea Lotharius præcessit. Ergo probatum hætenus mihi videtur auctorem secundi codicis adhuc ignorari. Equidnam vero præstiterint tum Cavenfis, tum alterius codicis auctores, quisquis huius auctor fuerit, tu ipse poteris dignoscere, si tantum otii abs re tua erit, utroque consulere. Certe priorem tenebis rerum ordine, quem in eo auctor rite servavit, posteriori præstantiorem. Hinc est, cur culpes sequioris ævi Jurisconsultos, qui, nescio qua causa, obliti Cavenfis Codicis, quo & elegantius, & suo quæque ordine Longobardorum leges digestæ, ac posteriorem hunc Codicem meritis antiquiori illi longe imparem promulgarunt, atque longis commentariis illustriorem reddere curarunt. Sic Basilii, Joannes Eriold anno 1557 una cum legibus Salicis, Alemanicis, Saxonis, & Brittanicis leges Longobardas in altero Codice descriptas typis evulgavit. Idem labor

labor exercuit Melchiorum Goldastum ,
 & Federicum Lindebrogium , quanvis
 hic tum Langobardas , tum antiquas le-
 ges sapienter contulit. Mitto, ne te immo-
 rer, ceteras editiones, quas idem Codex
 una cum Authentico sortitus est. Qui
 porro tantum Codicem commentariis il-
 lustrarunt, fuere Carolus de Tocco, An-
 dreas Bonellus, Blasius Morconius, Ni-
 colaus Boerius, & Joannes Baptista Nen-
 na Barenfis sua quique ætate maximæ
 famæ Jurisconsulti. Horum primus
 sub Gulielmo I. vixit, tantique habi-
 rus, ut Glossæ, quas Codici subiecit, pro-
 batæ penitus fuerint, auctoritatemque
 omnem in Foro adeptæ. Secundus sub
 Friderico II. floruit, qui ut obviam iret
 nonnullorum suæ ætatis Istorum probro,
 quibus potissimum curæ erat, Romanis
 legibus omnem operam dare neglectis
 Longobardorum legibus, quæ Patrii Ju-
 ris loco erant, discrimina utriusque Ju-
 ris Romani sc. & Langobardi peculiari
 volumine exhibere curavit, ne amplius
 ii, qui Romanarum legum scientia tan-
 tum post improbos labores imbuti desi-
 pere viderentur ignorantia earum legum,

quæ, cum posteriores essent, priores pro iure suo infirmarent. Non desiere dein sub Roberto Rege Blasius Morconius, ac demum Nicolaus Boerius, & Joannes Baptista Nenna novos commentarios edere; quamvis Blasii commentarii mentionem tantum habeamus apud Marinum Freccia in *de subfeudis*, Nenna vero ferme totus in eo fuit in suo commentario, ut antiqua, atque obsoleta Langobardarum legum verba explicaret, cujus liber Venetiis ipsomet curante prodiit anno 1537. Ceterum Legibus hisce explicandis nullus finis fuisset, nisi earum vis, atque auctoritas paulatim omnino defecisset.

IX. Habes iam Feudales leges primum scriptas non fuisse, atque uti consuetudines habitas, a Conrado Salico, ceterisque Principibus, qui ejus exemplo moti, dein scriptas, easque adeo probatas, ut non solum *commune Jus Feudale* ex iisdem enatum, verum etiam ne cuivis turpiter eas ignorare daretur, bis collectæ fuerint, tamen posterior collectio ad manus omnium fuit Glossis, ac doctis commentariis aucta, quod typis tantum hæc fuerit evulgata. Nunc,

ut

ut ad rem nostram veniamus, teneas oportet, idem Jus servatum ad Rogerium usque in nostris Regionibus tum ab iis, qui Romano, tum ab iis etiam, qui Langobardico jure vivebant; cum enim feuda Romanis ignota, opus ideo fuit Legibus Feudalibus Langobardorum, locorumque variis consuetudinibus eos etiam subicere, qui Romano Jure vivebant, ac Feuda possidebant, ut sc. controversiæ omnes, quæ ad feudorum Jura conservanda pertinerent, rite expedirentur. Rogerius primus, qui Regionum omnium nostrarum dominium armis adeptus, ac Regnum hocce Neapolitanum instituit, novas leges Feudales condere cepit, ut hæ æque ac communes in hoc Regno valerent. Post Rogerium idem prosecuti duo Gulielmi, et Fredericus I. Quamobrem factum, ut peculiare Jus feudale in Regno nostro invaluerit, cepitque porro discrimen illud inter feuda Juris Langobardorum, ac Juris Francorum; Etenim francorum Juri Rogerius ipse non parum indulgere studuit, ut suæ gentis mores, ac jura, quorum aman-

tissimus erat, apud nos quoque firmaret, immo et suis eo magis faveret, quos bellandi causa e patriis urbibus evocabat, ut fortes, probæque fidei viros ad bella fortiter, alacrique animo suscipienda secum haberet. His ubi feuda promovere donare cepit, pactis iisdem Dominos reddere maluit, quibus feudis in Gallia strenui viri donari solebant. Quod vero, uti jam dictum est, tractu temporis Jus Langobardorum ab usu discessit, Normandorumque jus in Municipalium legum Codicibus descriptum perennavit, difficile porro non est causam adsequi, cur deinceps in feudis jus francorum in Regno Neap. prævaluerit.

DE POSTREMA LEGUM FEUDALIU
ÆTATE A SVEVIS PRINCIPIBUS
AD NOSTRA USQUE TEMPORA.

X. Postrema hæc Juris Feudalis Ætas paucis absolvi posset, si satis nobis esset, dissertare de Legibus Feudalibus, quæ vim in Regno Neap. habuerunt post Fridericum, quæ quidem vel eundem Auctorem habuerunt, vel alios Reges

ges Neap. qui post Fridericum imperarunt. At quoniam præter eas leges feudales, quæ uti consuetudines valuerunt, easque, quas post Rogerium nostri Principes constituerunt, sub Frederico II. a quo Svevorum Regnum originem traxit, non pauci libros illos Feudales, qui in decimam collationem inserti, valere in hoc Regno capisse volunt, res postulat, ut heic sub initium exponam brevem Librorum istorum Feudalium Historiam, atque auctoritatem, ac dein, quæ huc spectant, conferam ita, ut constet, quid Juris in Feudis porro servatum, ac demum rei, qua de agitur, finis imponatur. Verum ne in rerum dicendarum ordine quid peccare videar, rem omnem accipe in hunc modum. I. habe, quinam ejusmodi Librorum Auctores fuerint. II. Ecquòdnam Jus iisdem comprehensum sit. III. Quo tempore nobis innotuere, ubi de vi quoque agam, quam apud nos habuerunt.

XI. Atque ut a primo ordiar, compertum habet tempore Friderici quosdam Istos Mediolanenses hujusmodi Libros conscripisse. Me tamen non fuit,

git, de veris auctoribus non idem semper visum. Ante Cujacium vulgo in hanc sententiam a Scriptoribus rerum Feudalium itum est, ejus collationis Auctorem præcipuum fuisse Obertum de Horto Advocatum, et Consulem Mediolanensem opera adjutum Gerardi Nigri Mediolanensis etiam consulis. Sed Cl. Cujacius Obertum primi Libri auctorem fuisse negat ex eo, quod in eo sententiæ aliquot exstent alibi ab eodem improbatæ. Quoniam vero illæ Gerardo Nigro tribuuntur, hunc ejus Libri auctorem Cuiacius facit. Atqui Cujacio hac in re nonnulli obstant in eo tantum, quod sibi non constare ajunt, an revera Gerardus Niger Auctor ejus Libri fuerit; Nam potius sibi persuadent, Anonimum ex Gerardi sententiis eum Librum composuisse. Adis Montanum in *Prælud. Feudalib. ad L. Imperialem*. Ne autem integrum secundum Librum Oberto adscriberet Cujacius movit et illud, quod in eodem multæ quoq. exstent sententiæ aliis Oberti sententiis contrariæ. Hinc eidem visum vigintiquinque Titulis secundum Librum definire, eundemq.

Ober-

Oberto addicere, reliquos Titulos in duos alios libros partiri, ac demum quinto Imperatorum nonnullorum Feudales leges recensere, quorum Librorum auctores incertos esse mavult. Id probatum a nostris quoque est, qui jam antea idem opinati; quamvis sibi non duxerunt Titulos alio modo partiri, ne scilicet essent incommodo Juris feudalis studiosis, ubi eosdem citare opus foret, quandoquidem duobus Libris in Decimam Collationem insertis Tituli omnes comprehendebantur, vel Gerardi dicas, vel Oberti, vel Anonymi. Verum heic postremo quæres, ecur in decimam collationem post Justiniani Novellas Libri illi duo descripti? Hujus rei hanc unam habeo causam, auctoritatem nempe, quam in universa Europa adepti, ut æquarint illam Codicum, quibus Leges civiles perscriptæ. Quare reprehendit haud immerito Jasonem, et Bartholum Carolus Molin. *ad Consuet. Paris. tit. De Feudis*, quippe qui rei causam dedisse male ajunt, quod Libri Feudales inter Juris civilis partes erant recensendi. Profecto rem hanc scite ipsimet

met tranſegiffent, ſi feudorum originem perſpectam habuiſſent. Hæc de Auctoribus.

XII. Ut autem pernoſcas, quæ ad Librorum iſtorum feudalium materiam pertinent, huc velim conſeras, quæ ſparſim Diſſertatione iſthac a me dicta ſunt. Næ tibi dedi primum Jus Feudale moribus tantum ſteſiſſe uſque ad Conradum Salicum. Quare varium fuit in Italia Feudale Jus propter populorum variandi libertatem in definiendis ſucceſſionibus, iſſque omnibus, quæ Feudorum propria eſſe Principes voluerunt. Habes enim Cremonenſes, Mediolanenſes, Placentinos, item Siculos, et Apulos varium Jus ſervaiſſe. Imo ne, quæ a majoribus noſtris probata, poſteri ignorarent, *deſetariis* libris feudales conſuetudines, quæ in Sicilia, et Apulia invaluerunt, paſſim deſcriptas paulo ſupra retuli, ut Siculi, Apulique quid ad fidem ſervandam opus eſſet, certum tenerent, quid que proprium. Jus a ceteris Italiae populis variaret, probe ſcirent. Quoniam vero Conrado Salico in mentem venit certas leges feudales promulgare, diffi-

difficile captu non est, ejus exemplo Imperatores, ac præsertim nostros Principes studuisse non paucis legibus feudalibus edendis. Hinc tam ingens numerus legum, ac consuetudinum feudalium evasit, ut desiderari ab omnibus ceperit integra earum collectio. Id sibi tribuerunt Mediolanenses Icti, qui duobus libris complecti curarunt consuetudines omnes Feudales Italiæ, ac constitutiones Imperatorum; quamvis causam me ignorare fateor, eccur sententias Legum Imperialium ad feuda pertinentium solum exscribere, interpretationesque ad easdem adjicere maluerint? Ex his duorum librorum materies a Ictis Mediolanensibus congesta est.

XIII. Nunc paucis de huiusmodi Librorum ætate, atque auctoritate, quæ præsertim a nostris iisdem tributa, ubi se nobis innotuerunt. Ac sane haud improbanda Petro Jannonio *Lib. xiii. cap. ult.* recte videtur Francisci de Andreis sententia, qui circa annum 1170. Libros Feudales prodiisse putat, non autem circa annum 1152. uti scriptum est ab Aréturo Duckio *De Jure Feud. l. 6.*
qui

qui fuit primus, quo Fridericus I. imperavit. Nam peritis rerum harum optime jam notum est, vel ante Fridericum I. ad manus Italorum eos libros fuisse. Atqui nostris Ictis post id tempus datum eos legere nemini adhuc dubium fuit. Id tamen difficile est adsequi, num sc. anno 1187. quo Henricus Rex Germaniæ nuptias contraxit cum Constantia Gulielmi cognomento Boni Regis nostri Amita, an vero anno 1190. quo Henricus idem pulsus Nortmandis Regni Neapolitani dominium adeptus, ejusmodi legum collectio ad manus nostrorum pervenerit. Si quid mihi hac in re arbitrari concedatur, aperte sentiam, sub Henrico Rege potius Libros Feudales excepisse nostros Ictos habendum esse. Sed nolim credas, eadem ætate publica auctoritate receptos, imo nec ulla peculiari posteriorum nostrorum Principum lege. Scio tamen, non paucis Doctoribus nostris placuisse, adfirmare, a Friderico II. Imperatore publica auctoritate libros feudales probatos, missosque primum ab eodem Bononiam; Quinimmo iidem malant eundem jussisse, ut non solum a Bo-

Bononiensibus Professoribus explicarentur, verum etiam cavisse, ut ab Ugolino in decimam collationem post Novellas infererentur. Verum duo sunt, quæ eorum sententiæ mire adversantur. I. est, a Bononiensibus diu antea Feudales libros perfectos, explicatosque; Id satis præclare ostendunt Glossæ Bulgari in eisdem, qui usque ad ætatem Friderici I. in Academia Bononiensi Jus professus est, atque ita habitus ab eodem Imperatore, ut Urbis Præfectus creatus fuerit. Bulgaro adjungito Pileum, aliosque quos recenset Arctur. Duck. l. 6. qui ante Fridericum Glossis enodare difficiliora loca Juris Feudalis contenderunt. II. est deesse legem, ac Scriptorem ullum, quibus id confirmari queat. Et certe fraudi fuit iis omnibus, qui pro publica auctoritate librorum Feudalium steterunt, Odofredi locus in *Auth. cassa Cod. de SS. Eccles.* sibi enim persuaserunt, Odofredum eo loci scripsisse, Fridericum Bononiensibus Professoribus id muneris dedisse, ut Libros Feudales in Academia Bononiensi explicarent, ut facile cuivis esset, leges seu-

feudales addiscere, easque ad fori usum comparare. Sed male. Equidem puto, aut Odofredum eos nequaquam consuluisset, aut pro arbitrio suo citare eundem maluisse, ut, quid sibi placeret, non sine aliqua auctoritate staret, data posteris cura, ut veritati litarent, ipsum Odofredum adeundi. Et quidem Odofredus Fridericum tantum effecisse ait, ut Professores Bononienses constitutiones suas, aliorumque Occidentalium Imperatorum Feudorum Jura spectantes ad manus haberent, ut sc. quæque Titulis Codicis subjicerentur, ubi Juri Romano adversarentur, quemadmodum Irnerius, vel quisquis alius, Novellas Justiniani in Codicem inseruerat. Id quod revera scribit Odofredus, luculenter demonstrant Authentica *cassa et irrita C. de SS. Eccles. Sacramenta Puberum C. si advers. vendit. habita C. Ne Filius pro Patre exceptæ* ex totidem Friderici I. constitutionibus, quas habes Titulis *De Statut. & Consuetud. De Pace tenenda, et De Privilegiis honor. art. &c.* Neque te turbet porro, quod ab Ugolino factum idem Odofredus tradit; is enim tantum testatur, Ugo-


Ugolinum pro Ingenio suo Feudali-
 Legum Libris alias Imperatorum consti-
 tutiones feudales adjunxisse, indeq. factum,
 ut antiqui Doctores Ugolini opus Deci-
 mam Collationem nominarint prosequen-
 tes ordinem aliarum novem Collationum,
 quibus Novellæ Justiniani descriptæ. Igi-
 tur qui ex uno Odofredi loco conan-
 tur Mediolanensium Iſtorum operi Im-
 peratoriam auctoritatem adserere, falsi
 omnino sunt. Quamobrem, ne te diutius
 morer, certum modo tibi sit, Feudale
 Iſtorum Bononiensium opus tacito Prin-
 cipum non Italiæ tantum, sed to-
 tius Europæ consensu probatum, modo
 quæ leges ab iisdem collatæ propriis
 cujusque Regni consuetudinibus, ac le-
 gibus non obstarent, uti rectè docet
 Carolus Molinæus *ad Consuet. Paris. tit.*
 8. Et quamvis, (ne ab iis, quæ in hoc
 Regno recepta, discedam) auctor Glos-
 sæ in Constit. *Ut de Successionibus. De Suc-*
cess. Nobilium v. injuriam nullus vers. nec
dicant aliqui contrarium ostendere videat-
 ur, ubi memorat Iſtorum, qui sua
 ætate floruerunt, variantes sententias de
 hujusmodi librorum auctoritate; non-
 M nullos

nullos enim refert, in ea sententia fuisse, ne quidem deferendum esse libris Feudalibus, si municipales leges deficerent, tamen post Fridericum II. nulla antiquissimæ istius disputationis habita ratio, usuque receptum sub Andegavensibus, atque posterioribus Principibus, quidquid in iisdem comprehensum, rejectis tantum quæ nostrorum Principum Feudalibus legibus adversarentur, Quod plane satis luculenter confirmant sexcenti Interpretes Hispani, Germani, Galli, Italique, ac præsertim inter nostrates celeberrimus vir Andreas de Isernia, qui passim omnem operam dederunt, Glossis, commentariisque consuetudines Feudales a Mediolanensibus collectas suo nitore restituere. Vide, quæ hac de re tradit Jannonius *Hist. Civ. Lib. XIII. Cap. ult. §. II.*

XIV. Quæ hæcenus a me longa oratione præter opinionem meam de usu, et auctoritate Legum Feudalium per varias ætates in hoc Regno Neapolitano disputata sunt, brevi nunc colligam. Et primum quidem Feudales quasdam consuetudines in usu fuisse Doctorum

Etorum virorum testimoniis probatum a
 me habes. Earum originem Langobar-
 dis tribuamus oportet, quæ, quia ex-
 creverunt, duobus Codicibus collectæ,
 quorum alter MS. in Bibliotheca Ca-
 venfi prostat, alter editus fuit; inde-
 que natum *Jus commune Feudale*. Sub
 Rogerio primum Leges scriptas Feuda-
 les in Regno Neap. fervari cæpisse por-
 ro docui, quamvis eas condere cæpe-
 runt exemplo Conradi Salici tum no-
 stri Principes Nortmandi, e quorum ge-
 nere Rogerius fuit, tum alii posteriores,
 cum Conradus primus de Feudis Leges
 scriptas dederit, Quare invaluisse po-
 stea apud nos in Feudis discrimen
 inter Jus Longobardorum, et Franco-
 rum notatum quoque est. Hinc gradum
 feci ad Libros Feudales Iætorum Medio-
 lanensium, qui nostris majoribus sub Sve-
 vis, vel paulo ante innotuere. Quorum
 opera hæc fuit, consuetudines varias Feu-
 dales Italicorum, ac leges Imperatorum
 Occidentalium ad Feuda spectantes in u-
 num corpus conferre. Sed nonnisi usu apud
 omnes ferme Europæ gentes tales libros
 probatos animadverti. Reliquum nunc est,

ut advertas , Leges Feudales Principum nostrorum Nortmandorum primum a Friderico in suum Constitutionum Volumen opera Petri de Vineis editum insertas , quibus non paucas pro suo Jure adjecit . Quamobrem post Fridericum tutius de Feudalibus controversiis judicatum . Tractu vero temporis novas promulgarunt successores Principes nostri , quæ in aliis Codicibus Legum Neapolitanarum perlegi queunt , His Feudale Jus Neapolitanum constituitur , Verum ubi desunt capita Juris hujus Feudalis , quod inter partes Juris Municipalis recensetur , manum dari ad rem tene illis omnibus , quæ in Libris Feudalibus Istorum Mediolanensium continentur , Atque hæc habui , quæ tibi dicerem de usu , & auctoritate Legum Feudalium in Regno Neapolitano .



§. XXIV. Nunc de Legibus Regum Andegavensium , Et quidem ubi Regnum ad Andegavenses transit , leges hæc in Regno Neapolitano viguisse compertum habet , nempe patrias consuetudi-

tudines, Langobardas leges, Constitutiones in Friderici Codicem insertas, quæ Nortmandorum Regum placita complexæ sunt, ac demum Romanas leges. Id præ ceteris testatur Marinus de Caramanico, qui temporibus hisce vixit, in Procem. Constitut. Regni: *Licet vero, inquit, Regnum desierit subesse Imperio, tamen Jura Romana in Regno per annos plurimos convenientia Regum, qui fuerunt pro tempore, servata diutius consensu tacito remanserunt... imo expressim servantur, & corroborantur in compilatione Constitutionum istarum, ubi neque Constitutiones hæ, seu adprobata Regni consuetudines non obsistunt.* At Carolus I. Andegavensis primum quod a Legibus Romanis, Longobardis, consuetudinibus, ac Nortmandorum legibus cautum servari jussit, mox tamen excepit eas constitutiones, quarum Fridericus auctor fuit, postquam a Concilio depositus; noluit enim his vim Juris tribui. Sane tunc temporis certi Juris videri cepit, posse Reges, atque Imperatores Regnis suis, atque Imperio a Romanis Pontificibus expelli, ac proinde Principes, ubi id

pati cogerentur condendarum legum potestatem amittere. Quod num probarint Andegavenſes ex industria, an vero quod ita ſentire fas juſque erat, definire non debeo, ne in tricas me conſiciam. Ad ſi diſcere, quæ huc ſpectant, viſ *Æliam Du-Pinum in De Antiqua Eccleſiæ Diſciplinâ*, et Auctorem *Hiſt. Civ. Neapolitanæ*. Ceterum quod leges omnes, quas Carolus retineri ſtatuit pro rerum publicarum regimine, tales non eſſe novit, ut univerſorum ſubditorum optimo iisdem conſuleretur, quorum tranquillitati, ac juribus cuſtodiendis incumbere oportebat poſt tot bellorum incommoda, novas condidit, ut publicæ rei pro ingenio ſuo ſatiſfaceret, quas pro more Gallorum Capitula, & Capitularia nuncupavit. Atqui Capitulorum Caroli I. alia Neapolitanis, et Siculis communia fue-
re, alia Siculis peculiaria, quamvis haud diu in Sicilia Regno obtinuerunt: quandoquidem Siculi, poſtquam a Carolo defecerunt, alias leges præter Aragonenſium Capitula non agnoverunt. Poſt Carolum I. alii Reges Andegavenſes non deſierunt nova Capitula edere. Et ſua quidem

dem Capitula promulgavit Carolus alter Caroli I. filius, qui cum absente Patre Regnum Jure Vicario regeret novas leges, quæ *Constitutiones Principis Salernitani* dicuntur, Neapolitanis tantum dedit, idque in Capitulorum Proœmio palam professus est. Sed ubi Rex factus alia condidit Capitula, quæ incipiunt a Titulo *de Inquisitionibus, usque conscribendis*. Nolim tamen heic putes, Carolum II. Capitulis suis conscribendis usum opera Andreæ de Ifernia, uti perperam visum Antonio de Nigris *ad Capitulum* 138. cum probatum jamdiu sit Bartholomæi de Capua Regni Protonotarii, ac summi ejus ætatis Jurisconsulti opera nova Caroli II. capitula prodiisse. Robertus quoque alia edidit Capitula, quibus conscribendis, dum viveret, operam dedit idem Bartholomæus de Capua jussu Roberti, eoque mortuo Joannes Grillus Salernitanus, qui Regni Vice-Protonotarius erat. Verum præter hæc Roberti Capitula, quæ Bartholomæus de Capua, & Joannes Grillus collegerunt, alia occurrunt ejusdem Roberti, quæ per Magistros rationales haud abs re descripta

fuerunt, cum ea spectarent, quæ ad Principis Patrimonium pertinerent. His capitulis accensenda quoque sunt alia Caroli Roberti filii Ducis Calabriae, ac Regni Vicarii cum per Joannem Grillum promulgata, tum per Magistros rationales, pauca quædam Reginae Joannæ, quæ Carolo huic Roberti filio successit, unum Ladislai, quo vetitum Notariis pro Baronibus, quibus subessent, stipulari, & unum Isabellæ, quod exstat inter Ritus M. C. V. An vero ceteri Reges Andegavenſes nova Capitula protulerunt, penitus ignoramus. Atque ex his sane integrum Capitulorum volumen confectum est, quod hodiernum inter Codices Juris Neapolitani pro temporum ordine secundo loco numeratur. Quoniam vero ejus auctoritas semper maximi habita, ex nostris Doctoribus nonnulli capitulis quibusque vel glossis, vel luculentissimis commentariis lucem affundere sategerunt. Primi, qui tale opus aggressi, fuere Bartolomæus de Capua, Joannes Grillus, et Andreas de Ifernìa, quibus passim succedere Napodanus, Nicolaus Neapolitanus, Lucas de Penna, Nicolaus Superan-

rantius , Joannes Crispanus , Angelus Pisanellus , alique . At commendes opus est heic Auctoris historiæ Civilis diligentiam , qui *Lib.xx.Cap.ult.* pro temporum ordine seriem Capitulorum Regum Andegavenſium breviter digeſſit , quod quidem nemo alius antea præſtitit , ut facile eſſet cuivis ea recte intelligere , quippe quæ poſthabita neceſſaria methodo peculiari volumine a collectoribus comprehenſa fuerunt .

§. XXV. Atqui non tantum capitula edere Andegavenſes curarunt , verum & antiquis conſuetudinibus componendis operam omnem navarunt , ut utilitati etiam ſingulis urbibus , ſubdiſque eſſent . Sic Carolus II. maxime ſtudit , ut urbis noſtræ conſuetudines ſcripto committerentur . Et ſane hac in re utiliter ſeſe geſſit Carolus , quod primus certas conſuetudines Neapolitanas effecit , quæ antea adeo incertæ erant , ut ab arbitrio Litigatorum penderent , qui plerumque falſis teſtium de poſitionibus freti conſuetudines falſas pro veris opponebant . Ergo ſapienter quidem Carolus II. Philippo Minutolo Archiepiſcopo
Neap.

Neap. imponere sibi duxit, cujus in rebus gerendis dexteritas mira erat, ut duodecim peritis, probisque viris advocatis ex consilio Professorum Regiæ nostræ Academiae veras consuetudines describeret. Ita Consuetudinum Liber conscriptus est. Verum ubi Carolo oblatum, is liber, continuo idem jussit, ut Bartholomæo de Capua tunc temporis Magno Protonotario traderetur, ut si quæ essent emendatione digna, ab eodem emendarentur. Hinc postquam Codex a Bartholomæo de Capua emendatus, a Carolo confirmatus fuit anno 1306. defuncto jam Minutolo, cautumque, ut consuetudines, quæ in eo Libro comprehenderentur, vim in Judiciis haberent, ac rejicerentur omnino, si quæ aliæ a Cassidicis producerentur. At quoniam Carolus Consuetudines Antiquissimas in *Prooemio Constitut.* dixit, sibi haud pauci persuaferunt Consuetudines Neapolitanas *αυστὴν* derivasse ex antiquissimis illis legibus, quas Neapolitani adhibuere, dum Demarchis, & Archontibus subessent. Sed desunt argumenta, quibus hæc sententia stare tuto

tuto queat. Verisimilius mihi fit, quod Auctor Historiæ Civilis docet *Lib. xxi. cap. ult.*, qui potius ex Novellis græcorum Imperatorum, qui recentioribus temporibus Neapoli imperarunt, Consuetudines nostras profectas ait. Id quod revera non ambiget, quisquis conferre studebit potiora, quæ in Consuetudinibus descripta cum Novellis ipsis Græcorum Imperatorum. Atque has consuetudines primus omnium interpretari cepit Joanna I. imperante Caroli Pronepte *Sebastianus de Neapoli*, qui vulgo Napodanus dictus, cujus in consuetudines commentarius ita probatus a Doctoribus, ut diu ferme vim eandem, quæ ipsis Consuetudinibus a Carolo tributa fuit, exceperit. Quare factum, ut ubi difficultates oboriantur in consuetudinibus recte intelligendis, atque vel verborum ambiguitate, vel obscuritate difficiles captu sint, Napodanum sequi moris sit ad eas supplendas, aut explicandas. Post Napodanum Commentarios consuetudinibus addidere Doctores alii; quamvis eorum alii *adnotationibus*, alii *decisionibus*, alii *additamentis* contenderunt

derunt consuetudines latius illustrare. Tales fuere Antonius de Alexandro, Stephanus Gaeta, Matthæus Afflictus, Antonius Capycius, Marinus Freccia, Molpheſius, Vincentius de Franchis, Bartholomæus Martialis, nuperrime Carolus de Roſa, ſexcentique alii. Atqui habe, tot ad noſtras Conſuetudines commentarios minime effeciſſe, ut ipſarum ſententiam penitus noſcere facile eſſet, ſiquidem tum verborum, ac ſententiarum difficultate, tum tot Interpretum variantibus ſententiis adeo tenebris obſita Conſuetudinum intelligentia, ut nihil ſupra.

§. XXVI. Nolim tamen putes, ſub Andegavenſibus ex peculiari Caroli II. beneficio Conſuetudinum Neapolitanarum volumen tantum prodiſſe; Nam nonnullis aliis Regni Neapolitani urbibus datum quoque ſuas conſuetudines Regia auctoritate confirmatas proponere, ac ſuo quaſque uſui adſcribere. Et quidem Barienſes, qui diu ſub Langobardorum dominatione fuerunt, conſuetudines ſuas primum Rogerio, tum Carolo I. obtulerunt a Langobardorum moribus haud dif-

diffonas , ut Regia auctoritate firma-
rent , quorum primus plane , ut legi-
tur in Procem. Consuetud. Bar. *Œ lau-
davit , Œ servavit illas : imo potius
suo inclyto favore firmavit , Œ eis per-
lectis demum robur suæ constitutionis in-
dulsit*. Consuetudines autem has duo e-
gregii ejus ætatis Icti collegerunt, nempe
Andreas Bariensis, & Sparanus, qui plane
Consuetudines Bariensium exscribere stu-
duerunt ea elegantia , qua nequaquam
postmodum Neapolitanæ Consuetudines
descriptæ fuerunt, cum certum, indubi-
tatumque sit , Consuetudines Barienses
stilo , atque ordine Neapolitanis maxi-
me præstare . Ut haud immerito sit , cur
adhuc conquerantur Barienses , Vincen-
tium Maxillam , qui ad Barienses Con-
suetudines interpretandas anno 1550.
manus admovit , rem , uti opus erat ,
non perfecisse , quippe qui neque origi-
nes consuetudinum (quod haud difficile
erat tunc temporis persequi) aperuit ,
quod ignarus omnino fuit Legum Lan-
gobardarum , ex quibus enatæ ejusmodi
consuetudines , neque ea latinitate res
suas donavit , ut saltem cum stylum re-
dole-

dolerent, quo ipsæmet consuetudines descriptæ. Id quod si umquam Interpretes consuetudinum Neapolitanarum minime præstiterunt, non est, cur doleamus, siquidem incerta est nostrarum Consuetudinum origo, atque nequaquam datum consuetudines eleganti stilo descriptas fortiri, ceu Barensius datum, quandoquidem Bartholomæo de Capua Consuetudines Neapolitanas edere placuit *in stilo dictaminis eorundem Civium: ut magis proprie illarum usualia verba remanerent*, uti habetur in *Proœmio Consuetud. Neap.* Ceterum quod Bariensium primum, tum vero Neapolitanorum gratia factum, deinceps idem expeditum quoque in nonnullis Regni nostri Civitatibus, quibus imitari placuit eorundem exemplum. Sic Averfani suas consuetudines scripto comprehenderunt, quæ hodie num ad manus sunt commentariis Nuntii Pellicciæ. Capuani suas habent a Flavio Ventriglia viro nobili Capuano illustratas. Cajetanis non desunt quoque peculiare consuetudines scripto mandata. His demum adde (satis enim sit præcipuos quosdam civita-

tum

tum nostrarum accolae memorasse) Amalphitanos, & Catacios, quorum illi suas Consuetudines habent a Joanne Augustinaricio collectas, qui obiit anno 1282. hi vero suarum interpretem habuere Joannem Franciscum Paparum.

§. XXVII. Accesserunt porro Ritus Regiae Camerae, ac Ritus M. C. Vic, qui etiam sub Andegavenfibus in lucem prodierunt. Sed de his fingulatim. Et quod quidem fpectat ad Ritus R. Camerae, duo funt omnino animadvertenda, quorum altero praestare oportet, equifnam Auctor fuerit ejus Codicis, in quem Ritus R. Camerae inferri, altero vero, quanam capita Juris Neapolitani in eodem defcripta. De Auctore luculentiffima funt testimonia apud Auctorem Historiae Civilis Neap. lib. xxxii. cap. vi. quibus evidentiffime probatur, Andream de Ifernia Rituum R. Camerae opus deberi. At me praeteris movet testimonium illud, quod defumitur ex Codice MS. qui in Archivio Reg. Camerae etiamnum exftat, quo is Codex ita infcribitur: *Ritus Domini Andreae de Ifernia fuper univerfis Juribus Dohana-*

rum

rum &c. Igitur habes jam Auctorem. Ritus autem, quos Andreas collegit, excepit ex Libris, quibus passim opera Magistrorum Rationalium descripta Jura ad Fiscales redditus, atque ad Regalia pertinentia, eorumque, qui Ærarii administrationi vacarent. Quod Magistrorum Rationalium operam laudavi in ritibus conscribendis, ne mireris; olim enim Tribunal Cameræ, quod primum Auditorium rationum, tum Audientia Summaria, ac demum Camera Summaria dictum, a Magistris rationalibus regebatur, quorum erat controversias, quæ de Jure Reddituum Fiscalium, ac de Regaliis nascebantur, definire. Ne igitur novis in dies controversiis super iisdem rebus danda esset semper opera, illas novo Judicio definire, describere Magistri Rationales ceperunt, quæ quæ sua auctoritate definebant, ut scilicet, si quid novi porro oboriretur in controversiis Fiscalibus, quod jam definitum, vetus definitio nulla interjecta mora controversiam omnem præsto dirimeret. Atque hinc origo est Rituum R. Cam., quos colligere sibi duxit

xit Andreas de Isernia, ut omnium oculis subjicerentur. Id quod antea non omnibus dabatur, cum penuria Manuscriptorum Codicum, quibus ejusmodi ritus exscribebantur, turpiter, quidquid iis comprehensum, ignorare esset necesse. Cur autem *Jura Imperialia* ritus hosce Andreas appellarit, a Scriptoribus rerum nostrarum explicatum jam est, qui plane affirmant, id nomen ritibus Regiæ Cameræ inditum ab Isernia, non quod Fridericus eosdem colligi curarit, quemadmodum ejus jussu Constitutiones collectas paulo supra dictum est: verum quod Fridericus ipse nonnullos ritus veteres, qui fortasse exsoleverant, iterum in usum revocarit. Quare peculiare quoddam discrimen ejusmodi rituum in Collectione Andree advertere est; ibi enim ritus, qui sub Nortmandis obtinere, *Jura vetera*, qui porro a Friderico introducti, *Jura nova*, sive *imperialia* appellantur. Ad ultimum Andree de Isernia Collectionem maximi semper habitam scito, ita ut ritus, quos ipse collegit, in Foro laudari in controversiis omnibus cæperint, ac si Regia auctoritate fuissent confirmati, atque valent etiamnum, modo

paucos excipias, qui tractu temporis per *Arresta*, uti vocant, R. Cam., abrogati fuerunt, quorum Arrestor. Collectioni studuit Cl. Regens de Marinis. Exinde factum, ut suos Ritus isti habuerint Interpretes. Sed duo meo quidem iudicio mentionem heic merentur, nempe Goffredus de Gajeta, & Anonimus. Horum primus sæculo XV. doctissimos commentarios in ritus edidit, alter sæculo XVI. notas Iserniæ Collectioni adjunxit, qui ubi adnotationibus antiquas controversias agit, Goffredum de Gajeta antiquiorem Interpretem, Afflictum, aliosque sæculi XVI. Scriptores sæpissime laudat, novas autem ubi tractat, consiliorum ac Decretorum Reg. Cam. dum viveret, & paulo ante etiam editorum, mentionem facit non sine maxima utilitate eorum omnium, qui Jurisprudentiæ Neap. operam dant. Itaque his nolim ullo modo comparere Cæsarem Nicolaum Pisanum I. Etum Neapolitanum, qui anno 1699. novam rituum Reg. Cameræ editionem curavit insertis in unum volumen una cum suis commentariis futilibus, minimeque ad res ipsas, quæ erant interpretandæ, opportunis aliis commentariis, & ad-

& adnotationibus Goffredi, & Anonymi. Sane opportunius fuisset Pisano, sese a tot curis abstinere, suæque estimationi melius consulere.

§. XXVIII. Nunc venio ad Ritus M. Curiae, quorum originem a Regina Joanna II. repetere. Ea enim cum plenissime noverit, Judiciorum ordinem varium esse, quod ritus judicandi incerti, variique essent, curare capit, ut certi ritus instituerentur, qui solum in Judiciis valerent. Ne tamen teneas, omnes, quot scilicet Rituum Codex habet, sub Reginae initium prodiisse. Nam constat Joannam diverso tempore ritus M. C. instituisse. Immo veri speciem habet, plerisque prodiisse eo tempore, quod interfuit inter annos 1424. & 1431. Per id enim tempus, quod Joannae imperio reliquum fuit, ritibus instituendis ferme nullam operam dari potuisse exploratum est ob dissidia, ac tumultus, quibus mirum in modum Joannae, ac Regni tranquillitas turbata. Atqui fuere demum ejusdem Jussu omnes ritus in unum volumen collecti, Regiaeque auctoritate firmati. Quo factum, ut deinceps non alii ritus in Judiciis adhibiti, nisi qui in Reginae

Joannæ volumine comprehensi ; ne ordo Judiciorum deinceps maximo litigatorum incommodo variaret. Sane aperte sancivit Joanna , ut omnes Regiæ Curiaë in causis , Judiciis-que eo libro uterentur. Ita ritus Magnæ Curiaë prodire . Nunc tamen restat , ut hæc tria , quæ momentum faciunt hac in re , a me enarrentur. I. est , Doctores nostros diu multumque adlaborasse , ut suis numeris distingui , ac laudari hujusmodi ritus possent. Qui labor certe haud levis fuit. Nam primum nullis titulis , nullisque numeris distinctos ritus scimus ; Hinc lectoribus id oneris imponebatur , ut recte eorum sententias pernoscerent , alios ab aliis distinguere . Idque profecto pro sæculi more factum puta ; quandoquidem ea ætate , qua tale opus in lucem emissum nulla notarum , numerorum , ac titulorum interjectione Libros plerumque edi in more positum fuisse apud historicos mediæ ævi compertum est. Igitur opera eorum , qui ritus interpretati sunt , tene hodie CCCXI. numerari , ac per numeros , ubi opus est , citari. II. est , Ritus hosce , qui hodie M. C. V. ritus

no-

nominantur, a Joanna ritus Curiae Magistri Justitiarum, & Curiae Vicarii haud abs re appellari. Sed qui factum quaeres, ut olim duarum Curiarum ritus fuerint nuncupati, postmodum vero unius dicti? Non aliam profecto causam tradi posse censent Viri docti, nisi hanc unam, quod ætate Reginae Joannæ, qua vigeat adhuc Tribunal Vicarii, quod a Carolo I. institutum volunt (habebis de Origine hujus Tribunalis plura in *De Jurisdictione, atque Origine Magistratum Neapolitanorum*), Curia Magistri Justitiarum, & Vicarii distincta Tribunalia erant. Hinc oportuit, ritus amborum Curiarum nomine inscribere. Spectant huc verba ritus CCCXI. quo primum Regina Joanna nonnullis privilegiis Neapolitanos donavit, tum ut in omnibus Regni Curis eadem servarentur, sancivit in hunc modum: *quod nulla Curia Civitatis Neapolitanæ tam scilicet M. Curia Domini Magistri Justitiarum Regni Siciliae, seu ejus Locumtenentis, ac Regentis Curiam Vicariæ, quam Capitaneorum, vel aliorum Officialium &c.* Vides jam aperte memorari Curiam M. Justitiarum,

tiarii, & Curiam Vicariæ. De Capitaneis te heic non morabor, ne excurrat oratio. Verum cum deinceps Curia Magistri Justitiarum, & Curia Vicarii in unam Curiam coaluerint, ritus conjunctim significari cæperunt nomine Mag. Curie Vicarii, seu, uti vulgo placuit, Vicariæ. Sunt qui sub Alphonso discrimen omne Curiarum sublatum scribunt; quamvis ex verbis ritus 289. quo lex occurrit Isabellæ Vicariæ Regis Renati, qui postremus fuit Regum Andegavensium, præclare deducatur vel ante Alphonsum Magnam Curiam Vicarii, & Magistri Justitiarum nullo discrimine nominari cæpisse: *Magnifico Raymundo de Ursinis* (hæc sunt verba Isabellæ, quæ rem explicant) *ac Magistro Justituario R. Sicilia, & ejus Locumtenenti, necnon Regenti M. Curiam nostræ Vicariæ*. Quibus verbis Raymundus M. C. Vicariæ tamquam, unius Curie Regens inscribitur. Sed hac de re fusius alibi erit sermo. Quod postremo loco animadvertendum duxi, mox accipe. Et sane est, cur ad ultimum advertas, vim omnem ad nostra hæc usque tempora servasse

ritus

ritus hosce, ac maxime hodiernum adhiberi ad Judicia recte prosequenda. Quare admirationi nunquam fuit, doctos viros eos interpretari summo studio curasse. Primus, qui commentarios edere in ritus cepit, fuit Annibal Troysius, quibus finis ab eodem impositus anno 1542. ut ipsemet testatur in fine sui operis. His Troysii commentariis nonnullas notulas lectu haud indignas addiderunt Cæsar Perrinus, Michael Troysius, & Hieronymus Lambertus. Verum tum horum omnium, tum aliorum, qui ad ritus explicandos accesserunt, famæ obviam itum a Prospero Caravita, & Regente Petra, quippe qui longe melius quam ceteri ritus hosce explicarunt. Haud tamen ignoro Regentem Petram culpam, quod inutilibus quæstionibus, ac disputationibus a rebus explicandis omnino alienis opus suum auxerit, evulgaritque. Atque hæc mihi visa sunt relatu digna de Ritibus Regiæ Camerae, & M. C. Vicariæ, ac de iis, quæ Andegavenfes præstiterunt per id tempus omne, quo regnarunt. Nunc res ipsa postulat, ut enarrentur ea, quæ a

posterioribus Principibus nostris gesta, ut rite constet, ecquænam Juris Neapolitani fata fuerint ad nostra usque tempora.

§. XXIX. Ac sane Aragonenses, qui post Andegavenſes Regni Neap. regimen ſuſceperunt, ſub initium Leges Romanas maxime commendarunt. Quare factum, ut non ſolum Jus Romanum unice explicari a noſtris Regiis Profeſſoribus, & Forenſibus cæperit, qui ſummo ſtudio tantum laborem ſuſceperunt, ut quid ſua ætate factu opus eſſet, recte proſequerentur, verum etiam Langobardarum legum uſus omnino ceſſarit. Nec te obturbet Jannonius, qui *Lib. xxv. cap. viii.* ſaltem quædam Capita Juris Langobardici perennare ait, argumento præſertim deſumto ex Mundaldorum perpetuo in quibuſdam Regni locis uſu, qui etiamnum ad obligationes mulierum rite contrahendas vocari ſolent; nihil enim tale argumentum, uti & ſimilia, valet, cum potius id Inſtitutum ſit peculiari quorundam locorum Conſuetudini tribuendum, in quibus quod a majoribus pro jure acce-

ceptum, a posteris tamquam consuetudo retentum. Verum sibi habuerunt Aragonenses exemplo Nortmandorum ducti, Suevorum, & Andegavensium, qui Constitutiones, & Capitularia, sive Capitula promulgarunt, ut novis legibus Regnum ad tranquillitatem eo magis compo-
nerent, sibiq. animos Subditorum devincerent, suas leges quoque edere Pragmaticarum nomine. Sed priusquam Pragmaticis edendis initium daretur ab Alphonso primo Aragonensium Rege, ex tanti quoque Principis beneficio prodire aliquot Capitula, quibus nonnulla Privilegia Neapolitanis concessa continebantur. Hinc opportunum est, te monere, Capitula isthæc adjectis sequentium Principum aliis codicem integrum confecisse. Nam cum privilegiis Neapolitanis donandis vacaverint ceteri Reges nostri, qui Alphonsum secuti, hæc adeo excrevere, ut in peculiarem codicem redigi necessarium visum fuerit. Qui primus omnium Capitulorum Regni Volumen publici Juris fecit, fuit Nicolaus de Bottis; is enim anno 1588. complexus est peculiari volumine, quot
quot

quot Privilegia majoribus nostris donarunt Alphonsus I. Ferdinandus I. Alphonsus II. Ferdinandus II. Federicus, Ferdinandus Catholicus, Carolus V. & Philippus II. Quoniam vero ex novis beneficiis Philippi II. aliorumque Regum, puta Philippi III. & IV. Caroli II. & Caroli VI. nova deinceps accesserunt privilegia, natum exinde alterum volumen, quo anno 1719. horum Regum Privilegia collecta fuere. En igitur breviter demonstratum tibi a me est, quidquid ad Capitulorum, seu Privilegiorum Regni historiam pertinet. Nunc redeo ad ea, quæ de Pragmaticis Aragonensium dicenda. Et harum quidem, quarum initium ab ipso Rege Alphonso fuit, immanis ferme numerus evasit. Earum volumen primum prodiit anno 1558. Tum Venetiis typis editæ, atque in calce voluminis descriptæ, quo complexus Venerus editor Constitutiones Friderici, Ritus, & Capitula Andegavensium Regum: mox accessit tertia editio profecto accuratior, quæ anno 1590. & 1591. prodiit. Deinde curantibus Scipione Rovito, & Blasio Altimari aliæ editiones concinnatæ.

De-

Demum anno 1715. integra collectio habita. Sed post hanc nova adhuc desideratur, cum novis Pragmaticis, ac præsertim illis, quas Augustissimus Carolus Rex Catholicus condidit, aliud editis jam voluminibus addi posse nesciat nemo; quamvis commodo caussidicorum, eorumque, qui novissima instituta ex Pragmaticis novis inducta nolunt ignorare, peculiare haud diu volumen pro industria cujusdam Typographi sit confectum. Ex his colliges profecto, Pragmaticarum numerum ingentem evasisse, difficiliusque captu jus Neap. reddidisse & multitudine, & origine varia, qua fit, ut non paucæ posteriores præcedentibus derogent, nonnullas quoque abrogent. Hinc Interpretes nonnullos, si lubet, ad Pragmaticas hasce consulere poteris, nullum tamen invenies, qui omnes explicarit. Habe, Annibalem Troisium anno 1477. primum omnium, post Troisium, Joannem Angelum Pisanelum, Marcum Antonium Pulverinum, Scipionem Rovitum, aliosque Pragmaticas suis commentariis illustrare studuisse, singulas tamen non exposuisse singulos novimus, quod quisque

que earum interpretres esse debuerit, quæ promulgatæ jam erant, antequam ad earumdem explicationem animum adpelleret.

§. XXX. Ergo quæ hætenus dicta, fatis luculenter demonstrant, ni fallor, varia Juris Neapolitani fata, postquam strenuitate Rogerii regiones nostræ in Regni formam abierunt. Exploratum tibi jam est ex Nortmandorum, ac Suevorum Constitutionibus integrum Volumen *Constitutionum* in lucem emissum, quarum colligendarum Auctor fuit Fridericus II. Andegavenſes Capitula, ritus judicandi instituisse, ac locorum nonnullorum Consuetudinibus, ac præsertim Neapolis vim Juris tribuisse. Aragonenses Privilegiorum, ac Pragmaticarum promulgationi vacasse. Quare pro vario hoc Principum nostrorum ingenio hisce legibus universum Jus Neapolitanum contineri tuto affirmaveris, nempe Constitutionibus, Capitulis, Ritibus, Consuetudinibus, Privilegiis, & Pragmaticis, quæ peculiaribus codicibus exhiberi non est, cur enarrem. Atque hinc velim doleas, ubi noveris

im-

immenſa hac legum multitudine diverſis Codicibus vario tempore deſcriptarum laborare jamdiu noſtros cæpiſſe. Etenim eo ventum, ut ſæpiſſime quid Juris obtinere debeat, ignoretur, cum in obſcuro ſit perſæpe, quæ vel Conſtitutionum, vel Pragmaticarum, &c. capita vim habeant. At certe non dabitur nobis amplius hiſce malis premi, ſi Codex prodibit, cujus editioni juſſu Inviſtiſſimi Regis Caroli, qui nunc in Hiſpania regnat, decem abhinc annis viri ſelectiſſimi, ac noſtræ ætatis ſummi Iſti ſtudent; ſic enim nobis cedit, præclare ea perdiſcere, quæ ſunt adhibenda vel ad ſcientiæ Juris Neap. rectam intelligentiam, vel ad Fori uſum.

§.XXXI. Verum non deerit fortasſe, qui me carpat, quòd ad finem Hiſtoriam Juris Neap. jam perduxerim, atque Codices, quibus Neap. Jus comprehenditur, jam recensuerim, miſſos tamen hætenus fecerim ſexcentos illos libros, ex quibus vulgo putatur, Jurisprudentiæ Neap. maximam partem, ac forſan meliorem, conſtari. Tales equidem habeo dici eos omnes, in quibus *Conſiliorum*, *Allegationum*,
Di-

Disceptationum, *Singularium*, ac *Decisionum* ingens numerus non sine improbo labore collectarum proponitur. Atqui aperte fateor, me facti nequaquam poenitere; siquidem quidquid de istorum auctoritate sentio, probaveris. Ac primum nolim; te lateat ejusmodi librorum origo. Tene jamdiu Caussidicos nostros studio partium plerumque abreptos illinere chartis consuevisse, quæcumque sibi visa fuerunt opportuniora ad controversias pro ingenio suo definiendas. Hinc ne eadem oculos, ac manus effugerent nostrorum, quos suorum laborum vindices, atque laudatores maluerunt, in publicum edere sategerunt variis illis scriptorum nominibus, quæ quæ per calorem, ac concertationis æstum scripserunt, ut sc. pro prudentium responsis haberentur. En prudentum istorum operum origo. Ecquid igitur concedendum est iis, qui lucri spe moti per mille ambages, ac mæandros id tantum laborarunt, ut prævaleret non quid juri consonaret, sed quidquid sibi suffragaretur. Quamobrem gratuleris oportet huic ætati, qua

qua ex consilio Sapientum Virorum , quibus urbs nostra , ac Regnum circumfluit , non amplius videntur Adolescentes mirari ea scripta , quibus olim legalem prudentiam nostram miro prorsus scepticifino laborare doctiores affirmabant , sed tantum utilioribus detineri . Ex his tamen ne deducas , omnibus nostris Doctoribus gloriam præreptam malle ; etenim commendandi omnino sunt , qui magno ceteroque iudicio præditi veritati , non partium studio litare suis in Commentariis adnisi fuerint . Tales haberi profecto merentur interpretes Codicum illorum , quibus revera Jus omne Neap. continetur . Sane hi dum per otium in suo secessu scripserunt , suis chartis commendarunt non quid dicendo probabile effici possit , sed omnino quid verum sit . His omnibus concedi debet , vel jus supplere , si deficiat , vel æquitatem docere in iudicando ; si lex ulla interpretatione indigeat . Atque hic brevi Historiæ Juris Romano-Neapolitani finis esto .

ERRATA CORRIGE.

Pag. 57. *quarum*
91. *Proemio*
142. *tertisu*

quorum
Proœmio
tertius

Cetera benevolus Lector corriget.

ANT 1318 618





9301



